

詩學正宗序

昔者明王之治天下也必採列國之詩以觀其政治之得失人心之邪正風俗之媿惡而誅賞加焉然而田疇里巷婦人女子無不能詩傳紀所載童謠野

詩有韻而成聲者皆是也其
至也動天地和神人感陰陽變
寒暑其效甚大嗚呼詩樂之
具也而可易言哉嘗靜而思之
風霆之奮厲雨雪之雜還草木
之喧呶泉石之衝激波濤之震

撼鳥獸之呼鳴宇宙之間凡
以聲顯者詩之本也故善為詩
者必法天地之和以政人心之和
而後可以言詩矣太古之民土
鼓篳桴執牛尾而歌者音律
果何所象哉然則詩之求諸古

者求諸吾心而已矣同郡國子
助教祁川浦君伯魚庶潔方
直毅然自守博學洽聞耽嗜
風雅予嘗謂其才可以製為聲
詩被莞絃奏

郊

廟以鳴

當代之功德而示休光於無窮
惜乎時未有知之者退居海濱
獨擇取古詩樂府以迄於唐此
其官高裁其氣格較其輕重
高下純駁之等萃為十省六

卷謂之詩學正宗其志大矣噫
詩人心之微也學詩者無不知
古之慕豈以古獨與今異哉夫
六太朴未散氣厚而不漓之治
所漸身樂而不怨及其末流則
六不足觀也已此吾所謂法天

地之和以致吾心之和者非妄
也知言之君子謂作詩必求之
三百篇乃得其溫柔敦厚之
旨今浦君又推而求之三百篇
之上泝流尋源豈與執一而廢
百者侔哉學者詳究而深探

之得意於忘言之表然後知君
之好古篤而用心精非若旁流
曲徑之果認於趨避也予無似
學詩而未得其門將自此而
進其亦庶幾乎古人之心也與
然自扞塞拙知不足以及此而

猶有幸於將來詩學大興復
見唐虞三代之盛也

吳郡張鼎思讓



詩學正宗凡例

一四言古詩錄至漢而止古樂府錄至魏而止五言古詩錄至晉而止五七言近體詩錄至盛唐而止皆正音也其餘稍摘其合作者以正變附錄槩括之

一三百篇最其大旨而系之者古人尋河源之意也苟得其源則順流而下一日千里矣

一康衢擊壤斷為四言之始滄浪叩角斷

言學正家八
一
為七言之始靈運玄暉諸作斷為律詩之始出自已見餘可類推

一樂府鼓吹鏡歌曲有不可句者仍其舊文不敢強為之解沈約有言樂人只以音聲相傳何曾知辭凡古樂錄皆大字是辭細字是聲聲辭合寫故有不可句者此說卓矣如妃呼豨收中吾分明是聲

一五言古詩自漢魏至唐中間不知其凡

幾變比類而觀高下辨矣

一詩本近體而故冒古樂府題者收之近體類中

一古樂府以郭茂倩左克明為主五言古詩以文選為主五七言近體詩以唐詩品彙為主間有散見於他書或石刻者其來歷明註於本題之下

一詩中有贅句當削者其本文分註於原處有訛字當正者註曰原本某字有舊

刻新刻擇其善本而從之者註曰一本

某字又有可改而不敢擅改者於本文

上加一圈

如魏文帝芙蓉池遨遊快心
意及曹子建公宴飄飄放志

類意之

一詩有不以世次論者明作者在人係
世次

一音曰正始曰正變亦曰正者約情合性
而歸之道德固三百篇之旨也

一卷有分上下有分上中下有分一二三

四又有附錄或體格有高下或音調有
異同然亦不甚相遠

一註釋惟安世房中歌郊祀歌備錄餘並
削讀者當自得於言意之表

一見聞有限纂輯不能無遺所望於同志
者為我補其闕糾其謬可也

詩學正宗總目

卷第一

四言古詩

卷第二

古樂府

卷第三

古樂府

卷第四

五言古詩

卷第五

五言古詩

卷第六

五言古詩

卷第七

五言古詩

卷第八

七言歌行

卷第九

七言歌行

卷第十

五言排律

卷第十一

五言排律

卷第十二

五言律詩

卷第十三

五言律詩

卷第十四

七言律詩

卷第十五

五言絕句

卷第十六

七言絕句

詩學正宗作者姓名

漢

高祖

武帝

韋孟

枚乘

蘇武

李陵

司馬相如

韋玄成

匡衡

班婕妤

馬援

班固

張衡

傅毅

繁欽

酈炎

諸葛亮

魏

武帝

文帝

明帝

甄后

曹植

王粲

劉楨

應瑒

繆襲

阮籍

晉

張華

何劭

司馬彪

傅玄

王讚

左思

陸機

石崇

王獻之

顧凱之

陶弘景

陶淵明

釋慧遠

釋帛道猷

宋至隋

宋武帝

齊武帝

卷七

國家圖書館, NATIONAL CENTRAL LIBRARY, TAIWAN, R.O.C.

梁簡文帝

梁元帝

陳後主

謝靈運

謝琨

謝惠連

鮑照

謝朓

沈約

徐陵

柳惲

吳筠

蕭愨

王籍

何遜

庾信

明餘慶

江淹

江總

盧思道

薛道衡

孫萬壽

初唐

虞世南

魏徵

楊師道

李義府

王勃

楊炯

盧照隣

駱賓王

郭知運

蓋嘉運

劉庭芝

李嶠

喬知之

陳子昂

王適

朱佐日

杜審言

沈佺期

宋之問

武三思

郭振

李义

薛稷

盧僎

韋元旦

蘇頲

張說

王翰

賀知章

賈曾

席豫

盧從願

徐安貞

李邕

張九齡

齊澣

孫逖

韋濟

張敬忠

豆盧復

屈同仙

褚朝陽

盛唐

玄宗皇帝

李白

崔宗之

張旭

崔顥

孟浩然

陶翰

劉昫

薛據

崔曙

崔國輔

綦毋潛

盧象

祖詠

王之奐

王維

王縉

裴迪

儲光羲

王昌齡

賈至

常建

李頎

高適

岑參

王灣

賀蘭進明

張謂

杜甫

韋迢

嚴武

沈如筠

王季友

劉元濟

荆叔

中唐

韋應物

劉長卿

皇甫冉

皇甫曾

錢起

郎士元

嚴維

劉方平

暢當

崔峒

張起

張繼

李嘉祐

韓翃

盧綸

司空曙

李端

耿滄

丘丹

顧况

竇叔向

長孫左輔

張南史

張衆父

李益

宋濟

柳談

韓愈

權德輿

張仲素

柳宗元

楊巨源

張籍

劉禹錫

王建

李涉

李冶

僧靈一

國家圖書館 NATIONAL CENTRAL LIBRARY, TAIWAN, R.O.C.

僧皎然

僧靈徹

晚唐

李頎

馬戴

劉滄

杜牧

溫庭筠

杜常

韓琮

陳陶

盧弼

羅鄴

韋莊

薛濤

僧貫休

詩學正宗卷第一目錄

皇明國子監助教東海浦南金纂輯

四言古詩

論曰卿雲江水開雅頌之源烝民麥秀建國風之始故首列之三百篇六義備矣漢祚鴻朗制作日新安世楚聲溫厚爾雅后有作者難乎其儷降自桓靈廢而禮樂崩晉宋王而新聲作是以君子傷之

正始

康衢

擊壤

卿雲

賡歌

夏諺

五子

江水

麥秀

正音

三百篇大旨

正變上

黃澤辭

白雲謠

穆天子謠

祁招

翹翹

代匱

河清

周道

綿葛

白水

巧笑

唐棣

澤門

鸛鶴

去魯

袞衣

鳳兮

曳杖

貍首

驪駒

安世房中歌

明堂

班固

辟廱

靈臺

正變下

諷諫

韋孟

在鄒

自劾

韋玄成

戒子孫

廸志

傅毅

附錄

上山采薇

魏文帝

詩學正宗卷第一
四言古詩

正始

康衢

立我烝民莫非爾極不識不知順帝之則

擊壤

日出而作日入而息鑿井而飲耕田而食帝力
於我何有哉

卿雲

卿雲爛爛禮縵縵兮日月光華旦復旦兮上明明天

爛然星陳日月光華弘予一人。日月有常星辰有行四時順經百姓允識於予論樂配天之靈遷于賢聖莫不咸聽。夔乎鼓之。軒乎舞之精華已竭。褰裳去之。

賡歌

股肱喜哉元首起哉百工熙哉

元首明哉股肱良哉庶事康哉

元首叢挫哉股肱惰哉庶事墮哉

夏諺

吾王不游吾何以休吾王不豫吾何以助一游

一豫為諸侯度

五子

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民凜乎若朽索之御六馬為人上者柰何不敬

訓有之內作色荒外作禽荒甘酒嗜音峻宇雕牆一有于此未或不亡

惟彼陶唐有此冀方今失厥道亂其紀綱乃底

滅亡

明明我祖萬邦之君有典有則貽厥子孫關石和鈞王府則有荒墜厥緒覆宗絕祀

嗚呼曷歸予懷之悲萬姓仇予予將疇依鬱陶乎予心顏厚有忸怩弗慎厥德雖悔可追

江水

江水沛兮舟楫敗兮我王廢兮趣歸於薄薄亦大兮

樂兮樂兮四牡驕兮六轡沃兮去不善而從善

何不樂兮

麥秀

麥秀蘄蘄兮禾黍油油彼狡童兮不我好仇

正音

三百篇聖人列之於經間最其大旨序而系之俾知所自

關雎道后妃之德也曰寤寐思服又曰寤寐反側憂也然止於思服反側而已曰琴瑟御之又曰鐘鼓友之樂也然止於琴瑟鐘鼓而已故曰

關雎樂而不淫哀而不傷

學者玩其詞審其音而有以識其性情之正則於三百篇也思過半矣

蓼莪思父母而不得養也天保臣子頌禱其君之詞也車牽燕樂其新婚也棠棣友于兄弟也伐木朋友之交也父子缺則小弁作矣君臣缺則板蕩作矣夫婦缺則白華作矣兄弟缺則角弓作矣朋友缺則谷風作矣遭人倫之變而不失夫天理之常此詩人性情之正也

學者不明於五倫之義則其言詩也皆苟而已邇之事父遠之事君詩之爲教固切於人倫日用者也

大雅會朝之樂也又受釐陳戒之詞也是故生民尊祖也篤公劉述祖也緜推本文王之興由太王也思齊文王所以聖也文王文王受命作周也大明文王有明德故天復命武王也下武繼文也文王有聲繼伐也假樂嘉成王也洞酌召康公戒成王也行葦忠厚也旣醉太平也鳧

鷺守成也王室衰微朝聘之禮俱廢忠讜之言不聞雅詩所以亡也

后世朝會樂章蓋昉諸此

頌郊廟之樂也美盛德之形容而以其成功告於神明者也是故昊天有成命郊祀天地也思文后稷配天也雝禘太祖也天作祀先王先公也清廟祀文王也我將祀文王於明堂也執競祀武王也烈文成王卽位諸侯助祭也噫嘻春夏祈穀於上帝也豐年秋冬報也桓講武類禡

也般巡狩而祀五嶽四瀆也武奏大武也此有周一代之樂也商魯二頌放此

后世郊廟樂章蓋昉諸此

庭燎美宣王也鷄鳴思賢妃也東方刺無節也

后世元會早朝之作蓋昉諸此

湛露燕諸侯也彤弓燕有功諸侯也鹿鳴燕群臣嘉賓也令德令儀示我周行所謂樂矣而不繼以淫者也

后世侍燕賜醕之作蓋昉諸此

靈臺樂其有靈臺也卷阿從游於卷阿也車攻田而講武也泮水在泮而獻功也君行而臣從禮也用吉士以致福祿脩文德而服遠人寓規諷於頌禱之中固大臣侍從之體也

后世扈從應制之作蓋昉諸此

采薇遣戍也杖杜還而勞之也六月師出而有功也東山憫其室家之思也車徒之盛兵甲之威小戎備矣皆軍旅之事也

后世出塞從軍之作蓋昉諸此

皇華遣使臣也四牡勞使臣之來也北山其周之衰乎先王之時說以使民民忘其勞何怨之有君子是以知周之衰也

后世奉使行役之作蓋昉諸此

七月衣食之源也載芟良耜力田而獲豐年也楚茨南山甫田大田稽事有成而祭祀以時燕饗以洽也此盛世之事也君子平其政用民不妨其力使民不奪其時則民得以盡力於農畝而享有此歲晚務閒之樂故曰盛世之事也

后世田家之作蓋昉諸此

白駒歸而隱也伐檀隱矣終其身而不悔也考槃衡門則有以自樂其樂矣

后世隱居閒適之作蓋昉諸此

燕燕渭陽道其思也戚之也崧高烝民貴其德也美之也韓奕誇其錫予之盛族類之貴也榮之也泣涕我思式遄永懷道離別之至情爾

后世餞飲送別之作蓋昉諸此

青蠅刺讒也巷伯遭讒而自傷之詞也

后世離騷遷謫之作蓋昉諸此

鴻鴈哀民窮也黃鳥亦然匪風下泉亂極而思治也黍離傷之甚矣

后世憫時懷古之作蓋昉諸此

卷耳思也伯兮思而憂也泉水竹竿則能以禮自閒矣夫人情居而相違則思期而不至則憂况於夫婦之際乎

后世宮闈之作蓋昉諸此

黃鳥哀三良之殉葬也

后世哀輓之作蓋昉諸此

甘棠美召伯也淇澳美武公也斯干宣王考室也其八章曰乃生男子載寢之牀載衣之裳載弄之璋其泣嗶嗶朱芾斯皇室家君王天保之卒章曰如月之恒如日之升如南山之壽不騫不崩如松柏之茂無不爾或承頌也冀其將然之詞也

后世慶賀頌美之作蓋昉諸此

定之方中曰升彼虛矣以望楚矣望楚與堂景

山與京言升高而望也宛丘曰坎坎擊鼓宛丘之下坎坎擊鼓宛丘之道言出遊而樂也

后世遊覽之作蓋昉諸此

正變上

黃澤辭

皇之陀其馬歎沙皇人威儀皇之澤其馬歎玉皇人壽穀

、白雲謠

白雲在天丘山陵自出道里悠遠山川間之將

子無死尚復能來

穆天子謠

子歸東土和洽諸夏萬民平均吾顧見汝比及
三年將復而野

、 祁招

祁招之悻悻式昭德音思我王度式如玉式如
金形民之力而無醉飽之心

翹翹

翹翹車乘招我以弓豈不欲往畏我友朋

代匱

雖有絲麻無棄菅蒯雖有姬姜無棄憔悴凡百
君子莫不代匱

河清

俟河之清人壽幾何兆云詞多職競作羅

周道

周道挺挺我心扃扃講事不令集人來定

縣葛

縣縣之葛在於曠野良工得之以爲絺紵良工

不得枯死於野

白水

浩浩白水儵儵之魚君來召我我將安居國家
未定從我焉如

巧笑

巧笑倩兮美目盼兮素以爲絢兮

唐棣

唐棣之華偏其反而豈不爾思室是遠而

澤門

澤門之哲實與我役邑中之黔實慰我心

鸛鵒

鸛之鵒之公出辱之鸛鵒之羽公在外野往饋
之馬鸛鵒踈踈公在乾侯徵褰與襦鸛鵒之巢
遠哉遙遙稠父喪勞宋父以驕鸛鵒鸛鵒往歌
來哭

去魯

彼婦之口可以出走彼婦之謁可以死敗盍優
哉游哉聊以卒歲

袞衣

袞衣章甫實獲我所章甫袞衣惠我無私

鳳兮

鳳兮鳳兮何德之衰往者不可諫來者猶可追
已而已而今之從政者殆而

曳杖

泰山其頽兮梁木其壞兮哲人其萎兮

耜首

曾孫侯氏

以庶士小大

莫處御於君所以燕以射則燕則譽

驪駒

驪駒在門僕夫具存驪駒在路僕夫整駕

安世房中歌

漢書禮樂志曰漢房中樂祠高祖唐山
夫人所作也周有房中樂至秦名曰壽
人凡樂樂其所生禮不忘其本高祖樂
楚聲故房中樂楚聲也孝惠二年使樂
府令夏侯寬備其簫管更名安世樂云

其一

大孝備矣，休德昭清，高張四縣樂，充宮庭。

宮縣四而高張之縣音懸芬樹羽林，雲景杳冥。

然衆多仰視高遠如雲日之杳冥也金支秀華，庶旄翠旌。

蘇羽葆以黃金為支其首敷散若草木之秀華庶旄翠旌析五采羽注翠旄之首而為旌耳

七始華始，肅倡和聲。

如六英也肅敬也言歌者敬而唱其聲諧和也言庶幾神來宴戲而聽此樂也娛許其反

神來宴娛，庶幾是聽。

其二

粥粥音送，細益人情。

粥粥敬懼貌細微也忽乘青玄，熙事備成。

也粥弋六反清思聊聊，經緯冥冥。

事皆備成也熙與禧同天地聊音窈

其三

我定曆數，人告其心。

言臣下各竭其心致誠敬也敕身齊戒，施教申申。

敕謹敬之貌齊謹曰齊乃立祖廟，敬明尊親。

其四

詩經卷之三

十一

王侯秉德其鄰翼翼鄰四鄰之國顯明昭式清
明聖矣皇帝孝德聖與賜同通也竟全大功撫安四極

其五

海內有姦紛亂東北謂匈奴也詔撫成師武臣承惠

言各置部校師出以律也行樂交逆言新樂教化流行則逆亂之徒盡交歡也蕭為濟哉蓋定燕國

其六

大海蕩蕩水所歸高賢愉愉民所懷興也言海以廣大之故衆水歸之王者有和大山崔百卉殖民何貴樂之德則人皆思附也

貴有德亦興也言大山以崔嵬之故能生養百卉明君以崇高其德故為萬姓所尊也

其七

安其所樂終產言萬物各安其所樂終產世繼而樂終其生也樂終產世繼
緒言傳祚無窮也飛龍秋游上天言駕馬騰秋秋然也揚雄賦曰秋秋瞻
瞻入西園其義亦同高賢愉樂民人

其八

豐草萋女羅施萋盛貌女羅兔絲也延于松栢之上異類而有纏綿如此况同姓善何如誰能回善不可于亂也大莫大成
教德長莫長被無極

其九

雷震震電耀耀明德鄉治本約言王者之威取象雷電明示德

義之方而治政本之約約讀曰要治其約澤弘大言政教有常則恩惠溥治

加被寵咸相保言德澤所加人被寵渥皆相保也德施大

世曼壽曼延也

其十

都荔遂芳窅窅桂華言都良薛荔俱有芬芳桂華之形窅窅然也窅窅音窅

窅之窅窅音窅孝奏天儀若日月光言以孝道進承於天天神

有光乘玄四龍回馳北徃羽旄殷盛芬哉芒



芒芬衆多也芒芒廣遠貌孝道隨世我署文章署表也

其十一

桂華馮馮翼翼承天之則馮馮盛滿也翼翼衆貌吾易爻

遠燭明四極言疆易廣大耳

其十二

慈惠所愛美若休德若盛也休美也杳杳冥冥克綽永

福綽綽也延美芳磴磴即師象山則積也即

即充實也師衆也則法也言積實之盛衆類於山也磴五回反

其十三

三百

嗚呼孝哉案撫戎國蠻夷竭歡象來致福象譯也

蠻夷遣譯致貢也兼臨是愛終無兵革兼臨在上位而普包容也

其十四

嘉薦芳矣告靈饗矣告靈既饗德音孔臧饗平聲孔

甚臧也惟德之臧建侯之常永保天休令問不忘

其十五

皇皇鴻明蕩侯休德言天下蕩平惟帝之休德嘉承天和伊

樂厥福伊是也在樂不荒惟民之則浚則師德下

民咸殖令問在舊孔容翼翼浚深也舊久也言有深法衆德故能

生育羣黎久有善名其容甚敬也

其十六

孔容之常承帝之明帝謂天也下民之樂子孫保光

光寵也承順溫良受帝之光嘉薦令芳壽考不忘

其十七

承帝明德師象山則象山言不雲施稱民永受

厥福言稱物平施其澤如雲也稱去聲承容之常承帝之明下

民安樂受福無疆

右安世房中歌流傳既久文義不無乖謬讀者茫然上虞劉履始更定為七章余復

更定為十章音從字順頗有
條理重錄如左未知是否

大孝備矣休德昭清高張四縣樂充宮庭芬
樹羽林雲景杳冥金支秀華庶旄翠旌七始
華始肅倡和聲神來宴娛庶幾是聽○嚮嚮
音送細齊人情忽乘青玄熙事備成清思聊
鞠經緯冥冥○王侯秉德其隣翼翼顯明昭
式清明粵矣皇帝孝德竟全大功撫安四極
○海內有姦紛亂東北詔撫成師武臣承德
行樂交逆蕭勺群慝肅為齊哉蓋定燕國○
大海蕩蕩水所歸高賢為愉民所懷大山崖
百卉殖民何貴有德○雷震震電耀耀明
德鄉治本約如被寵咸相保德施七世曼壽
○嗚呼孝哉案撫戎國蠻夷竭歡象來致福
兼臨是愛終無兵革○嘉薦芳矣告靈饗矣
告靈既饗德音孔臧惟德之臧建侯之常永
保天休令問不忘○皇皇鴻明蕩侯休德嘉
承天和伊樂厥德在樂不荒惟民之則浚則

師德下民咸殖令問在舊孔容翼翼○孔容
之常承帝之明下民之樂子孫之光承容之
常承帝之明下民
安樂受福無疆

明堂

於昭明堂明堂孔陽聖皇宗祀穆穆煌煌上帝
宴饗五位時序誰其配之世祖光武普天率土
各以其職猗歟緝熙允懷多福

辟雍

乃流辟雍辟雍湯湯聖皇蒞止造舟為梁皤皤
國老乃父乃兄抑抑威儀孝友光明於赫大上

示我漢行洪化唯神永觀厥成

靈臺

乃經靈臺靈臺既崇帝勤時登爰考休徵三光
宣精五行布序習習祥風祁祁甘雨百穀蓁蓁
庶草蕃廡屢惟豐年於皇樂胥

正變下

諷諫

韋孟爲楚元王傳傳子夷王及孫王戊
戊荒淫不道孟作詩諷諫

肅肅我祖國自豕韋黼衣朱黻四牡龍旂彤弓
斯征撫寧遐荒總齊群邦以翼大商迭彼大彭
勳績惟光至于有周歷世會同王赧聽譖寔絕
我邦我邦既絕厥政斯逸賞罰之行非繇王室
庶尹群后靡扶靡衛五服崩離宗周以隊我祖
斯微遷于彭城在予小子勤諛厥生阼此媢秦
耒耜以耕悠悠媢秦上天不寧乃眷南顧授漢
于京於赫有漢四方是征靡適不懷萬國攸平
乃命厥弟建侯于楚俾我小臣惟傳是輔矜矜

元王恭儉靜一惠此黎民納彼輔弼享國漸世
垂烈于後乃及夷王尅奉厥緒咨命不永惟王
統祀左右陪臣斯惟皇士如何我王不思守保
不惟履冰以繼祖考邦事是廢逸游是娛大馬
繇繇是放是驅務彼鳥獸忽此稼苗蒸民以匱
我王以媮所弘匪德所親匪俊唯囿是恢唯諛
是信踰踰諂夫喞喞黃髮如何我王曾不是察
既藐下臣追欲從逸媢彼顯祖輕此削黜嗟嗟
我王漢之睦親曾不夙夜以休令聞穆穆天子

臨爾下土明明群司執憲靡顧正遐由近殆其
怙茲嗟嗟我王曷不是思匪思匪監嗣其罔則
彌彌其佚岌岌其國致冰匪霜致隊匪慢瞻惟
我王時靡不練興國救顛孰違悔過追思黃髮
秦繆以霸歲月其徂年其逮耆於赫君子庶顯
于後我王如何曾不斯覽黃髮不近胡不時監

在鄒

孟諷諫後遂去位徙家於鄒又作此詩
微微小子既苟且陋豈不牽位穢我王朝王朝

肅清唯俊之庭顧瞻余躬懼穢此征我之退征
請于天子天子我恤矜我髮齒赫赫天子明愬
且仁縣車之義以泊小臣嗟我小子豈不懷土
庶我王寤越遷于魯旣去禰祖惟懷惟顧祁祁
我徒戴負盈路爰戾于鄒鬻茅作堂我徒我環
築室于牆我旣遷逝心存我舊夢我瀆上立于
王朝其夢如何夢爭王室其爭如何夢王我弼
寤其外邦嘆其喟然念我祖考泣涕其漣予末
老夫浴旣遷絕洋洋仲尼視我遺烈濟濟鄒魯

自劾

韋玄成旣襲父爵遷太常後以列侯從
祀孝惠廟當晨入廟天雨淖不駕駟馬
車而騎至廟下有司劾奏玄成等數人
皆削爵爲關內侯玄成自傷貶黜父爵
歎曰吾何面目以奉祭祀乃作詩自劾
赫矣我祖侯于豕韋賜命建伯有殷以綏厥績

既昭車服有常朝宗商邑四牡翔翔德之令顯
慶流于裔宗周至漢群后歷世肅肅楚傳輔翼
元夷厥駟有庸惟慎惟祗嗣王孔佚越遷于鄒
五世壙僚至我節侯惟我節侯顯德遐聞左右
昭宣五品以訓既耆致位惟懿惟貞厥賜祁祁
百金洎館國彼扶陽在京之東惟帝是留政謀
是從繹繹六轡是列是理威儀濟濟朝享天子
天子穆穆是宗是師四方遐邇觀國之輝茅土
之繼在我俊兄惟我俊兄是讓是形於休厥德

於赫有聲致我小子越留於京惟我小子不肅
會同媵彼車服黜此附庸赫赫顯爵自我隊之
微微附庸自我招之誰能忍媿寄之我顏誰將
遐征從之夷蠻於赫三事匪俊匪作於蔑小子
終焉其度誰謂華高企其齊而誰謂德難厲其
庶而嗟我小子于貳其尤隊彼令聲申此擇辭
四方群后我監我視威儀車服唯肅是履

戒子孫

玄成復作詩復玷缺之難因以戒示

子孫

於肅君子既令厥德儀服此恭棣棣其則咨余
小子旣德靡逮曾是車服荒嫚以隊明明天子
俊德烈烈不遂我遺恤我九列我旣茲恤惟風
惟夜畏忌是申供事靡惰天子我監登我三事
顧我傷隊爵復我舊我旣此登望我舊階先后
茲度漣漣孔懷司直御事我熙我盛群公百僚
我嘉我慶于異卿士非同我心三事惟艱莫我
肯矜赫赫三事力雖此畢非我所度退其罔日

自我之隊畏不此基今我度茲戚戚其懼嗟我
後人命其靡常靖享爾位瞻仰靡荒慎爾會同
戒爾車服無惰爾儀以保爾域爾無我視不慎
不整我之此復惟祿之幸於戲後人惟肅惟栗
無忝顯祖以蕃漢室

廸志

傳毅作此詩以自勵

咨爾庶士迨時斯勗日月逾邁豈云旋復哀我
經營旅力靡及在茲弱冠靡所樹立於赫我祖

顯于殷國二迹阿衡克光其則武宗興商伊宗
皇士爰作股肱萬邦是紀奕世載德迄我顯考
保膺淑懿續脩其道漢之中葉俊人式序秩彼
殷宗光此勲緒伊余小子穢陋靡逮懼我世烈
自茲以墜誰能革濁清我濯漑誰能昭闇啓我
童昧先人有訓我訊我誥訓我嘉務誨我博學
爰率朋友尋此舊則契闊夙夜庶不懈忒秩秩
大猷紀綱庶式匪勤匪昭匪壹匪測農夫不怠
越有黍稷誰能云作者之居息二事敗業多疾

我力如彼遵衢則罔所極二志靡成幸勞我心
如彼兼聽則溷於音於戲君子無恒自逸徂年
如流鮮茲暇日行邁屢稅胡能有迄密勿朝夕
聿同始卒

附錄

上山采薇

魏文帝

上山采薇薄暮苦饑谿谷多風霜露沾衣野雉
群雊猴猿相追還望故鄉鬱何壘壘高山有崖
林木有杙憂來無友人莫之知人生如寄多憂



何為今我不樂日月其馳湯湯川流中有行舟
隨波轉薄有似客游策我良馬被我輕裘載馳
載驅聊以忘憂

詩學正宗卷第二目錄

皇明國子監助教東海浦南金纂輯

古樂府

論曰漢武定郊祀立樂官命司馬相如等作爲
歌詩被之管絃協以律呂樂府所由興也學士
大夫時時間作闕深道勁獨臻其妙曹氏父子
力追兩京庶幾合矩自晉以下吾無譏焉

正始

采薇歌

伯夷

龜山操

孔子

越人歌

荆軻

紫玉歌

吳王女

垓下歌

項羽

楚歌

漢高祖

箜篌引

麗玉

瓠子歌二首

武帝

李夫人歌

正音上

郊祀歌十九首

鼓吹饒歌曲十八首

烏生

鷄鳴

王子喬

東門行

西門行

豔歌行

豔歌何嘗行

陌上桑

隴西行

長安有狹斜行

白頭吟

孤兒行

董逃行

獨漉篇

蜨蝶行

詩學正宗卷第二

古樂府

正始

采薇歌

伯夷

登彼西山兮采其薇矣以暴易暴兮不知其非
矣神農虞夏忽焉沒兮我安適歸矣于嗟徂兮
命之衰矣

龜山操

孔子

予欲望魯兮龜山蔽之手無斧柯柰龜山何

越人歌

今夕何夕兮牽洲中流今日何日兮得與王子同舟蒙羞被好兮不訾詬耻心幾煩而不絕兮得知王子山有木兮木有枝心悅君兮君不知

紫玉歌

吳王女

南山有鳥北山張羅意欲從君讒言孔多悲結成疹沒身黃墟命之不造宛如之何羽族之長名為鳳凰一日失雄三年感傷雖有衆鳥不為匹雙故見鄙姿逢君輝光身遠心邇何曾暫忘

垓下歌

項羽

力拔山兮氣蓋世時不利兮騅不逝騅不逝兮可奈何虞兮虞兮奈若何

楚歌

漢高祖

鴻鵠高飛一舉千里羽翼已就橫絕四海橫絕四海又可奈何雖有繒繳尚安所施

箜篌引

麗玉

公無渡河公竟渡河墮河而死當奈公何

瓠子歌

武帝

瓠子決兮將柰何。浩浩洋洋兮慮殫爲河。殫爲河兮地不得寧。功無已時兮吾山平。吾山平兮鉅野溢。魚弗鬱兮栢冬日。正道弛兮離常流。蛟龍騁兮放遠遊。歸舊川兮神哉沛。不封禪兮安知外。皇謂河伯兮何不仁。汎濫不止兮愁吾人。齧桑浮兮淮泗滿。久不返兮水維緩。河湯湯兮激潺湲。北渡回兮迅流難。塞長茨兮湛美玉。河公許兮薪不屬。薪不屬兮衛人罪。燒蕭條兮噫乎何。以禦水。隕林竹兮楛石。墜宣防。

塞兮萬福來

李夫人歌

是邪非邪立而望之。翩何姍姍其來遲。

正音上

郊祀歌

十九首

武帝定郊祀之禮。祠太一於甘泉。祭后土於汾陰。乃立樂府。以李延年为協律都尉。命司馬相如等造爲歌詩。合以八音之調。以正月上辛用事甘泉園丘。使

童男女七十人歌之時新得神馬因次
為歌汲黯進曰王者作樂上以承祖宗
下以化兆民今陛下得馬作歌以薦於
宗廟先帝百姓豈能知其音邪觀黯之
言則是祭宗廟亦用之矣然其辭亦多
難曉云

練時日一

練時日侯有望練選也 炳管蕭延四方管腸間脂也蕭香蒿也 九重開靈之旂也以蕭炳脂合馨香也四方四也

靈之車結玄雲駕飛龍羽旄紛紛言其多 靈之下
若風馬言速疾也 左倉龍右白虎以為 靈之來神哉
沛沛疾貌也 先以雨般裔裔先以雨言神欲行令
震澹心放悲猶鬚鬚也澹動也 靈已坐五音飭飭讀與敕同謂整也
虞至旦承靈億億安也 牲蘭栗粢盛香尊桂酒
賓八鄉尊桂酒以水漬桂為大尊酒也 籩栗言
神靈安留吟青黃謂四時之樂也 徧觀此眺

四百五十一
詩學正宗卷一

瑤堂

眺望也。瑤石而似玉者以瑤飾堂也。

衆嫫並綽奇麗

嫫音互，好也。

謂供神女樂並好麗也。

顏如荼兆逐靡

茶野菅白華也。言此奇麗白如茶也。

兆逐靡者兆民逐觀而綺靡也。

被華文厠霧縠

阿錫佩珠玉

阿細繒錫細布也。厠雜也。俠嘉夜。蒞蘭芳。

俠與同。

嘉夜芳草也。蒞即今白芷。

澹容與獻嘉觴

澹安也。容與言閑舒也。

帝臨二

帝臨中壇四方承宇

言天神尊者來降中壇。四方之神各承四宇也。

繩意變備得其所

繩繩爾雅。清和六合制數以

五。此。后。土。之。歌。海。內。安。寧。興。文。匿。武。后。土。

也。此。后。土。之。歌。海。內。安。寧。興。文。匿。武。后。土。

也。此。后。土。之。歌。海。內。安。寧。興。文。匿。武。后。土。

也。此。后。土。之。歌。海。內。安。寧。興。文。匿。武。后。土。

富媪昭明三光

坤為母故稱媪。海內安定富媪之功耳。

穆穆優游

嘉服上黃

土色上黃也。

青陽三

青陽開動根莖以遂

春為青陽草根曰莖。遂者言皆生出也。

并愛跂行畢逮

跂音岐。凡有足而行者稱跂。

霆聲發榮爨處

頃聽

言雷霆始發草木舒榮則頃聽而起。頃讀曰傾。

枯槁復

產迺成厥命

枯槁謂草木經冬零落者也。

衆庶熙熙施及天

胎

熙熙和樂貌。施延也。少長曰天。羣生。噍噍。惟

春之祺。厚貌。徒感反。

春之祺

厚貌。徒感反。

朱明四

朱明盛長專與萬物夏為朱明專古敷桐生茂

豫靡有所詘預讀為通茂豫美盛而光悅也古

所詘皆申遂敷華就實既阜既昌敷布也就成

也詘丘物反登成甫田百鬼迪嘗言此矣盛皆因大田而

也廣大建祀肅雍不忘神若宥之傳世無

疆若善也

西顛五

西顛沆礪秋氣肅殺西顛西方少昊也沆胡浪

反礪音蕩沆礪白氣貌

含秀垂穎續舊不廢五穀百草秀穎成實皆因

日秀葉未日穎穎姦偽不萌未日穎穎祆孽伏息穎隅辟越遠穎四貉咸

四貉猶言四既畏茲威惟慕純德附而不驕四貉猶言四

正心翊翊純大也言畏威懷德皆來賓

玄冥六

玄冥陵陰蟄蟲蓋藏玄冥止中木零落抵冬降

霜抵至也至冬易亂除邪革正異俗易變也兆

民反本抱素懷樸條理信義望禮五嶽條分也

籍斂之時掩收嘉穀籍斂謂收

籍田也

惟泰元七

惟泰元尊媪神蕃釐泰元天也媪神地也蕃多也釐福也言天神至尊而

地神多福也經緯天地作成四時精建日月星

辰度理陰陽五行周而復始雲風雷電降甘露

雨百姓蕃滋咸循厥緒蕃多也滋益也繼續共

勤順皇之德共讀曰恭皇皇天地此言天子繼承祖統恭勤為心而順天者也

鸞路龍鱗罔不胥飾胥音璽塗之璽飾也師古曰罔無也胥振也謂皆振

整而飾之也册計乙反嘉籩列陳庶幾宴享嘉籩謂祭祀之籩實也鐘鼓竿笙雲

滅除凶災列騰八荒言威烈之盛鐘鼓竿笙雲

翬翔招搖靈旗九夷賓將畫招搖於旗以征伐故稱靈旗將借

天地八建始元年丞相匡衡奏罷鸞路龍鱗更定

天地並况惟子有慕况賜爰熙紫壇思求厥路

熙英也紫壇壇紫色也恭承禋祀緼豫為紛積聚也思求降神之路也

華也紛繡繡周張承神至尊千童羅舞成八溢

溢與侑同合好効歡虞泰虞與九歌畢奏斐

然殊鳴琴竿瑟會軒朱軒朱即朱軒也言總合音樂會於軒楹之前

瑇磬金鼓靈其有喜瑇美玉名以為磬也百官濟濟各敬

厥事盛牲實俎進聞膏言以牲實俎以蕭燔脂則其芬馨達於神所故

神奄留臨須搖須搖須史也長麗前揆光耀

明揆即光炎字也長麗而後商皇舊說云鸞也寒暑不

忒况皇章忒差也寒暑不差言陰陽展詩應律

銷玉鳴銷鳴玉也函宮吐角激徵清發梁揚和申

以商自函宮吐角以下總言五音甲重造茲新

音永久長聲氣遠條鳳鳥翔條達也神夕奄虞蓋

孔享虞樂也蓋語辭也孔甚也日出入九承相匡衡奏罷

日出入安寧時世不與人同日月無窮人命有限世長而壽短也

故春非我春夏非我夏秋非我秋冬非我冬泊

如四海之池徧觀是邪謂何甚言人命促也吾知所

樂獨樂六龍六龍之調使我心若若順也武帝願乘六龍昇

仙故云訾黃其何不徠下訾嗟歎之辭黃乘黃也龍翼而馬身黃帝乘之

天馬十元符三年馬生

太乙沉天馬下言此天馬乃太一霑赤汗沫流

赭大宛馬汗血霑濡流沫如赭也志倣儻精權奇籛浮雲掩上

駟音躡上躡浮雲體容與逝萬里能厲度萬里也

今安匹龍為友唯龍可為之友耳

又太初四年誅宛王獲宛馬作

天馬徠從西極涉流沙九夷服此馬遠來也

天馬徠出泉水虎春兩化若鬼者有兩也

天馬徠歷無草徑千里循東道言馬

天馬徠執徐時得天馬

開遠門竦予身逝昆侖言武帝好仙常庶幾天

也天馬徠龍之媒言天馬者乃神龍之類今天

游閭闔觀玉臺閭闔天門玉臺上帝之所居

天門開十一

天門開誅蕩蕩誅讀如迭誅蕩蕩天體堅清之狀穆並騁以臨

饗言衆神穆然方駕馳聘而臨祠祭光夜燭德信著神光夜照應誠而來

靈寢平而鴻長生豫神靈德澤所浸溥博無私其福甚大

大朱涂廣夷石為堂涂道路也

玉梢以舞歌體招廣太平夷密石累以為堂飾玉梢以舞歌體招

星留星留

俞塞隕光

俞荅也言衆星留神荅我饗薦照紫

幄珠煩黃

紫幄饗神之幄也帳上四下而覆曰

也煩

音云幡比狻回集貳雙飛常羊如鳥之回翹而

猶道逃也

月穆穆以金波日華耀以宣明

光穆穆若金之

假清風軋忽激長至重觴

波流也宜徧也

神裴回若留放殫異親以肆章

謂累獻也

函蒙祉福常若

神靈裴回而不去故我得親見

天知厥時

與以親附而陳誠意遂章明之

寂謬上

期函包也蒙被也言為神所饗故能包

函蒙被祉福應誠而至有常朝也

泛泛滇滇從高

乃欲陳

旂

所求也

汎汎

溢四方

休美也嘉慶也

子日仙

專精厲意逝九閼

九陔之

浮大海

景星顯見信星彪列

景星者德星也見無常常

事也

象載昭庭日親以察

廣日來

參伴開闔爰推本紀

寺星記卷二

星十二

九鼎五年得

景星

寺星記卷二

也開謂借開闢也言今汾雅出鼎皇祐元始皇

之鼎也參等於上世五音六律依韋饗昭

也言聲也雜變並會雅聲遠姚

之明也善木可為琴瑟四興遞代八風生

琴瑟結信成空桑地名也出四興遞代八風生

舞者所以節入音而行八風也夫殷殷鐘石羽籥

鳴殷殷聲感也石謂磬也羽河龍供鯉醢犧牲

河龍夏之所賜者也供鯉給厨祭也百末旨酒

布蘭生白末百草華之末也旨美也以泰尊

漿析朝醒也析解也言柘漿可以解朝醒也

感心攸通修名言精微所應其心攸遠周流常

羊思所并周流猶周行也常羊猶逍遙也思所

穰穰復正直往甯穰穰多也復猶歸也直當也

道克當往日所願馮蠙切和疏寫平馮馬夷河

也復音福甯音寧馮蠙切和疏寫平馮馬夷河

令之疏導川潦寫散平均無災害也蠙音攜

齊房十三元封二年芝生甘泉齊房作

齊房產草九莖連葉齊讀曰齋宮童効異披圖

案謀此異瑞也致玄氣之精回復此都言天氣

之精回復於此蔓蔓日茂芝成靈華言其

晉

詩卷之三

上

長久日以茂盛也

后皇十四

后皇嘉壇立玄黃服壇祭壇也服祭服也物發冀州兆蒙

祉福得寶異於分陰也沈沈四塞假狄合處沈音充沈沈音流行之貌徧夷遠夷也合處內附也假即假字耳經營萬億咸遂厥宇宇居也言

我經營萬方億兆故得咸遂其居

華燁燁十五

華燁燁十五

華燁燁固靈根神之旂過天門車千乘敦昆侖

敦讀曰屯神之久排玉房周流雜拔蘭堂拔舍也

步曷神之行旌容容騎沓沓般縱縱容容飛揚疾行也般相連也縱縱衆也容音勇縱音總神之徠泛翊翊甘露降

慶雲集天文志云若烟非烟若雲非雲郁郁紛紛是謂慶雲神之揄臨壇

宇揄引也壇宇謂祭祠壇場及宮九疑賓夔龍

舞九疑舜所葬言以舜為賓客也夔典樂龍管納言皆隨舜而來舞以樂神神安坐

鵠言時皆趨吉時也共翊翊合所思共讀曰恭翊翊

敬神嘉虞申貳觴虞樂也貳觴猶重觴也福滂洋邁延長

滂洋鏡沛施祐汾之阿阿水之曲隅揚金光橫秦河

廣也橫充滿也泰莽若雲增陽波莽雲貌言光明之盛莽莽然如雲也

河大也



徧臚驪騰天歌臚陳也騰升也言陳其歡慶令歌上升於天

五神十六

五神相包四隣五帝為太一相也四鄰為方土地廣揚浮

雲扞嘉壇椒蘭芳扞摩也謂摩拭其壇加以椒蘭之芳也璧玉精

垂華光言禮神之璧乃玉之精英故有光華也益億年美始興言慶方興

交於神若有承言神來降臨故盡其端恭廣宣延咸

畢觴言備延諸神成歡靈輿位偃蹇神則嚴駕靈輿其侍從

汜汜臚析奚遺汜汜疾意也臚陳也析分

淫淥澤淫然歸淫淥澤淫然歸淫淥澤淫然歸淫淥澤淫然歸

名言我饗神之後又有淥澤乃淫然而歸也淥音綠烏黃反

朝隴首十七元狩元年行幸雍獲白麟作

朝隴首覽西垠謂朝於隴首而覽西北也雷電奈獲白麟奈祭

爰五止顯黃德爰日也發也辭也止足也

圖匈虐熏鬻殛熏鬻匈奴本號也居力反闕

流離抑不詳流離不得其所者為開道路使之安集違道不詳善者抑出之以申

賓百僚山河饗百僚百神之官也掩回轅鬚長馳

騰雨師洒路陂洒灑也路陂路傍也言使雨師灑道也

流星墮感惟風籟歸雲撫懷心懷心懷柔之心也

象載瑜十八

象載瑜白集四

食甘露飲采泉

六紛頁

殊翁雜五采文

登蓬萊結無極

赤蛟十九

赤蛟綏黃華蓋

畫晻溢

六符三平行三

象載瑜白集四

食甘露飲采泉

六紛頁

殊翁雜五采文

登蓬萊結無極

赤蛟綏黃華蓋

畫晻溢

百君禮六龍位

百神也

勺椒漿靈已醉

日酌

靈既享錫吉祥芒芒

極降嘉觴

大飽

靈殷殷爛揚光

設設或也

延壽命永未央杳冥寒六合澤汪滅輯萬國

禮樂成靈將歸託玄德長無衰

鼓吹饒歌曲

按漢有二十二曲列于鼓吹謂之饒歌

存者十八篇而務成玄雲黃雀釣竿四

三百于

存者十八篇而務成玄雲黃雀釣竿四

存者十八篇而務成玄雲黃雀釣竿四



NATIONAL CENTRAL LIBRARY TAIWAN R.O.C.

篇其詞已亡又李延年因胡曲更造新聲二十八解謂之橫吹魏晉以降僅傳十曲曰黃鵠曰隴頭曰出關曰入關曰出塞曰入塞曰折楊柳曰黃覃子曰赤之楊曰望行人後人雜以關山月洛陽道長安道梅花落紫騮馬驄馬雨雪劉生合十八曲古詞鮮有存者又相和曲平調瑟調清調在漢謂之三調又楚詞漢房中樂也又清商曲曰清樂清樂者

九代之遺聲也其始即相和三調審聲者攷焉

朱鷺

朱鷺魚以鳥路訾邪鷺何食食茄下不之食不以吐將以問誅諫者

思悲翁

思悲翁唐思奪我美人侵以遇悲翁也但我思蓬首葦狗逐狡兔食交君臬子五臬毋六拈杳高飛暮安宿

艾如張

艾而張羅夷於何行成之四時和山出黃雀亦有羅雀以高飛柰雀何為此倚欲誰肯矇室

上之回

上之回所中益夏將至行將北以承甘泉宮寒暑德遊石關望諸國月支臣匈奴服令從不官疾駟馳千秋萬歲樂無極

翁離

擁離趾中可築室何用葺之蕙用蘭擁離趾中

戰城南

戰城南死郭北野死不葬烏可食為我謂烏且為客豪野死諒不葬腐肉安能去子逃水深激激蒲葦冥冥梟騎戰鬪死駑馬徘徊鳴梁築室何以南梁何北禾黍而獲君何食願為忠臣安可得思子良臣良臣誠可思朝行出攻暮不夜歸

巫山高

巫山高高以大淮水深難以逝我欲東歸害梁

不為我集無高曳水何梁湯湯回回臨水遠望
泣下沾衣遠道之人心思歸謂之何

上陵

上陵何美美下津風以寒問客從何來言從水
中央桂樹為君船青絲為君竿木蘭為君棹黃
金錯其間滄海之雀赤翅鴻白鴈隨山林乍開
乍合曾不知日月明醴泉之水光澤何蔚蔚芝
為車龍為馬覽遨遊四海外甘露初二年芝生
銅池中仙人下來飲延壽千萬歲

將進酒

將進酒乘太白辨佳哉詩審搏放故歌心所作
同陰氣詩悉索使禹良工觀者苦

君馬黃

君馬黃臣馬蒼二馬同逐臣馬良易之有駮蔡
有楮美人歸以南駕車馳馬美人傷我心佳人
歸以北駕車馳馬佳人安終極

芳樹

芳樹日月君亂如於風芳樹不上無心溫而鵠

三而爲行臨蘭池心中懷我悵心不可匡日不可顧妬人之子愁殺人君有他心樂不禁禁王將何以如孫如魚乎悲矣

有所思

有所思乃在大海南何用問遺君雙珠璫瑁簪用玉紹繚之聞君有他心拉雜摧燒之摧燒之當風揚其灰從今已往勿復相思相思與君絕鷄鳴狗吠兄嫂當知之如呼豨秋風肅肅晨風颯東方須臾高知之

雉子班

雉子班如此之干雉梁無以吾翁孺雉子知得雉子高飛止黃鵠飛之以千里王可思雄來飛從雌視子趨一雉雉子車大駕馬滕王送行所中堯羊輩從王孫行

聖人出

聖人出陰陽和美人出遊九河佳人水駢離哉何駕六飛龍四時和君之臣明護不道美人哉宜天子免甘星巫樂甫如美人子含四海

上邪

上邪我欲與君相知長命無絕衰山無陵江水
為竭冬雷震震夏雨雪天地合乃散與君絕

臨高臺

臨高臺以軒下下有清水清且寒江有香草目
以蘭黃鵠高飛離哉翻關弓射鵠令我主壽高
年收中吾

遠如期

遠如期益如壽處天左側大樂萬歲與天無極

雅樂陳佳哉紛單于自歸動如驚心虞心大佳
萬人還來謁者引卿殿陳累世未嘗聞之增壽
萬年亦誠哉

石流

石流涼陽涼石水流為沙錫以微河為香向始
蘇冷將風陽北逝肯無敢與于揚心邪懷蘭志
金安薄北方開留離蘭

烏生

烏生八九子端坐秦氏桂樹間嗒我秦氏家有

遊遨蕩子工用睢陽彊蘇合彈左手持彊彈兩
丸出入烏東西惜我一九郎發中烏身烏死魂
魄飛揚上天阿母生烏子時乃在南山崑石間
惜我人民安知烏子處蹊徑窈窕安從通白鹿
乃在上林西苑中射工尚復得白鹿脯惜我黃
鵠摩天極高飛後宮尚復得烹煮之鯉魚乃在
洛水深淵中釣釣尚得鯉魚口惜我人民生各
各有壽命死生何須復道前後

鷄鳴

鷄鳴高樹顛狗吠深宮中蕩子何所之天下方
太平刑法非有貸柔協正亂名黃金為君門璧
玉為軒堂上有雙樽酒作使邯鄲倡劉王碧青
甕後出郭門玉舍後有方池池中雙鴛鴦鴛鴦
七十二羅列自成行鳴聲何啾啾聞我殿東廂
允第四五人皆得侍中郎五日一時來觀者滿
路傍黃金絡馬頭頰頰何煌煌桃生露井上李
樹生桃傍蟲來齧樹根李樹代桃疆樹木身相
代允第還相忘

王子喬

王子喬乘駕白鹿雲中遨參駕白鹿雲中遨下
遊來王子喬參駕白鹿上至雲戲遊遨上逮逋
陰廣里踐近高結仙宮過謁三台東遊四海五
嶽上過蓬萊紫雲臺三王五帝不足令令我聖
朝應太平養民君子事父明當究天祿永康寧
玉女羅坐吹笛簫嗟行聖人遊八極鳴吐嘖福
翔殿側聖主享萬年悲吟皇帝延壽命

東門行

出東門不顧歸來入門悵欲悲益中無斗儲還
視桁上無懸衣一解拔劍出門去兒女牽衣啼
他家但願富貴賤妾與君共鋪糜二解共鋪糜
上用滄浪天故下為黃口小兒今時清廉難犯
教言君復自愛莫為非三解今時清廉難犯教
言君復自愛莫為非行吾去為遲平慎行望君

歸四解

西門行

出西門步念之今日不作樂當待何時一解夫

為樂為樂當及時何能坐愁悒當復待來茲
二解 飲醇酒炙肥牛請呼心所歡可用解愁憂
三解 人生不滿百常懷千歲憂晝短苦夜長何
不秉燭遊四解 自非仙人王子喬計會壽命難
與期自非仙人王子喬計會壽命難五解
人壽非金石年命安可期貪財愛惜費但為後
人嗤六解

艷歌行

翩翩堂前燕冬藏夏來見兄弟兩三人流宕在

他縣故衣誰當補新衣誰當綻賴得賢主人覽
取為吾組夫婿從門來斜柯西北眇語卿且勿
眇水清石自見石見何纍纍遠行不如歸

艷歌何嘗行

飛來雙白鵠乃從西北來十五五羅列成行
一解 妻卒被病行不能相隨五里一反顧六里
一徘徊二解 吾欲嚙汝去口噤不能開吾欲負
汝去毛羽何摧頹三解 樂哉新相知憂來生別
離躊躇顧群侶淚下不自知四解 念與君離別

氣結不能言各各重自愛遠道歸還難妾當守
空房閉門下重關若生當相見亡者會黃泉今
日樂相樂萬歲期延年念與下為趨

陌上桑

日出東南隅照我秦氏樓秦氏有好女自名為
羅敷羅敷喜蠶桑采桑城南隅青絲為籠係桂
枝為籠鉤頭上倭墮髻耳中明月珠綠綺為下
裙紫綺為上襦行者見羅敷下擔捋髭鬚少年
見羅敷脫帽著幘頭耕者忘其犁鋤者忘其鋤

來歸相怒怨但坐觀羅敷一解使君從南來五
馬立踟躕使君遣吏往問是誰家姝秦氏有好
女自名為羅敷羅敷年幾何二十尚未足十五
頗有餘使君謝羅敷寧可共載不羅敷前致辭
使君一何愚使君自有婦羅敷自有夫二解東
方千餘騎夫婿居上頭何用識夫婿白馬從驪
駒青絲繫馬尾黃金絡馬頭腰中鹿盧劍可直
十萬餘十五府小史二十朝大夫三十侍中郎
四十專城居為人潔白皙鬢鬢頗有鬚盈盈公

府步冉冉府中趨坐中數十人皆言夫婿殊

解二

前艷辭曲後爲趨

隴西行

天上何所有歷歷種白榆桂樹夾道生青龍對
伏道一本鳳凰鳴啾啾一母將九雛顧視世間
人爲樂甚獨殊好婦出迎客顏色正敷愉伸腰
再拜跪問客平安不請客北堂上坐客氍毹
清白各異樽酒止正華䟽酌酒持與客客言主
人持却畧再拜跪然後持一杯談笑未及竟左

顧敕中厨促令辦麤飯慎莫使稽留廢禮送客
出盈盈府中趨送客亦不遠足不過門樞取婦
得如此齊姜亦不如健婦持門戶亦勝一丈夫

出自夏門行即此篇之緒餘不重錄

長安有狹斜行

長安有狹斜斜不容車適逢兩少年挾轂問
君家君家新市傍易知復難忘大子二千石中
子孝廉郎小子無官職衣冠仕洛陽三子俱入
室室中自生光大婦織綺紵中婦織流黃小婦

無所為挾瑟上高堂
丈人且徐徐調絃詎未央
相逢行即此篇與鷄鳴之緒餘不重錄

白頭吟

皚如山上雪皎如雲間月
聞君有兩意故來相決絕
一解平生共城中何嘗斗酒會
今日斗酒會明旦溝水頭
蹀躞御溝上溝水東西流
二解郭東亦有樵郭西亦有樵
兩樵相推與無親為誰驕
三解淒淒重淒淒嫁女不須
一本娶啼願得一心人白頭不相離
四解竹竿何嫋嫋魚尾

何離徒男兒欲相知何用錢刀為
齒如馬噉箕川上高士嬉今日相對樂
延年萬歲期

孤兒行

孤兒生孤子過生命歎當苦
父母在時乘堅車駕駟馬
父母已去兄嫂令我行賈
南到九江東到齊與魯臘月來歸
不敢自言苦頭多饑虱面
目多塵大兄言辦飯大嫂言視
馬上高堂行取殿下堂
孤兒淚下如雨使我朝行
汲暮得水來歸手為錯足下無
菲愴愴履霜中多疾藜拔斷

疾藜腸月中愴欲悲淚下漉漉清涕纍纍冬無
復襦夏無單衣居上不樂不如早去下從地下
黃泉春氣動草萌芽三月蠶桑六月收瓜將是
瓜車來到還家瓜車反覆助我者少啗瓜者多
願還我帶兄與嫂嚴獨且急歸當與較計亂曰
里中一何譊譊願欲寄尺書將與地下父母兄
嫂難與久居

董逃行

吾欲上謁從高山山頭危險道路難遙望五嶽

端黃金為闕班璘但見芝草葉落紛紛

解百

鳥集來如烟山獸紛綸麟辟邪其端鷓鴣聲鳴

但見山獸援戲相拘攀

二解

小復前行玉堂未

心懷流還傳教出門來門外人何求所言欲從

聖道求一得命延

三解

教教凡吏受言採取神

藥若木端白兔長跪擣藥蝦蟆丸奉上陛下一

玉梓服此藥可得神仙

四解

服爾神藥莫不歡

喜陛下長生老壽四面肅肅稽首天神擁護左

右陛下長與天相保守

五解

獨漉篇

獨漉獨漉水深泥濁泥濁尚可水深殺我離離
雙鷹游戲田畔我欲射鷹念子孤散翩翩浮萍
得風遙輕我心何合與之同并空牀低帷誰知
無人夜衣錦繡誰別偽真刀鳴箭中倚牀何施
父寃不報欲活何為猛虎斑斑游戲山間虎欲
齧人不避豪賢

蜨蝶行

蜨蝶之遨遊東園柰何卒逢三月養子燕接我

首啻間持之我入紫深宮中行纏之傳樽櫺間
雀來燕燕子見銜哺來搖頭鼓翼何軒奴軒



詩學正宗卷第三目錄

皇明國子監助教東海浦南金贊

古樂府

正音下

羽林郎

滿歌行

應行太守行

悲歌

君子行



折楊柳行

同聲歌

張衡

定情篇

繁欽

梁父吟

諸葛亮

來日大難

魏武帝

短歌

對酒

碣石篇

四首

桂之樹行

曹植

怨歌行

仙人篇

棄婦篇

權歌行

魏明帝

種瓜詞

王明君

石崇

正變

焦仲卿妻

木蘭辭

附錄

東武吟

鮑照

出自薊北門行

西洲曲

江淹

古別離

李端

長干行

李益

西洲詞

溫庭筠

詩學正宗卷第三

古樂府

正音下

羽林郎

昔為霍家奴，姓馮名子都。依倚將軍勢，調笑酒家胡。胡姬年十五，春日馱當壚。長裾連理帶，廣袖合歡襦。頭上藍田玉，耳後大秦珠。兩鬟何窈窕，
宛一世良所無。一鬟五百萬，兩鬟千萬餘。不意金吾子，娉婷過我廬。銀鞍何煜燁，翠蓋空踟蹰。

就我求清酒絲繩提玉壺就我求珍肴金盤鱸
鯉魚貽我青銅鏡結我紅羅裾不惜紅羅裂何
論輕賤軀男兒愛後婦女子重前夫人生有新
故貴賤不相踰多謝金吾子私愛徒區區

滿歌行

為樂未幾時遭世險巖逢此百罹伶仃奈壽愁
苦難為遙望極辰天曉月移憂來填心誰當我
知戚戚多思慮耿耿殊不寧禍福無形惟念古
人遜位躬耕遂我所願以茲自寧官鄙棲棲守

此末榮暮秋烈風思

原本昔

蹈滄海心不能安攬

衣瞻夜北斗闌干星漢照我去自無他奉事二
親勞心可言窮達天為智者不愁多為少憂安
貧樂道師彼莊周遺名者貴子遐同遊往者二
賢名垂千秋飲酒歌舞樂復何須照視日月日
月驅馳輶軻人問何有何無貪財惜費此一何
愚鑿石見火居代幾時為當懼樂心得所喜安
神養性得保遐期

應門太守行

孝和帝在時洛陽令王君本自益州廣漢蜀民
少年宦學通五經論一解明知法令歷世衣冠
從溫補洛陽令治行致賢擁護百姓子養萬民
二解外行猛政內懷慈仁文武備具料民富貧
移惡子姓篇著里端三解傷殺人比伍同罪對
門禁鑿予八尺捕輕薄少年加笞決罪詣馬市
論四解無妄發賦念民理寃救吏正獄不得苛
煩財用錢三十買繩禮竿五解賢哉賢哉我縣
王君臣吏衣冠奉事皇帝功曹主簿皆得其人

六解 臨部居職不敢行恩清身苦體夙夜勞動

治有能名遠近所聞十解 天年不遂早就奄昏

為君作祠安陽亭西欲令後世莫不稱傳八解

悲歌

悲歌可以當泣遠望可以當歸思念故鄉鬱何
累累欲歸家無人欲渡河無船心思不能言腸
中車輪轉

君子行

君子防未然不處嫌疑間瓜田不納履李下不

正冠嫂叔不親授長幼不比肩勞謙得其柄和
光甚獨難周公下白屋吐哺不及餐一沐三握
髮後世稱聖賢

折楊柳行

默默施行違厥罰隨事來妹喜殺龍逢桀放於
鳴條一解祖伊言不用紂頭懸白旄指鹿用為
馬胡亥以喪軀二解夫差臨命絕乃云負子胥
戎王納女樂以亡其由餘璧馬禍及號二國俱
為墟三解三夫成市虎慈母投杼趨卞和泣刑

足接輿歸草廬

四解

同聲歌

張衡

邂逅承際會得充君後房情好新交接恐慄若
探湯不才勉自竭賤妾職所當綢繆主中饋奉
禮助烝嘗思為苑藉席在下蔽匡牀願得羅衾
幘在上衛風霜灑婦清枕席鞮芬以狄香重戶
結金扃高下華燈光衣解巾粉御列圖陳枕張
素女為我師儀態盈萬方衆夫所希見天老教
軒皇樂莫斯夜樂沒齒焉可忘

定情篇

繁欽

我出東門遊邂逅承清塵思君即幽房侍寢執
衣巾時無桑中契迫此路側人我旣媚眉姿君
亦悅我顏何以致拳拳縮臂雙金環何以致慙
慙約指一雙銀何以致區區耳中雙明珠何以
致叩叩香囊繫肘後何以致契闊繞腕雙跳脫
何以結恩情珮玉綴羅纓何以結中心素纓連
雙針何以結相於金薄畫搔頭何以慰別離耳
後璫瑁釵何以荅歡悅紈素三條裾何以結愁

悲白絹雙中衣與我期何所乃期東山隅日旰
兮不至谷風吹我孺遠望無所見涕泣起踟躕
與我期何所乃期南山陽日中兮不來飄風吹
我裳逍遙莫誰覩望君愁我腸與我期何所乃
期西山側日夕兮不來躑躅長嘆息遠望涼風
至俯仰正衣服與我期何所乃期北山岑日莫
兮不來淒風吹我衿望君不能至悲苦愁我心
愛身以何爲惜我華色時中情旣欸欸然後尅
密期褰衣躡花草謂君不我欺厠此醜陋質徒

倚無所之自傷失所欲淚下如連絲

梁父吟

諸葛亮

步出齊城門遙望蕩陰里
里中有三墳纍纍正相似
問是誰家墓田疆古哈氏
力能排南山文能絕地紀
一朝被讒言二挑殺三士
誰能為此謀相國齊晏子

來日大難

魏武帝

來日大難口燥唇乾今日相樂
皆當喜歡一解
經歷名山芝草翻翻仙人王喬
奉藥一丸一解

自惜袖短內手知寒慚無靈輒以執趙宣三解
月沒參橫北斗闌于親友在門飢不及食四解
歡日尚少戚日苦多以何忘憂彈箏酒歌五解
淮南八公要道不煩參駕六龍遊戲雲端六解

短歌

對酒當歌人生幾何譬如朝露去日苦多慨當
以慷憂思難忘何以解憂唯有杜康青青子衿
悠悠我心但為君故沈吟至今呦呦鹿鳴食野
之苹我有嘉賓鼓瑟吹笙明明如月何時可掇

憂從中來不可斷絕越陌度阡用桐杵契脚
談讌心念舊恩印明星希鳥鵲南飛繞樹三匝
無枝可依山不厭高海不厭深周公吐哺天下
歸心

對酒

對酒歌太平時吏不呼門王者賢且明宰相股
肱皆忠良咸禮護民無所爭訟三年耕有九年
儲倉穀滿盈班白不負戴雨澤如此百穀用成
却走馬以糞其土田爵公侯伯子男咸愛其民

以黜陟幽明子養有若父與兄犯禮法輕重隨
其刑路無拾遺之私囹圄空虛冬節不斷人耄
耄皆得以壽終恩德廣及草木昆蟲

觀滄海

東臨碣石以觀滄海水何澹澹山島竦峙樹木
叢生百草豐茂秋風蕭瑟洪波湧起印印之行
若出其中星漢燦爛若出其裏幸甚至哉歌以
詠志

冬十月

孟冬十月北風徘徊天氣肅清繁霜霏霏鷓鴣
晨鳴鴈過南飛鷲鳥潛藏熊羆窟棲錢鏹停置
農收積場逆旅整設以通賈商幸甚至哉歌以
詠志

土不同

鄉土不同河朔隆寒流澌浮漂舟船行難雖不
入地豐籟深奧水竭不流水堅可蹈土隱者貧
勇俠輕非心常嘆怨戚戚多悲幸甚至哉歌以
詠志

龜雖壽

神龜雖壽猶有竟時騰蛇乘霧終為土灰老驥
伏櫪志在千里烈士暮年壯心不已盈縮之期
不但在天養始之福可得永年幸甚至哉歌以
詠志

桂之樹行

曹植

桂之樹桂之樹桂生一何麗佳楊朱華而翠葉
流芳布天涯上有棲鸞下有盤螭桂之樹得道
之真人咸來會講仙教爾服食日精要道甚省

不煩澹泊無為自然乘躡萬里之外去留隨意
所欲存高高上際於衆外下下乃窮極地天

怨歌行

為君既不易為臣良獨難忠信事不顯乃有見
疑慮周公佐成王金滕功不刊推心輔王室二
叔反流言待罪居東國泣涕常留連皇靈大動
變震雷風且寒拔樹偃秋稼天威不可干素服
開金滕感悟求其端公旦事既顯成王乃哀歎
吾欲竟此曲此曲悲且長今日樂相樂別後莫

相忘

仙人篇

仙人攬六著對博太山隅湘娥拊琴瑟秦女吹
笙竽玉樽盈桂酒河泊獻神魚四海一何局九
州安所如韓終與王喬要我於天衢萬里不足
步輕舉凌太虛飛騰踰景雲冷風吹我軀迴駕
觀紫微與帝合靈符閭闔正嵯峨雙闕萬丈餘
玉樹夾道生白虎當門樞驅風遊四海東過王
母廬俯觀五嶽間人生如寄居潛光養羽翼進

趣且徐徐不見軒轅氏乘龍出鼎湖徘徊九天
下與爾長相須

棄婦篇

見玉臺新詠

石榴直前庭綠葉搖縹青丹華灼烈烈惟彩有
光榮光榮曄流離可以處淑靈有鳥來集樹飛
翼以悲鳴悲鳴夫何為丹華實不成拊心長歎
息無子當歸寧有子月經天無子若流星天月
相終始流星沒無精棲遲失所宜下與瓦石并
憂懷從中來歎息通鷄鳴反側不能寐逍遙於

前庭踟躕還入房肅肅帷幕聲寒悻更攝帶撫
絃彈鳴箏慷慨有餘音要妙悲且清杖淚長歎
息何以負神靈招搖待霜露何必春夏成晚獲
為良實願君且安寧

權歌行

魏明帝

王者布大化配乾稽后祗陽育則陰殺咎景應
度移一解文德以時振武功伐不隨重華舞于
戚有苗服從媯二解蠢爾吳中虜憑江倚山阻
哀哉王士民瞻仰靡依怙三解皇上悼愍斯宿

昔奮天怒發我許昌宮列舟于長浦 四解 翌日

乘波揚棹歌悲且涼太常拂白日旗幟紛設張

五解 將抗旄與鉞耀威於彼方伐罪以弔民清

我東南疆 六解

種瓜

種瓜東井上冉冉自踰垣與君新為婚瓜葛相
結連寄託不肖軀有如倚太山兔絲無根株蔓
延自登緣萍藻託清流常恐身不全被蒙丘山
惠賤妾執拳拳天日照知之想君亦俱然

王明君

石崇

我本漢家子將適單于庭辭訣未及終前驅已
抗旌僕御涕流離轅馬悲且鳴哀鬱傷五內泣
淚沾朱纓行行日已遠遂造匈奴城延我於穹
廬加我闕氏名殊類非所安雖貴非所榮父子
見凌辱對之慙且驚殺身良不易默默以苟生
苟生亦何聊積思常憤盈願假飛鴻翼乘之以
遐征飛鴻不我顧佇立以屏營昔為匣中玉今
為糞上英朝華不足嘉 一本 甘與秋草并傳與

後世人遠嫁難為情

正變

、焦仲卿妻

漢末建安中廬江府小吏焦仲卿妻劉氏為仲卿母所遣自誓不嫁其家逼之乃沒水而死仲卿聞之亦自縊於庭樹時人傷之為詩云爾

孔雀東南飛五里一徘徊十三能織素十四學裁衣十五彈箜篌十六誦詩書十七為君婦心

中常苦悲君能為府吏守節情不移賤妾留空房相見常日稀雞鳴入機織夜夜不得息三日斷五疋大人不嫌遲非為織作遲君家婦難為妾不堪驅使徒留無所施便可白公姥及時將遣歸府吏得聞之堂上啓阿母兒已薄祿相幸復得此婦結髮同枕席黃泉共為友共事三二年燕爾未為久女行無偏斜何意致不厚阿母謂府吏何乃太區區此婦無禮節舉動自專由吾意久懷忿汝豈得自由東家有賢女自名秦

羅敷可憐體無比阿母爲汝求便可速遣之遣
去慎莫留府吏長跪告伏惟啓阿母今若遣此
婦終老不復取阿母得聞之搥牀便大怒小子
無所畏何敢助婦語吾已失恩義會不相從許
府吏默無聲再拜還入戶舉言問新婦哽咽不
能語我自不驅卿逼迫有阿母卿且暫還家吾
今且赴府不久當歸還還必相迎取以此下心
意慎勿違吾語新婦謂府吏勿復重紛紜往昔
初陽歲謝家來貴門奉事循公姥進止敢自專

晝夜勤作息伶俜縈苦辛謂言無罪過供養卒
大恩仍更被驅遣何言復來還妾有繡腰襦歲
蕤自生光紅羅複斗帳四角垂青囊箱奩六七
十綠碧青絲繩物物各自異種種在其中人賤
物亦鄙不足迎後人留待作遣施於今無會因
時時爲安慰久久莫相忘離鳴外欲曙新婦起
嚴粧着我繡袂裙事事四五通足下躡絲履頭
上玳瑁簪腰間結紈素耳著明月璫指如削葱
根口如含朱丹纖纖作細步精妙世無雙上堂

拜阿母阿母怒不止昔作女兒時生小出野里
本自無教訓兼愧貴家子受母錢帛多不堪母
驅使今日還家去念母勞家裏却與小姑別淚
落連珠子新婦初來時小姑始扶牀今日被驅
遣小姑如我長勤心養公姥好自相扶將初七
及下九嬉戲莫相忘出門登車去涕落百餘行
府吏馬在前新婦車在後隱隱何甸甸俱會大
道口下馬入車中低頭共耳語誓不相隔絕且
暫歸家去吾今且赴府不久當還歸誓天不相

負新婦謂府吏感君區區懷君旣若見錄不久
望君來君當作盤石妾當作蒲葦蒲葦紉如絲
盤石無轉移我有親父兄性行暴如雷恐不任
我意遂以煎我懷舉手長勞勞二情同依依入
門上家堂進退無顏儀阿母大拊掌不啻子自
歸十三教汝織十四能裁衣十五彈箜篌十六
知禮儀十七遣汝嫁謂言無誓違汝今何罪過
不迎而自歸蘭芝慙阿母兒實無罪過阿母大
悲摧還家十餘日縣令遣媒來云有第三郎窈

窈世無雙年始十八九便言多令才阿母謂阿女汝可去應之阿女含淚荅蘭芝初還時府吏見丁寧結誓不相離今日違情義恐此事非奇白可斷來信徐徐更謂之阿母白媒人貧賤有此女始適還家門不堪吏人婦豈合令郎君幸可廣問訊不可便相許媒人去數日尋遣丞請還說有蘭芝女承籍有宦官云有第五郎嬌逸未有婚遣丞爲媒人主簿通語言直說太守家有此令郎君旣欲結大義故遣來貴門阿母謝

媒人女子先有誓老姥豈敢言阿兄得聞之悵然心中煩舉言謂阿妹作計何不量先嫁得府吏後嫁得郎君否泰如天地足以榮汝身不嫁義旣絕其往欲何云蘭芝仰頭荅理實如君言謝家事夫婿中道還兄門處分適兄意那得自任專雖與府吏要渠會永無緣登即相許和便可作婚姻媒人下牀去諾諾復爾爾還部白府君下官奉使命言談大有緣府君得聞之心中大歡喜視曆復開書便利此月內六合正相應

良吉三十日今已二十七卿可去成婚交語速
裝束絡驛如浮雲青雀白鵠舫四角龍子幡婀娜
隨風轉金車玉作輪躑躅青驄馬流蘇金縷
鞍齎錢三百萬皆用青絲穿雜綵三百疋交用
市鮭珍從人四五百鬱鬱登郡門阿母謂阿女
適得府君書明日來迎汝何不作衣裳莫令事
不舉阿女默無聲手中掩口啼淚落便如瀉移
我琉璃榻出置前牕下左手持刀尺右手執綾
羅朝成繡袂裙晚成單羅衫晻晻日欲暝愁思

出門啼府吏聞此變因求假暫歸未至三二里
摧殘馬悲哀新婦識馬聲躑躅相逢迎悵然遙
相望知是故人來舉手拍馬鞍嗟嘆使心傷自
君別我後人事不可量果不如先願又非君所
詳我有親父母逼迫兼弟兄以我應他人君還
何所望府吏謂新婦賀君得高遷盤石方且厚
可以卒千年蒲葦一時紉便作旦夕間卿當日
勝貴吾獨向黃泉新婦爲府吏何意出此言同
是被逼迫君爾妾亦然黃泉下相見勿違今日

言執手分道去各各還家門生人作死別恨恨
那可論念與世間辭千萬不復全府吏還家去
上堂拜阿母今日大風寒寒風摧樹木嚴霜結
庭蘭兒今日冥冥令母在後單故作不良計勿
復怨鬼神命如南山石四體康且直阿母得聞
之寒淚應聲落汝是大家子仕宦於臺閣慎勿
爲婦死貴賤情何薄東家有賢女窈窕艷城郭
阿母爲汝求便復在旦夕府吏再拜起長嘆空
房中作計乃爾立轉頭向戶裏漸見愁煎迫其

日牛馬嘶新婦入青廬奄奄黃昏後寂寂人定
初我命絕今日魂去尸長留攬裙脫絲履舉身
赴清池府吏聞此事心知長別離徘徊庭樹下
自掛東西枝兩家求合葬合葬華山傍東西植
松柏左右種梧桐枝枝相覆蓋葉葉相交通中
有雙飛鳥自名爲鴛鴦仰頭相向鳴夜夜達五
更行人駐足聽寡婦起徬徨寄謝後世人戒之
慎勿忘

木蘭辭

唧唧復唧唧木蘭當戶織不聞機杼聲唯聞女
嘆息問女何所思問女何所憶女亦無所思女
亦無所憶昨夜見軍帖可汗大點兵軍書十卷
卷卷有爺名阿爺無大兒木蘭無長兄願爲
市鞍馬從此替爺征東市買駿馬西市買鞍韉
南市買轡頭北市買長鞭旦辭爺娘去暮宿黃
河邊不聞爺娘喚女聲但聞黃河流水鳴濺濺
旦辭黃河去暮至黑山頭不聞爺娘喚女聲但
聞黑山胡騎鳴啾啾萬里赴戎機關山度若飛

朔氣傳金柝寒光照鐵衣將軍百戰死壯士十
年歸歸來見天子天子坐明堂策勳十二轉賞

賜百千彊欲與木蘭賞不願尚書郎

一本可汗
問所欲木

蘭不用
尚書郎

願馳千里足送兒還故鄉爺娘聞女來

出郭相扶將阿妹聞姊來當戶理紅粧小第聞
姊來磨刀霍霍向豬羊開我東閣門坐我西間
牀脫我戰時袍着我舊時裳當牕理雲髮挂鏡
貼花黃出門看火伴火伴皆驚惶同行十二年
不知木蘭是女郎雄兔脚撲朔雌兔眼迷離雙

兔傍地走安能辯我是雄雌

附錄

東武吟

鮑照

主人且勿喧賤子歌一言僕本寒鄉士出身蒙
漢恩始隨張校尉占募到河源後逐李輕車追
虜窮塞垣密塗亘萬里寧歲猶七奔肌力盡鞍
甲心思歷涼溫將軍既下世部曲亦罕存時事
一朝異孤績誰復論少壯辭家去窮老還入門
腰鎌刈葵藿倚杖收鷄犬昔如韝上鷹今似檻

中猿徒結千載恨空負百年怨棄席思君惺疲
馬戀君軒願垂晉主惠不愧田子魂

出自薊北門行

羽檄起邊亭烽火入咸陽徵騎屯廣武分兵救
朔方嚴秋箭竿勁虜陣精且疆天子按劍怒使
者遙相望鷹行綠石徑魚貫度飛梁簫鼓流漢
月旌甲被胡霜疾風衝塞起沙礫自飄揚馬毛
縮如蝟角弓不可張時危見臣節世亂識忠良
投軀報明主身死為國殤

西洲曲

江淹

憶梅下西洲折梅寄江北單衫杏子紅雙鬢鴉
雛色西洲在何處兩漿橋頭渡日暮伯勞飛風
吹烏臼樹樹下即門前門中露翠鈿開門郎不
至出門採紅蓮採蓮南塘秋蓮花過人頭低頭
弄蓮子蓮子青如水置蓮懷袖中蓮心徹底紅
憶郎郎不至仰首望飛鴻鴻飛滿西洲望郎上
青樓樓高望不見盡日欄干頭欄干十二曲垂
手明如玉卷簾天自高海水搖空綠海水夢悠

悠君愁我亦愁南風知我意吹夢到西洲

古別離

見升庵詩話

李端

水國葉黃時洞庭霜落夜行舟問商賈宿在楓
林下此地送君還茫茫似夢間後期知幾日前
路轉多山巫峽通湘浦迢迢隔雲雨天晴見海
檻月落聞津鼓人老自多愁水深難急流清宵
歌一曲白首對汀洲與君桂陽別令君岳陽待
後事轉羞池前期日空在木落鴈嗷嗷洞庭波
浪高遠山雲似蓋極浦樹如毫朝發能幾里暮

來風又起如何兩處愁皆在孤舟裏昨夜天月
明長川寒且清菊花開欲盡薺菜泊來生下江
帆勢速五兩遙相逐欲問去時人知投何處宿
空令猿嘯時泣對湘潭竹

長干行

李益

憶妾深閨裏風波不曾識嫁與長干人沙頭候
風色五月南風興思君下巴陵八月西風起想
君發揚子去來悲如何見少離別多湘潭幾日
到妾夢越風波昨夜狂風度吹折江頭樹渺渺

暗無邊行人在何處好乘浮雲驄佳期蘭渚東
鴛鴦綠水上翡翠錦屏中自憐十五餘顏色桃
花紅那作商人婦愁水復愁風

西洲詞

溫庭筠

悠悠復悠悠昨日下西洲西洲風色好遙見武
昌樓武昌何鬱鬱儂家定無匹小婦被流黃登
樓撫瑤瑟朱絃繁復輕素手直淒清一彈三四
解掩抑似含情南樓登且望西江廣復平艇子
搖兩槳催過石頭城門前烏臼樹慘澹天將曙

鴻鵠飛復還郎隨早帆去回頭語同伴定復負
情儂去帆不安幅作抵使西風他日相尋索莫
作西洲客西洲人不歸春草年年碧



詩學正宗卷第四目錄

五言古詩

皇明國子監助教東海浦幸金纂輯

論曰五言沿起蘇李為宗古詩十九枚乘所作
昭明編次不為無據或謂辭兼東都譬之伯仲
填箎所以相成其音調也三曹七子大演五言
含氣布詞文勝其質而時亦與之闡化矣晉武
以還緩弱不逮齊梁綺靡又何足云

正音上

漢

古詩 十九首

飲馬長城窟行

長歌行

雜詩 四首

蘇武

與蘇武 三首

李陵

怨歌行

班婕妤

雜詩

鄴炎

正音中 魏

苦寒行

魏武帝

雜詩 二首

魏文帝

芙蓉池

塘上行

甄氏

公燕

曹植

七哀詩

情詩

閨情 二首

贈白馬王彪

贈徐幹

贈丁儀

贈王粲

又贈丁儀王粲

送應氏

筮篲引

浮萍篇

雜詩

王粲

七哀詩 二首

贈從弟 三首

劉楨

雜詩

呈五官中郎將

侍五官中郎將建章臺集

應瑒

挽歌行

繆襲

詩學正宗卷第四
五言古詩

正音

古詩 十九首

詩以古名。不知作者為誰。或云枚乘。梁昭明既以編諸蘇李之上。陳徐陵集玉臺新詠。分西北有高樓。以下至牛年。不滿百。凡九首。為乘作。而上東門宛洛等語。皆不在其中。仍以冉冉孤生竹及前

後諸篇別自爲古詩。蓋十九首本非一人之詞。徐或得其實也。蔡寬夫亦嘗辯之。今姑依昭明編次云。

其一

行行重行行與君生別離相去萬餘里各在天
一涯道路阻且長會面安可知胡馬依北風越
鳥巢南枝相去日已遠衣帶日已緩浮雲蔽白
日遊子不顧返思君令人老歲月忽已晚棄捐
勿復道努力加餐飯

其二

青青河畔草鬱鬱園中柳盈盈樓上女皎皎當
牕牖娥娥紅粉粧纖纖出素手昔爲倡家女今
爲蕩子婦蕩子行不歸空牀難獨守

其三

青青陵上柏磊磊澗中石人生天地間忽如遠
行客斗酒相娛樂聊厚不爲薄驅車策駑馬游
戲宛與洛洛中何鬱鬱冠帶自相索長衢羅夾
巷王侯多第宅兩宮遙相望雙闕百餘尺極宴

娛心意戚戚何所道

其四

今日良宴會歡樂難具陳
彈箏奮逸響新聲妙入神
令德唱高言識曲聽其真
齊心同所願含意俱未伸
人生寄一世奄忽若風塵
何不策高足先據要路津
無為守窮賤輒軻長苦辛

其五

西北有高樓上與浮雲齊
交疏結綺牕阿閣三重
階上有絃歌聲音響一何悲
誰能為此曲無

乃杞梁妻清商隨風發中曲正徘徊一彈再三
歎慷慨有餘哀不惜歌者苦但傷知音稀願為
雙鳴鶴一本本奮翅起高飛

其六

涉江采芙蓉蘭澤多芳草采之欲遺誰所思在
遠道還顧望舊鄉長路漫漫浩浩同心而離居憂
傷以終老

其七

明月皎夜光促織鳴東壁玉衡指孟冬衆星何

歷歷白露霑野草時節忽復易秋蟬鳴樹間玄
鳥逝安適昔我同門友高舉振六翮不念攜手
好棄我如遺跡南箕北有斗牽牛不負輓良無
磐石固虛名復何益

其八

冉冉孤生竹結根泰山阿與君爲新婚兔絲附
女蘿兔絲生有時夫婦會有宜千里遠結婚悠
悠隔山陂思君令人老軒車來何遲傷彼蕙蘭
花含英揚光輝過時而不采將隨秋草萎君亮

執高節賤妾亦何爲

其九

庭中有奇樹綠葉發華滋攀條折其榮將以遺
所思馨香滿懷袖路遠莫致之此物何足貴但
感別經時

其十

迢迢牽牛星皎皎河漢女纖纖擢素手札札弄
機杼終日不成章泣涕零如雨河漢清且淺相
去復幾許盈盈一水間脉脉不得語

其十一

迴車駕言邁悠悠涉長道四顧何茫茫東風搖
百草所遇無故物焉得不速老盛衰各有時立
身苦不早人生非金石豈能長壽考奄忽隨物
化榮名以爲寶

其十二

東城高且長逶迤自相屬回風動地起秋草萋
已綠四時更變化歲暮一何速晨風懷苦心蟬
蟀傷局促蕩漻放情志胡爲自結束燕趙多佳

人美者顏如玉被服羅裳衣當戶理清曲音響
一何悲絃急知柱促馳情整巾帶沉吟聊躑躅
思爲雙飛燕啣泥巢君屋

其十三

驅車上東門遙望郭北墓白楊何蕭蕭松柏夾
廣路下有陳死人杳杳即長暮潛寐黃泉下千
載永不寤浩浩陰陽移年命如朝露人生忽如
寄壽無金石固萬歲更相送賢聖莫能度服食
求神仙多爲藥所誤不如飲美酒被服紈與素

其十四

去者日以踈來者日以親出郭門直視但見丘
與墳古墓犁為田松栢摧為薪白楊多悲風蕭
蕭愁殺人思還故里閭欲歸道無因

其十五

生年不滿百常懷千歲憂晝短苦夜長何不秉
燭遊為樂當及時何能待來茲愚者愛惜費但
為後人嗤仙人王子喬難可與等期

其十六

凜凜歲云暮螻蛄夕鳴悲涼風率已厲遊子寒
無衣錦衾遺洛浦同袍與我違獨宿累長夜夢
想見容輝良人惟古懽枉駕惠前綏願得常巧
笑携手同車歸既來不須臾又不處重闈亮無
晨風翼焉得凌風飛眄睠以適意引領遙相睎
徙倚懷感傷垂涕沾雙扉

其十七

孟冬寒氣至北風何慘慄愁多知夜長仰觀衆
星列三五明月滿四五蟾兔缺客從遠方來遺

我一書札上言長相思下言久離別置書懷袖
中三歲字不滅一心抱區區懼君不識察

其十八

客從遠方來遺我一端綺相去萬餘里故人心
尚爾文彩雙鴛鴦裁成合歡被著以長相思緣
以結不解以膠投漆中誰能別離此

其十九

明月何皎皎照我羅牀惟憂愁不能寐攬衣起
徘徊客行雖云樂不如早旋歸出戶獨彷徨愁

思當告誰引領還入房淚下沾裳衣

飲馬長城窟行

古辭

青青河畔草絲絲思遠道遠道不可思夙昔夢
見之夢見在我傍忽覺在他鄉他鄉各異縣展
轉不相見枯桑知天風海水知天寒入門各自
媚誰肯相為言客從遠方來遺我雙鯉魚呼兒
烹鯉魚中有尺素書長跪讀素書書中竟何如
上有加餐食下有長相憶

長歌行

古辭

青青園中葵朝露待日晞陽春布德澤萬物生
光輝常恐秋節至焜黃華葉衰百川東到海何
時復西歸少壯不努力老大徒傷悲

雜詩四首

蘇武

骨肉緣枝葉結交亦相因四海皆兄弟誰為行
路人况我連枝樹與子同一身昔為鴛與鴦今
為參與辰昔者常相近邈若胡與秦惟念當離
別思情日以新鹿鳴思野草可以喻嘉賓我有
一樽酒欲以贈遠人願子留斟酌敘此平生親

其二

黃鵠一遠別千里顧徘徊胡馬失其群思心常
依依何況雙飛龍羽翼臨當垂幸有絃歌曲可
以喻中懷請為遊子吟泠泠一何悲絲竹厲清
音慷慨有餘哀長歌正激烈中心愴以摧欲展
清商曲念子不能歸俛仰內傷心淚下不可揮
願為雙黃鵠送子俱遠飛

其三

結髮為夫妻恩愛兩不疑歡娛在今夕嬾婉及

良時征夫懷往路起視夜何其參辰皆已沒去從此辭行役在戰場相見未有期握手一長歎淚為生別滋努力愛春花莫忘歡樂時生當復來歸死當長相思

其四

燭燭晨明月馥馥茂蘭芳芬香長夜發隨風聞我堂征夫懷遠路游子戀故鄉寒冬十二月晨起踐嚴霜俯觀江漢流仰視浮雲翔良友遠離別各在天一方山海隔中州相去悠且長嘉會

難再遇歡樂殊未央願君崇令德隨時愛景光

與蘇武

三首

李陵

良時不再至離別在須臾屏營衢路側執手野踟躕仰視浮雲馳奄忽互相踰風波一失所各在天一隅長當從此別且復立斯須欲因晨風發送子以賤軀

其二

嘉會難再遇三載為千秋臨河濯長纓念子悵悠悠遠望悲風至對酒不能酬行人懷往路何

以慰我愁獨有盈觴酒與子結綢繆

其三

携手上河梁遊子暮何之徘徊踈路側悵悵
恨不能辭行人難久留各言長相思安知非日
月弦望自有時努力崇明德皓首以為期

怨歌行

班婕妤

新裂一本製齊紈素鮮一本皎潔如霜雪裁為合歡
扇團圓似明月出入君懷袖動搖微風發常恐
秋節至涼飈奪炎熱棄捐篋笥中恩情中道絕

雜詩

酈炎

靈芝生河洲動搖因洪波蘭榮一何晚嚴霜瘁
其柯哀哉二芳草不植泰山阿文質道所貴遭
時用有嘉絳灌臨衡宰謂誼崇浮華賢才抑不
用遠投荆南沙抱玉乘龍驥不逢樂與和安得
孔仲尼為世陳四科

正音中

苦寒行

魏武帝

北上太行山躡哉何巍巍羊腸阪詰屈車輪為

之摧樹木何蕭索北風聲正悲熊羆對我蹲虎
豹夾路啼溪谷少人民雪落何霏霏延頸長歎
息遠行多所懷我心何怫鬱思欲一東歸水深
橋梁絕中道正徘徊迷惑失故路薄暮無宿棲
行行日已遠人馬同時饑擔囊行取薪斧冰持
作糜悲彼東山詩悠悠使我哀

雜詩二首

魏文帝

漫漫秋夜長烈烈北風涼展轉不能寐披衣起
彷徨彷徨忽已夕白露沾我裳俯視清水波仰

看明月光天漢回西流三五正縱橫草蟲鳴何
悲孤鷹獨南翔鬱鬱多悲思綿綿思故鄉願飛
安得翼欲濟河無梁向風長歎息斷絕我中腸
其二

西北有浮雲亭亭如車蓋惜哉時不遇適與飄
風會吹我東南行行行至吳會吳會非我鄉安
能久留滯棄置勿復陳客子常畏人

芙蓉池

乘輦夜行遊逍遙步西園雙渠相溉灌嘉木繞

通川卑枝拂羽蓋修條摩蒼天驚風扶輪轂飛
鳥翔我前丹霞夾明月華星出雲間上天垂光
彩五色一何鮮壽命非松喬誰能得神仙遊遊
煖心意保已終百年

塘上行

甄后

蒲生我池中其葉何離離傍能行仁義莫若妾
自知衆口鑠黃金使君生別離念君去我時獨
愁常苦悲想見君顏色感結傷心脾念君常苦
悲夜夜不能寐莫以賢豪故棄捐素所愛莫以
魚肉賤棄捐葱與薤莫以麻枲賤棄捐菅與蒹
出亦復苦愁入亦復苦愁邊地多悲風樹木何
蕭蕭從軍致獨樂延年壽千秋

公宴

曹植

公子敬愛客終宴不知疲清夜遊西園飛蓋相
追隨明月澄清影列宿正參差秋蘭被長坂朱
華冒綠池潛魚躍清波好鳥鳴高枝神飈接丹
轂輕輦隨風移飄飄放志意千秋長若斯

七哀詩

明月照高樓，流光正徘徊。上有愁思婦，悲歎有餘哀。借問歎者誰，言是宕子妻。君行踰十年，孤妾常獨棲。君若清路塵，妾若濁水泥。浮沈各異勢，會合何時諧。願爲西南風，長逝入君懷。君懷良不開，使妾一本賤妾當何依。

情詩

微雲翳陽景，清風飄我衣。游魚潛綠水，翔鳥薄天飛。眇眇客行士，遙役不得歸。始出嚴霜結，今來白露晞。游子歎黍離，處者歌式微。慷慨對嘉

賓悽愴內傷悲

閨情 二首

南國有佳人，容華若桃李。朝遊江北岸，夕宿湘川沚。時俗薄朱顏，誰爲發皓齒。俛仰歲將暮，榮耀難久恃。

其二

西北有織婦，綺縞何繽紛。明晨秉機杼，日昃不成文。太息終長夜，悲嘯入青雲。妾身守空閨，良人遠從軍。自期三年歸，今已歷九春。孤鳥繞林

翔傲嗷鳴索群願為南流景馳光見我君

贈白馬王彪

謁帝承明廬逝將歸舊疆清晨發皇邑日夕過
首陽伊洛廣且深欲濟川無梁汎舟越洪濤悲
彼東路長顧瞻戀城闕引領情內傷 大谷何
寥廓山路鬱蒼蒼霖雨泥我塗流潦浩縱橫中
達絕無軌改轍登高岡脩坂造雲日我馬玄以
黃 玄黃猶能進我思鬱以紆鬱紆將誰念本
難親愛在離居本圖相與偕中更不克俱鴟梟

鳴衡扼豺狼當路衢蒼蠅間白黑讒巧令親疎
欲還絕無蹊攬轡止踟蹰 踟蹰亦何留相思
無終極秋風發微涼寒蟬鳴我側原野何蕭條
白日忽西匿歸鳥赴喬林翩翩厲羽翼孤獸走
索群銜草不遑食感物傷我懷撫心長太息
太息將何為天命與我違柰何念同生一徃形
不歸孤魂翔故域靈柩寄京師存者忽復過亡
沒身自衰人生處一世去若朝露晞年在桑榆
間影響不能追自顧非金石咄嗒令心悲 心

悲動我神棄置勿復陳丈夫志四海萬里猶比
蓬思愛苟不虧在遠分日親何必同衾幃然後
展殷勤憂思成疾疹無乃兒女仁倉卒骨肉情
能不懷苦辛 苦辛何慮思天命信可疑虛無
求列仙松子久吾欺變故在須臾百年誰能持
離別永無會執手將何時王其愛玉體俱享黃
髮期披泐即長路援筆從此辭

贈徐幹

驚風飄白日忽然歸西山同景光未滿衆星燦

以繁志士營世業小人亦不閒聊且夜行遊遊
彼雙闕間文昌鬱雲興迎風高中天春鳩鳴飛
棟流焱激櫺軒顧念蓬室士貧賤誠足憐薇藿
弗充虛披褐猶不全忼慨有悲心興文自成篇
寶棄怨何人和氏有其愆彈冠俟知己知己誰
不然良田無晚歲膏澤多豐年亮懷璠璣美積
久德愈宣親交義在敦申章復何言

贈丁儀

初秋涼氣發庭樹微銷落凝霜依玉除清風飄

飛閣朝雲不歸山霖雨成川澤黍稷委疇隴農
夫安所獲在貴多忘賤為恩誰能博狐白足禦
冬焉念無衣客思慕延陵子寶劍非所惜子其
寧爾心親交義不薄

贈王祭

端坐苦愁思攬衣起西游樹木發春華清池激
長流中有孤鴛鴦哀鳴求匹儔我願執此鳥惜
哉無輕舟欲歸忘故道顧望但懷愁悲風鳴我
側羲和逝不留重陰潤萬物何懼澤不周誰令

君多念遂使懷百憂

又贈丁儀王祭

從軍度函谷驅馬過西京山岑高無極涇渭揚
濁清壯哉帝王居住佳麗殊百城負關出浮雲承
露槩泰清皇佐揚天惠四海無交兵權家雖愛
勝全國為令名君子在末位不能歌德聲丁生
怨在朝王子歡自營歡怨非貞則中和誠可經

送應氏

清時難屢得嘉會不可常天地無終極人命若

朝霜願得長嫵婉我友之朔方親昵並集送置
酒此河陽中饋豈獨薄賓飲不盡觴愛至望苦
深豈不愧中腸山川阻且遠別促會日長願爲
比翼鳥施翮起高翔

笙篴引

置酒高殿上親友從我游中厨辦豐饌烹羊宰
肥牛秦箏何慷慨齊瑟和且柔陽阿奏奇舞京
洛出名謳樂飲歌三爵緩帶傾庶羞主稱千金
壽賓奉萬年酬久要不可忘薄終義所尤謙謙

君子德罄折何所求驚風飄白日光景馳西流
盛時不可再百年忽我適生存華屋處零落歸
山丘先民誰不死知命復何憂

浮萍篇

浮萍寄清水隨風東西流結髮辭嚴親來爲君
子伉偕勤在朝夕無端獲罪尤在昔蒙恩惠和
樂如瑟琴何意今摧頽曠若商與參茱萸自有
芳不若桂與蘭新人雖可愛不若故所懽行雲
有反期君恩儻中還慊慊仰天嘆愁心何所訴

日月不恒處人生忽若寓悲風來入幃淚下如
垂露發篋造新衣裁縫紈與素

七哀詩二首

王粲

西京亂無象豺虎方遘患復棄中國去委身適
荆蠻親戚對我悲朋友相追攀出門無所見白
骨蔽平原路有饑婦人抱子棄草間顧聞號泣
聲揮涕獨不還未知身死處何能兩相完驅馬
棄之去不忍聽此言南登霸陵岸回首望長安
悟彼下泉人喟然傷心肝

其二

荆蠻非我鄉何為久滯淫方舟溯大江日暮愁
我心山岡有餘映巖阿增重陰狐狸馳赴穴飛
鳥翔故林流波激清響猴猿臨岸吟迅風拂裳
袂白露沾衣襟獨夜不能寐攝衣起撫琴絲桐
感人情為我發悲音羈旅無終極憂思壯難任

雜詩

日暮遊西園冀寫憂思情曲池揚素波列樹敷
丹榮上有特棲鳥懷春向我鳴褰袵欲從之路

險不得征徘徊不能去佇立望爾形風颺揚塵
起白日忽已冥回身入空房託夢通精誠人欲
天不違何懼不合并

贈從弟 三首

劉楨

汎汎東流水磷磷水中石蘋藻生其涯華紛何
擾弱采之薦宗廟可以羞嘉客豈無園中葵懿
此出深澤

其二

亭亭山上松琴瑟谷中風風聲一何盛松枝一

何勁冰霜正慘悽終歲常端正豈不惟凝寒松
栢有本性

其三

鳳凰集南嶽徘徊孤竹根於心有不厭奮翅凌
紫氛豈不常勤苦羞與黃雀群何時當來儀時
須聖明君

雜詩

職事相填委文墨紛消散馳翰未暇食日及不
知晏沉迷簿領書回回自昏亂釋此出西城登

高日觀觀方塘含白水中有鳧與鴈安得肅肅
羽從爾浮波瀾

呈五官中郎將

秋日多悲懷感慨以長嘆終夜不遑寐叙意於
濡翰明鏗曜中閨清風淒以寒白露塗前庭應
門重其關四節相禪代歲月忽欲殫壯士遠出
征戎事良原本獨難攬涕灑衣裳能不懷所歡

侍五官中郎將建章臺集

應瑒

朝鴈鳴雲中音響一何哀問子游何鄉戢翼正

徘徊言我塞門來將就衡陽棲往春翔北土今
冬客南淮遠行蒙霜雪毛羽日摧頽常恐傷肌
骨身墮沉黃泥簡味墮沙石何能中自諧欲因
雲雨會濯翼凌高梯良遇苟不原本不值伸眉路
何階公子敬愛客樂飲不知疲和顏既已暢乃
肯顧細微贈詩見存慰小子非所宜且為極謹
飲不醉其無歸凡百敬爾位以副饑渴懷

挽歌詩

繆襲

生時游國都死沒棄中野朝發高堂上暮宿黃

泉下白日入虞淵懸車息駟馬造化雖神明安
能復存我形容稍滅沒齒髮行當墮自古皆有
然誰能離此者



詩學正宗卷第五目錄

皇明國子監助教東海浦南金纂輯

五言古詩

正音下 魏晉

傷歌行

詠懷 十二首

雜詩

答何劭

雜詩

明帝

阮籍

張華

何劭

贈張華

贈山濤

雜詩

雜詩

招隱

招隱

猛虎行

附錄

歸田園居 二首

司馬彪

傅玄

王讚

左思

陸機

陶淵明

始作鎮軍參軍經曲阿

七月赴假還江陵夜行塗中作

懷古田舍

九月中於西田穫早稻作

飲酒 三首

擬古

讀山海經

挽歌詞

桃源行

游廬山

米芾書

詩學正宗卷第五

正音下

傷歌行

魏明帝

昭昭素明月，暉光燭我牀。憂人不能寐，耿耿夜
何長。微風吹閨闥，羅帷自飄颺。攬衣曳長帶，徒
履下高堂。東西安所之，徘徊以彷徨。春鳥向南
飛，翩翩獨翱翔。悲聲命儔匹，哀鳴傷我腸。感物
懷所思，泣涕忽霑裳。佇立吐高吟，舒憤訴穹蒼。

詠懷詩 十二首

阮籍

夜中不能寐起坐彈鳴琴薄帷鑒明月清風吹
我衿孤鴻號外野翔鳥鳴北林徘徊將何見憂
思獨傷心

其二

二妃遊江濱道遙順風翔交甫懷環珮嬈有
芬芳猗靡情歡愛千載不相忘傾城迷下蔡容
好結中腸感激生憂思萱草樹蘭房膏沐爲誰
施其雨怨朝陽如何金石交一旦更離傷

其三

嘉樹下成蹊東園桃與李秋風吹飛藿零落從
此始繁華有憔悴堂上生荆杞馳馬舍之去去
上西山趾一身不自保何況戀妻子凝霜被野
草歲暮亦云已

其四

天馬出西北由來從東道春秋非有託富貴焉
常保清露被皐蘭凝霜霑野草朝爲美少年夕
暮成醜老自非王子晉誰能常美好

其五

平生少年時輕薄好絃歌西遊咸陽中趙李相
經過娛樂未終極白日忽蹉跎驅馬復來歸反
顧望三河黃金百鎰盡資用常苦多北臨大行
道失路將如何

其六

昔聞東陵瓜近在青門外連畛距阡陌子母相
鈎帶五色耀朝日嘉賓四面會膏火自煎熬多
財為患害布衣可終身寵祿豈足賴

其七

灼灼西隤日餘光照我衣迴風吹四壁寒鳥相
因依周周尚嚙羽蛩蛩亦念饑如何當路子磬
折忘所歸豈為誇譽名憔悴使心悲寧與燕雀
翔不隨黃鵠飛黃鵠遊西海中路將安歸

其八

步出上東門北望首陽岑下有采薇士上有嘉
樹林良辰在何許凝霜霑衣襟寒風振山岡玄
雲起重陰鳴鴈飛南征鶡鴒發哀音素質游商
聲悽愴傷我心

其九

北里多奇舞，濮上有微音。輕薄間游子，俯仰乍
浮沉。捷徑從狹路，僂仰趨荒淫。不見王子喬，乘
雲翔鄧林。獨有延年術，可以慰吾心。

其十

湛湛長江水，上有楓樹林。臯蘭被徑路，青驪逝
駸駸。遠望令人悲，春氣感我心。三楚多秀士，朝
雲進荒淫。朱華振芬芳，高蔡相追尋。一爲黃雀
哀，涕下誰能禁。

其十一

懸車在西南，羲和將欲傾。流光耀四海，忽忽至
夕冥。朝爲咸池暉，濛汜受其榮。豈知窮達士，一
死不復生。視彼桃李花，誰能久熒熒。君子在何
許，歎息不合并。瞻仰景山松，可以慰吾情。

其十二

徘徊蓬池上，還顧望大梁。綠水揚洪波，曠野本一
莽何茫茫。走獸交橫馳，飛鳥相隨翔。是時鶉火
中，日月正相望。朔風厲嚴寒，陰氣下微霜。羈旅

無儔匹俛仰懷哀傷小人計其功君子道其常
豈惜終憔悴詠言著斯章

雜詩

張華

晷度隨天運四時互相承東壁正昏中固陰寒
節升繁霜降當夕悲風中夜興朱火青無光蘭
膏坐自凝重衾無煖氣挾纒如懷冰伏枕終遙
昔寤言莫予應永思慮崇替慨然獨撫膺

荅何劭

吏道何其迫窘然坐自拘纓綬為微繆文憲焉

可踈恬曠苦不足煩促每有餘良朋貽新詩示
我以遊娛穆如灑清風煥若春華敷自昔同寮
案於今比園廬衰疾近辱殆庶幾並懸輿散髮
重陰下抱杖臨清渠屬耳聽鸞鳴流目翫鯨魚
從容養餘日取樂於桑榆

雜詩

何劭

秋風乘夕起明月照高樹閑房來清氣廣庭發
暉素靜竊獨愴然惆悵出游顧仰視垣上草俯
澗原本階下露心虛體自輕飄颻若仙步瞻彼

陵上栢想與神人遇道深難可期精微非所慕
勤思終遙夕永言寫情慮

贈張華

四時更代謝懸象迭卷舒暮春忽復來和風與
節俱俯臨清泉涌仰觀嘉木敷周旋我陋圃西
瞻廣武廬既貫不忘險處有能存無鎮俗在簡
約樹塞馬足摹在昔同班司今者並園墟私願
借黃髮逍遙綜琴書舉爵茂林下攜手共躊躇
奚用遺形骸忘筌在得魚

贈山濤

司馬彪

苕苕倚桐樹寄生於南岳上凌青雲霓下臨千
仞谷處身孤且危於何託余足昔也植朝陽傾
枝俟鸞鷲今者絕世用倥偬見迫束班匠不我
顧牙曠不我錄焉得成琴瑟何由揚妙曲冉冉
三光馬近首一何速中夜不能寐撫劍起躑躅
感彼孔聖嘆哀此年命促
下和潛幽冥
誰能證奇璞冀願神龍來揚光以見燭

雜詩

傅玄

志士惜日短愁人知夜長攝衣步前庭仰觀南

鷹翔玄景隨形運流響歸空房清風何飄颻微
月出西方繁星依青天列宿自成行蟬鳴高樹
間野鳥號東廂纖雲時髣髴屋露霑我裳良時
無停景北斗忽低昂常恐寒節至凝氣結為霜
落葉隨風摧一絕如流光

雜詩

王讚

朔風動秋草邊馬有歸心胡寧久分析靡靡忽
至今王事離我志殊隔過商參昔往鶴鷓鳴今
來蟋蟀吟人情懷舊鄉客鳥思故林師洎久不

奏誰能宣我心

招隱

五字

左思

杖策招隱士荒塗橫古今巖穴無結構丘中有
鳴琴白雲停陰岡丹葩曜陽林石泉漱瓊瑤纖
鱗或浮沈非必絲與竹山水有清音何事待嘯
歌灌木自悲吟秋菊兼糗糧幽蘭間重襟躊躇
足力煩聊欲投吾簪

招隱

陸機

明發心不夷振衣聊躑躅躑躅欲安之幽人在

深谷朝采南澗蘋夕息西山足輕條象雲構密
葉成翠幄激楚一本佇蘭林回芳薄秀木山溜
何泠泠飛泉漱鳴玉哀音附靈波至樂非有假
安事澆醇樸富貴苟難圖稅駕從所欲

猛虎行

渴不飲盜泉水熱不息惡木陰惡木豈無枝志
士多苦心整駕肅時命杖策將遠尋饑食猛虎
窟寒棲野雀林日晏功未建時往歲載陰崇雲
臨岸起一本鳴條隨風吟靜言幽谷底長嘯高

山岑急絃無懦響亮節難為音人生誠未易曷
云開此衿眷我耿介懷俯仰愧古今

附錄

歸園田居 三首

陶潛

少無適俗韻性本愛丘山誤落塵網中一去三
十年羈鳥戀舊林池魚思故淵開荒南野際守
拙歸園田方宅十餘畝草屋八九間榆柳蔭後
園桃李羅堂前曖曖遠人村依依墟里煙狗吠
深巷中雞鳴桑樹顛戶庭無塵雜虛室有餘閑

又在樊籠裏復得返自然

其二

野外罕人事窮巷寡輪鞅白日掩荆扉虛室絕
塵想時復墟曲中披草共來往相見無雜言但
道桑麻長桑麻日已長我志日已廣常恐霜霰
至零落同草莽

其三

種豆南山下草盛豆苗稀晨興理荒穢帶月荷
鋤歸道狹草木長夕露沾我衣衣沾不足惜但

使願無違

始作鎮軍參軍經曲阿

弱齡寄事外委懷在琴書被褐欣自得屢空常
晏姬時來苟冥會婉孌通衢投策命晨裝暫
與園田踈眇眇孤舟逝綿綿歸思紆我行豈不
遙登陟千里餘目倦川塗異心念山澤屢望雲
慙高鳥臨水愧游魚真想初在襟誰謂形迹拘
聊此憑化遷終返班生廬

七月赴假還江陵夜行塗中

閑居三十載，遂與塵事冥。誦書敦宿好，林園無俗情。如何捨此去，遙遙至南荆。叩枻新秋月，臨流別友生。涼風起將夕，夜景湛虛明。昭昭天宇闊，皛皛川上平。懷征不遑寐，中宵尚孤征。商歌非吾事，依依在耦耕。投簪旋舊墟，不為好爵榮。養真衡茅下，庶以善自名。

懷古田舍

先師有遺訓，憂道不憂貧。瞻望邈難逮，慨歎原本志長勤。秉耒歡時務，解顏勸農人。疇交遠

風良苗亦懷新，雖未量歲功，即事多所欣。耕種有時息，來者無問津。日入相與歸，壺漿勞近隣。長吟掩柴門，聊為隴畝民。

九月中於西田穫早稻作

人生歸有道，衣食固其端。孰是都不營，而以求自安。開春理常業，歲功聊可觀。晨出肆微勤，日入負耒還。山中饒霜露，風氣亦先寒。田家豈不苦，弗獲辭此難。四體誠乃疲，庶無異患干。盥濯息簷下，半酒散襟顏。遙遙沮洳心，千載乃相關。

但願長如此躬耕非所歎

飲酒 三首

結廬在人境而無車馬喧問君何能爾心遠地
自偏采菊東籬下悠然見南山山氣日夕佳飛
鳥相與還此中有真意欲辯已忘言

其二

秋菊有佳色裛露掇其英汎此忘憂物遠我遺
世情一觴雖獨進杯盡壺自傾日入群動息歸
鳥趨林鳴嘯傲東軒下聊復得此生

其三

清晨聞叩門倒裳往自開問子爲誰歟田父有
好懷壺漿遠見候疑我與時乖繼縷茅簷下未
足爲高棲一世皆尚同願君汨其泥深感父老
言稟氣寡所諧紆轡誠可學違此詎非迷且共
歡此飲吾駕不可回

擬古

日暮天無雲春風扇微和佳人燕原本美清夜達
曙酣且歌歌竟長歎息持此感人多皎皎雲間

月灼灼園中華豈無一時好不久當如何

讀山海經

孟夏草木長遶屋樹扶踈衆鳥欣有托吾亦愛
吾廬既耕亦已種時還讀我書窮巷隔深轍頗
迴故人車歡然酌春酒摘我園中蔬微雨從東
來好風與之俱汎覽周王傳流觀山海圖俯仰
終宇宙不樂復何如

挽歌詞

荒草何茫茫白楊亦蕭蕭嚴霜九月中送我出

遠郊四面無人居高墳正嶮堯馬為仰天鳴風
木自蕭蕭幽室一已閉千年不復朝千年不復
朝賢達無奈何向來相送人各自還其家親戚
或餘悲他人亦已歌死去何所道託體同山阿

桃源行

嬴氏亂天紀賢者避其世黃綺之商山伊人亦
云逝往迹浸復湮來逕遂蕪廢相命肆農耕日
入從所憇桑竹垂餘蔭菽稷隨時藝春蠶收長
絲秋熟靡玉秫荒路曖交通鷄犬互鳴吠俎豆

猶古法衣裳無新製童孺縱行歌班白歡游詣
草榮識歲和木衰知風厲雖無紀曆誌四時自
成歲怡然有餘樂于何勞智慧奇蹤隱五百一
朝敞神界溥薄既異源旋復還幽蔽借問遊方
士焉測塵囂外願言躡輕風高舉尋吾契

遊廬山

見升菴詩話
廬山古石刻

釋慧遠

崇巖吐氣清幽岫棲神跡希聲奏群籟響出山
溜滴有客獨冥遊徑然忘所適揮手撫雲門靈
關為予闢留心叩玄扃感至理弗隔孰是騰九

霄不奮冲天翮妙同趣自均一悟超三益



國家圖書館, NATIONAL CENTRAL LIBRARY, TAIWAN, R.O.C.



詩學正宗卷第六目錄

皇明國子監助教東海浦南金纂輯

五言古詩

論曰陳氏懲六朝之敝銳志復古而特立之功
卒亦未至李杜諸家規迹古風人懷剗刷韋柳
二子性度簡遠並自悠圓然大雅日漓君子不
能無遺憾也

正變一

感遇 七首

陳子昂

秋日還京陝西十里作

薛稷

雜興

張說

感遇 三首

張九齡

古意

賀蘭進明

寓言

賈至

雜詩

儲光羲

終南幽居獻蘇侍郎

田家即事

同王十三維偶然作

田家雜興 二首

古風 五首

李白

春日醉起言志

泰山

太白山

前出塞 五首

杜甫

後出塞 五首

潼關吏

石壕吏

新婚別

寒峽

石龕

白沙渡

五盤

成都府

擬古 八首

效陶彭澤

與友生野飲效陶體

韋應物

酬盧嵩秋夜見寄

夏夜憶盧嵩

幽居

送李侍御益赴幽州幕

郡齋雨中與諸文士燕集

軍中冬燕

田家 三首

柳宗元

初秋夜坐贈吳武陵

南礪中題

詩學正宗卷第六

五言古詩

正變一

此卷猶有古意所謂存什一於千百者也

感遇 七首

陳子昂

蘭若生春夏
芊蔚何青青
幽獨空林色
朱蕤冒紫莖
遲遲白日晚
嫋嫋秋風生
歲華盡搖落
芳意竟何成

其二

白日每不歸
青陽時暮矣
茫茫吾何思
林卧觀



無始衆芳委時晦
鷓鴣鳴悲耳
鴻荒古已頽
誰識巢居子

其三

林居病時久
水木澹孤清
閒臥觀物化
悠然念無生
青春始萌達
朱火已滿盈
徂落方自此
感嘆何時平

其四

玄蟬號白露
茲歲已蹉跎
群物從大化
孤英將奈何
瑤臺有青鳥
遠食玉山禾
崑崙見玄鳳
豈

復憂虞羅

其五

吾愛鬼谷子
青溪無垢氛
囊括經世務
遺身在白雲
七雄方龍鬪
天下亂無君
浮雲不足貴
遵養晦時文
舒之彌宇宙
卷之不足盈
分豈徒山木
壽空與麋鹿群

其六

呦呦南山鹿
罹罟以媒和
招搖青桂樹
幽壑亦成科
世情甘近習
榮耀紛如何
怨憎未相復
親

愛生禍羅瑤臺傾巧笑玉杯殞雙娥誰見孤城
樹青青成斧柯

其七

竭來豪遊子勢利禍之門如何蘭膏歇感激生
煩冤衆趨明所避時棄道猶存雲泉旣已失羅
網與誰論箕山有高節湘水有清源唯應白鷗
鳥可與洗心言

秋日還京陝西十里作

薛稷

驅車越陝郊北顧臨大河隔河見鄉邑秋風水

增波西登咸陽塗日暮憂思多傳岩旣鬱紆首
陽亦嗟峨操築無言老采薇有遺歌客遊旣迴
換人生知幾何

雜興

張說

問子青霞意何事留朱軒自言心遠俗未始迹
辭喧遇蒙良時幸側息吏途煩藉縷非宿好文
史棄前言昨臥北牕下夢歸南山園白雲滿
漸幽谷清風出原本泉源十年茲賞廢佳期今
復存挂冠謝朝侶星駕別君門

感遇 三首

張九齡

幽人歸獨臥積原本滯慮洗孤清持此謝高鳥因
之傳遠情日夕懷空意人誰感至精飛沉理自
隔何以慰吾誠

其二

魚游樂深池鳥棲欲高枝嗟爾蜉蝣羽薨薨亦
何為有生豈不化所感奚若斯神理日微滅吾
心安得知浩嘆揚朱子徒然泣路岐

其三

漢上有游女求思安可得袖中一札書欲寄雙
飛翼冥冥忽不見耿耿徒緘憶紫蘭秀空蹊皓
露奪幽色馨香歲欲晚感嘆情何極白雲在南
山日暮長嘆息

古意

賀蘭進明

崇蘭生澗底香氣滿幽林采采欲為贈何人是
同心日暮徒盈抱徘徊幽思深慨然紉雜佩重
奏丘中琴

寓言

賈至

春草紛碧色佳人曠無期悠哉千里心欲采商
山芝嘆息良會晚如何桃李時懷君晴川上佇
立夏雲滋

雜詩

儲光羲

混沌本無象末路多是非達士志寥廓所貴能
忘機畊鑿時未至還山聊采薇虎豹對我蹲鸞
鷲傍我飛仙人空中來謂我勿復歸格澤為君
駕虹蜺為君衣西遊崑崙墟可與世人違

終南幽居獻蘇侍郎

下築青岩裏雲蘿鬱原本垂陰虛室若無人喬

木自成林時有清風至側聞樵採音鳳凰鳴南
岡望望隔層岑既言山路遠復道溪流深倥佯
空中遊虬龍水上吟何當借原本輕翼為我達
遠心

田家即事

蒲葉日已長杏花日已滋老農要看此貴不違
天時迎晨起飯牛雙駕耕東菑蚯蚓土中出田
鳥隨我飛群合亂啄噪嗷嗷如道饑我心多惻

隱顧此兩傷悲撥食與田鳥日暮空筐歸親戚
更相誚我心終不移

同王十三維偶然作

野老本貧賤冒暑鋤瓜田一畦未及終樹下高
枕眠荷蓀者誰子皤皤來息肩不復問墟落相
見但依然腹中無一物高話羲皇年落日臨層
城逍遙望秦川使婦提蠶筐呼童榜漁船悠悠
泛綠水去摘浦中蓮蓮花艷且妍使我不能還

田家雜興 二首

春至鷓鴣鳴薄言向田野不能自力作黿勉取
隣女旣念生子孫方思廣田園閑時相顧笑喜
恍好禾黍夜夜登嘯臺南望洞庭渚百草被霜
露秋山響砧杵却羨故年時中情無所取

其二

楚山有高士梁國有遺老築室旣相隣同田復
同道糗糒常共飯兒孫每更抱忘此耕耨勞愧
彼風雨好螻蛄鳴空澤鷓鴣傷秋草日夕寒風
來衣裳苦不早

古風 五首

李白

大雅久不作吾衰竟誰陳
王風委蔓草戰國多荆榛
龍虎相啖食兵戈逮狂秦
正聲何微茫哀怨起騷人
揚馬激頽波開流蕩無垠
廢興雖萬變憲章亦已淪
自從建安來綺麗不足珍
聖代復元古垂衣貴清真
群才屬休明乘運共躍鱗
文質相炳煥衆星羅秋旻
我志在刪述垂輝映千春
希聖如有立絕筆於獲麟

其二

蟾蜍薄太清蝕此瑤臺月
圓光虧中天金魄遂淪沒
蟬螻入紫微大明夷朝暉
浮雲隔兩曜萬象昏陰霏
蕭蕭長門宮昔是今已非
桂蠹花不實天霜下嚴威
沈嘆終永夕感我涕沾衣

其三

天津三月時千門桃與李
朝爲滿園原本花暮逐東流水
前水復後水古今相續流
新人非舊人年年橋上遊
鷄鳴海色動謁帝羅三侯
月落西上陽餘輝半城樓
衣冠照雲日朝士原本散

皇州鞍馬如飛龍黃金絡馬頭行人皆辟易志
氣橫嵩丘入門上高堂列鼎錯珍羞香風引趙
舞清管隨齊謳七十紫鴛鴦雙雙戲庭幽行樂
爭晝夜自言度千秋功成身不退自古多愆尤
黃犬空嘆息綠珠成麩讎何如鴟夷子散髮掉
扁舟

其四

世道日交喪澆風散淳源不採芳桂枝反棲惡
木根所以桃李樹吐花竟不言大運有興沒群

動爭飛奔歸來廣成子去入無窮門

其五

暮收肅金氣西陸弦海月秋蟬鳴以號

一本號階軒

感物憂不歇良辰竟何許大運有淪忽天寒悲
風生夜久衆星沒惻惻不忍言哀歌逮明發

春日醉起言志

處世若大夢胡爲勞其生所以終日醉頽然臥
前楹覺來盼庭前一烏花間鳴借問此何時春
風語流鶯感之欲嘆息對酒還自傾浩歌待明

月曲盡已忘情

泰山

四月上泰山石屏御道開六龍過萬壑澗谷隨
縈迴馬跡遶碧峰于今滿青苔飛流灑絕巘水
急松聲哀北眺嶸嶂奇傾崖向東摧洞門閉石
扇地底興雲雷登高望蓬瀛想像金銀臺天門
一長嘯萬里清風來玉女四五人飄颻下九垓
含笑引素手遺我流霞杯稽首再拜之自愧非
仙才曠然小宇宙棄世何悠哉

太白山

太白何蒼蒼星辰上森列去天三百里邈爾與
世絕中有綠髮翁披雲卧松雪不笑亦不語冥
棲在巖穴我來逢真人長跪問寶訣粲然啓玉
齒授以鍊藥說銘骨傳其語竦身已電滅仰望
不可及蒼然五情熱吾將營丹砂永與世人別

前出塞

五首

杜甫

戚戚去故里悠悠赴交河公家有程期亡命嬰
禍羅君巴富長境開邊一何多棄絕父母恩吞

聲行負戈

其二

出門日已遠不受徒旅欺
骨肉恩豈斷男兒死
無時走馬脫轡頭
手中挑青絲捷下萬仞岡
俯身試塞旗

其三

迢迢萬餘里領我赴三軍
軍中異苦樂主將寧
盡聞隔河見胡騎
倏忽數百群我始為奴僕
幾時樹功勳

其四

驅馬天雨雪軍行入高山
徑危抱寒石指落層
冰間已去漢月遠何時築城還
浮雲暮南征可望不可攀

其五

單于寇我壘百里風塵昏
雄劍四五動彼軍為
我奔虜其名王歸繫頸授轅門
潛身備行列一勝何足論

後出塞 五首

男兒生世間及壯當封侯戰伐有功業焉能守
舊丘召募赴薊門軍動不可留千金買馬鞍百
金粧刀頭閭里送我行親戚擁道周班白居易上
列酒酣進庶羞少年別有贈含笑看吳鉤

其二

朝進東門營暮上河陽橋落日照大旗馬鳴風
蕭蕭平沙列萬幕部伍各見招中天懸明月
嚴夜寂寥悲笳數聲動壯士驂不驕借問大將
誰恐是霍票姚

其三

古人重守邊今人重高勳豈知英雄主出師亘
長雲六合已一家四夷且孤軍遂使貔虎士奮
身勇所聞拔劍擊大荒日收胡馬群誓開玄冥
北持以奉吾君

其四

獻凱日繼踵兩蕃靜無虞漁陽豪俠地擊鼓吹
笙竽雲帆輕遼海粳稻來東吳越羅與楚練照
耀輿臺軀主將位益崇氣驕凌上都邊人不敢

議議者死通衢

其四

我本良家子出師亦多門將驕益愁思身貴不足論躍馬二十年恐辜明主恩坐見幽州騎長驅河洛昏中夜間道歸故里但空村惡名幸脫免窮老無兒孫

潼關吏

士卒何草草築城潼關道大城鐵不如小城萬丈餘借問潼關吏修關還備胡要我下馬行爲

我指山隅連雲列戰格飛鳥不能踰胡來但自守豈復憂西都丈人視要處窄狹容單車艱難奮長戟千古用一夫哀哉桃林戰百萬化爲魚請囑防邊將慎勿學哥舒

石壕吏

暮投石壕村有吏夜攬一本人老翁踰墻走老婦出門看吏呼一何怒婦啼一何苦聽婦前致辭三男鄴城戍一男附書至二男新戰死存者且偷生死者長已矣室中更無人惟有乳下孫

孫有母未去出入無完裙老嫗力雖衰請從吏
夜歸急應河陽役猶得備晨炊夜久語聲絕如
聞泣嗚咽天明登前途獨與老翁別

新婚別

兔絲附蓬麻引蔓故不長嫁女與征夫不如棄
路傍結髮爲妻子席不暖君床暮婚晨告別無
乃太匆忙君行雖不遠守邊赴河陽妾身未分
明何以拜姑嫜父母養我時日夜令我藏生女
有所歸雞狗亦得將君今往死地沉痛迫中腸

誓欲從君往形勢反蒼黃勿爲新婚念努力事
戎行婦人在軍中兵氣恐不揚自嗟貧家女久
置原本羅襦裳羅襦不復施對君洗紅粧仰視
百鳥飛大小必雙翔人事多錯迕與君永相望

寒峽

行邁日悄悄山谷勢多端雲門轉絕岬積阻霾
天寒寒峽不可度我實衣裳單况當仲冬交泝
沿增波瀾野人尋烟語行子傍水殮此生免荷
父未敢辭路難

石龕

熊羆咆我東虎豹號我西我後鬼長嘯我前猓
又啼天寒昏無日山遠道路迷驅車石龕下仲
冬見虹霓伐竹者誰子悲歌上雲梯爲君采美
箭五歲供梁齊苦云直簀盡無以充提携柰何
漁陽騎颯颯驚蒸藜

白沙渡

畏途隨長江渡口下絕岸差池上舟楫杳窈入
雲漢天寒荒野外日暮中流半我馬向北嘶山
援飲相喚水清石礧礧沙白灘漫漫迥然洗愁
辛多病一跡散高壁抵嶽岑洪濤越凌亂臨風
獨回首攬轡復長嘆

五盤

五盤雖云險山色佳有餘仰凌棧道細俯映江
木疎地僻無網罟水清反多魚好鳥不妄飛野
人半巢居喜見淳樸俗坦然心神舒東郊尚格
鬪巨猾何時除故鄉有弟妹流落隨丘墟成都
萬事好豈若歸吾廬

成都府

翳翳桑榆日照我征衣裳我行山川異忽在天
一方但逢新人民未卜見故鄉大江東流去遊
子去日長層城鎮華屋季冬樹木蒼喧然名都
會吹簫聞笙簧信美無與適側身望川梁鳥雀
各夜歸中原杳茫茫初月出不高衆星尙爭光
自古有羈旅我何苦哀傷

擬古八首

韋應物

辭君遠行邁飲此長恨端已謂道里遠如何中

險艱流水赴大壑孤雲還暮山無情尚有歸行
子何獨難驅車背鄉國朔風卷行迹嚴冬霜斷
肌日入不遑息憂歡容髮變寒暑人專易中心
君詎知冰玉徒貞白

其二

黃鳥何關關幽蘭亦靡靡此時深閨婦日照紗
牕裏娟娟雙青娥微微啓玉齒自惜桃李年誤
身遊俠子無事久離別不知今生死

其三

綺樓何氛氲朝日正杲杲四壁含清風丹霞射
其牖玉顏上哀轉絕耳非世有但感離恨情不
知誰家婦孤雲忽無色邊馬爲迴首曲絕碧天
高餘聲散秋草徘徊帷中意獨夜不能守思逐
朔風翔一去千里道

其四

嘉樹藹初綠靡蕪吐幽芳君子不在賞寄之雲
路長路長信難越惜此芳時歇孤鳥去不還緘
情向天末

其五

月滿秋夜長驚鳥號北林天河橫未落斗柄當
西南寒蛩悲洞房好鳥無遺音商飈一夕至獨
宿懷重衾舊交日千里隔我浮與沉人生豈草
木寒暑移此心

其六

春至林木變洞房夕含清單居誰能裁好鳥對
我鳴良人久燕趙新愛移平生別時雙鴛綺留
此千恨情碧草生舊迹綠琴歇芳聲思將魂夢

歡反側寐不成攬衣迷所次起望空前庭孤影
中自惻不知雙涕零

其七

有客天一方寄我孤桐琴迢迢萬里隔託此傳
幽音冰霜中自結龍鳳相與吟絃以明直道漆
以固交深

其八

白日淇上沒空閨生遠愁寸心不可限淇水長
悠悠芳樹正妍鬱春禽自相求徘徊東西廂孤

妾誰與儔年華逐絲淚一落俱不收

效陶彭澤

霜露悴百草時菊獨妍華物性有如此寒暑其
柰何掇英汎濁醪日入會田家盡醉茅簷下一
生豈在多

與友生野飲效陶體

攜酒花林下前有千載墳於時不共酌柰此泉
下人始自玩芳物行當念徂春聊舒遠世蹤坐
望還山雲且遂一歡笑焉知賤與貧

酬盧嵩秋夜見寄

喬木生夜涼月華滿前墀去君咫尺地勞君千里思素秉棲遁志况怡招隱詩坐見林木榮願赴滄洲期何能待歲晏攜手當此時

夏夜憶盧嵩

藹藹高館暮開軒滌煩襟不知湘雨來瀟灑在幽林炎月得涼夜芳尊誰與斟故人南北居累月間徽音人生無閑日歡會當在今反側候天旦層城苦沉沉

幽居

貴賤雖異等出門皆有營獨無外物牽遂此幽居情微雨夜來過不知春草生青山忽已曙鳥雀繞舍鳴時與道人偶或隨樵者行自當安寒省誰謂薄世榮

郡齋雨中與諸文士燕集

兵衛森畫戟宴寢凝清香海上風雨至逍遙池閣涼煩痲近消散嘉賓復滿堂自恐居處崇未覩斯民康理會是非遣性達形迹忘鮮肥屬時

禁蔬果幸見嘗俯飲一杯酒仰聆金玉章神歡
體自輕意欲凌風翔吳中盛文史群彥今汪洋
方知大藩地豈曰財賦疆

軍中冬燕

滄海已云晏皇恩猶念勤式燕徧恒秩柔遠及
斯人茲邦實大藩伐鼓軍樂陳是時冬服成戎
士氣益振虎竹謬朝寄英賢降上賓但整周旋
禮媿無海陸珍庭中丸劍闌堂上歌吹新光景
不知晚觥酌豈言頻單醪昔所感大頻况同忻

顧謂軍中士仰荅何由申

送李侍御益赴幽州幕

二十揮篇翰三十窮典墳辟書五府至名位本原
為四海聞始從車騎幕今赴嫖姚軍契濶晚相
遇草廛遽離群悠悠行子遠眇眇川塗分登高
望燕代日夕生夏雲司徒擁精甲誓將除國氛
儒生幸持斧可以佐功勳無言羽書急坐闕相
思文

田家 三首

柳宗元

蓐食徇所務驅牛向東阡雞鳴村巷白夜色歸
暮田札札耒耜聲飛飛來烏鳶竭茲助力事特
用窮歲年盡輸助徭役高枕常晝眠原本聊就
空自眠
子孫日以長世世還復然

其二

古道饒蒺藜縈迴古城曲蓼花被堤岸陂水寒
更綠是時收穫竟落日多樵牧風高榆柳踈霜
重梨棗熟行人迷去住野鳥競棲宿田翁笑相
念昏黑慎原陸今年幸少豐無厭饘與粥

其三

籬落隔烟火農談四隣夕庭際秋蟲鳴踈麻方
寂歷蠶絲盡輸稅機杵空倚壁里昏夜經過雞
黍事筵席各言官長峻文字多督責東鄉後租
期車轂陷泥澤公門少推恕鞭朴恣狼籍努力
慎經營肌膚真可惜迎新在此歲唯恐踵前跡
初秋夜坐贈吳武陵

稍稍雨侵竹翻翻鵲驚叢美人隔湘浦一夕生
秋風積霧宵難極滄波浩無窮相思豈云遠即

席莫與同若人抱竒音朱絃絀枯桐清商激西
顛泛灑凌長空自得本無作天成諒非功希聲
闕大朴龔俗何由聰

南礪中題

秋氣集南礪獨遊亭午時迴風一蕭瑟林影乂
參差始至若有得稍深遂忘疲羈禽響幽谷寒
藻無淪漪去國魂已遊懷人淚空垂孤生易爲
感失路少所宜索寞竟何事徘徊祇自知誰爲
後來者當與此心期

六卷終

詩學正宗卷第七目錄

皇明國子監助教東海浦南全纂輯

五言古詩

正變二

古遊俠

崔顥

贈王威吉

古塞下曲

陶翰

宿天竺寺

出蕭關懷古

暮秋揚子江寄孟浩然

劉昫

寄閩防

海上詩送薛文學歸海東

山下晚晴

崔署

潁陽東溪懷古

宿大通和尚塔敬贈如闍黎廣心長孫錡

二山人

出青門往南山別業

薛據

長門怨

齊澣

獨遊

過華陰

東京府縣諸公與綦母潛李頎相送至白

馬寺宿

放歌行

鄭縣宿陶大公館贈馮六元二

塞下曲

李頎

送暨道士還玉清觀

題綦母校書田居

登首陽山謁夷齊廟

東京寄萬楚

弔王將軍墓

常建

江上琴興

送陸擢

張山人彈琴

夢太白峰

酬司空璣

高適

同諸公登慈恩寺塔

葛山潭

孫逖

塞上曲

李白

關山月

送韓準裴政孔巢父還山

送趙判官赴黔府中丞叔幕

贈崔司戶文昆季

酬崔五郎中

經亂後將避地剡中留贈崔宣城

贈李十二

崔宗之

遊龍門奉先寺

杜甫

夢李白

玉華宮

渭川田家

王維

崔僕陽兄季重前山興

送魏郡李太守赴任

贈祖三詠

宿業師山房待丁公不至

孟浩然

齊心

王昌齡

同薛司直秋齋曲江俯見南山作

暮秋山行

岑參

宿華陰東郭客舍憶閩防

終南雲際精舍尋法澄上人不過東潭石

淙望秦嶺微雨作貽友人

與高適薛據同登慈恩寺浮圖

杼山禪居寄東溪吳處士

僧皎然

正變三

暮相思

韋應物

初發揚子寄元大校書

夕次盱眙縣

淮上即事寄廣陵親故

同德寺雨後寄元侍御李博士

藍嶺精舍

留別洛京親友

送鄭長源

龍門遊眺

送李十四山東遊

雨後曉行獨至愚溪北池

柳宗元

中夜起望西園值月上

贈江華長老

晨詣超師院讀禪經

覺衰

與崔策登西山

附錄

送王屋山人魏萬

李白

經亂離後天恩流夜郎憶舊遊書懷贈江

夏肅太守良宰

北征

杜甫

詩學正宗卷第七

五言古詩

正變二

名曰古詩實則唐
調讀者自能辨之

古遊俠

崔顥

少年負膽氣好勇復知機
仗劍出門去孤城逢
合圍殺人遼水上走馬漁陽歸
錯落金鏐甲蒙
茸貂鼠衣還家且行獵
弓矢速如飛地迥鷹犬
疾草深狐兔肥腰間帶兩綬
轉盼生光輝顧謂
今日戰何如隨建威

贈王威吉

三十羽林將出身常事邊春風吹淺草獵騎何
翩翩插羽兩相顧鳴弓新上絃射麋入深谷飲
馬投荒泉馬上共傾酒野中聊割鮮相看未及
飲襍虜寇幽燕烽火去不息胡山高際天長驅
救東北戰解城亦全報國行赴難古今皆共然

古塞下曲

陶翰

進軍飛狐北窮寇勢將變日落塵沙昏背河更
一戰駢馬黃金勒雕弓白羽箭射殺左賢王歸

奏未央殿欲言塞下事天子不召見東出咸陽
門哀哀淚如霰

宿天竺寺

松栢亂巖口山西微徑通天門一峰見宮闕生
虛空正殿倚霞壁千樓標石叢夜來猿鳥靜鐘
梵寒雲中岑翠映湖月泉聲亂溪風心超諸境
外了與圓解同明發氣候改起視長厓東湖色
濃蕩漾海光漸腫臃葛仙跡尚在許氏道猶崇
獨有原本古來事幽懷期二公

出蕭關懷古

驅馬擊長劔行役至蕭關悠悠五原上永眺關
河前北虜三十萬此中常控弦秦城亘宇宙漢
帝理旌旃刁斗鳴不息羽書日夜傳五軍計莫
就三策議空全大漠橫萬里蕭條絕人烟孤城
當瀚海落日照祈連愴然苦寒奏懷哉式微篇
更悲秦樓月夜夜出胡天

暮秋楊子江寄孟浩然

劉昫虛

木葉紛紛下東南日烟霜林山相晚莫海天空

青蒼暝色况復久秋聲亦何長孤舟兼吳原本
月獨夜仍越鄉寒笛對京口故人在襄陽詠思
勞今夕江漢遙相望

寄閻防

青冥南山口君與緇錫隣深路入古寺亂花隨
莫春紛紛對寂寞往往落衣巾松色空照水經
聲時有人晚來原本復南望山遠情獨親應以
修往業亦唯立此身深林度空夜烟月資清真
莫嘆文明日彌年從隱淪

海上詩送文學歸海東

何處歸且遠送君東悠悠滄溟千萬里日夜一
孤舟曠望絕國所微茫天際愁有時近仙境不
定若夢游或見青色古孤山百里秋前山方杳
眇後路勞夷猶離別惜吾道風波敬皇休春浮
花氣遠思逐海水流日莫驪歌後永懷空滄洲

山下晚晴

崔曙

寥寥遠天淨溪路何空濛斜光照踈雨秋氣生
白虹雲盡山色暝蕭條西北風故林歸宿處一

葉下梧桐

潁陽東溪懷古

靈溪氛霧歇皎鏡清心顏空色不映水秋聲多
在山世人久踈曠萬物皆自閒白鷗寒更浴孤
雲晴未還昔時讓王者此地閉玄關無以躡高
步淒涼岑壑間

宿大通和尚塔敬贈如闍黎廣心長孫錡

二山人

支公已寂滅塔影山上古更有真僧來道場救

諸苦一承微妙法寓宿清淨土身心能自親色
相了無取森森松映月漠漠雲近戶嶺外飛電
明夜來前山雨燃燈見棲鴿作禮聞信鼓晚霽
南軒開秋華淨天宇願言長出世謝爾及申甫

出青門往南山別業

薛據

舊居在南山夙駕自城闕榛莽相蔽虧去爾漸
超忽散漫餘雪晴蒼茫季冬月寒風吹長林白
日原上沒懷抱曠莫伸相知阻胡越弱年好棲
隱鍊藥在巖窟及此離垢氛興來亦因物末路

期赤松斯言庶不伐

長門怨

齊澣

筑筑孤思逼寂寂長門夜妾妬亦知非君恩那
不借携琴就玉階調悲心未諧將心託明月流
影入君懷

葛山潭

孫逖

圓潭寫流月清明涵萬象仙翁何時還綠水空
蕩漾涼哉草木腓白露沾人衣暫醉空山裏時
聞笙鶴飛

塞上曲

李白

大漢無中策匈奴犯渭橋五原秋草綠胡馬亦
何驕命將征西極橫行陰山側燕支落漢家婦
女無華色轉戰度黃河休兵樂事多蕭條清萬
里瀚海寂無波

關山月

明月出天山蒼茫雲海間長風幾萬里吹度玉
門關漢下白登道胡窺青海灣由來征戰地不
見有人還戍客望邊邑思歸多苦顏高樓當此

夜嘆息未應閒

贈崔司戶文昆季

雙珠出海底俱是連城珍明月兩特達餘輝傍
照人英聲振名都高價重殊隣豈伊箕山故特
以鳳原本期親唯昔不自媒擔簦西入秦攀龍
九天上忝列歲星臣布衣侍丹墀密勿草絲綸
才微惠渥重讒巧生緇磷一去已十年今來復
盈旬清霜入曉鬢白露生衣巾側見綠水亭開
門列華茵千金散義士四坐無凡賓欲折月中

桂特爲寒者，薪路傍已竊笑。天路將何因，垂恩倘丘山報德有微身。

謝崔五郎中

朔雲橫高天，萬里起秋色。壯士心飛揚，落日空嘆息。長嘯出原野，凜然寒風生。幸遭聖明時，功業猶未成。奈何懷良圖，鬱悒獨愁坐。杖策尋英豪，立談乃知我。崔公生民秀，緬邈青雲姿。制作參造化，託諷含神祇。海嶽尚可傾，吐諾終不移。是時霜飈寒，逸興臨華池。起舞拂長劍，四座皆

揚眉。因得窮歡情，贈我以新詩。又結汗漫期，九垓遠相待。舉身憇蓬壺，濯足弄滄海。從此凌倒景，一去無時還。朝遊明光宮，莫入閭闔關。但得長把袂，何必嵩丘山。

經亂後將避地剡中留贈崔宣城

雙鵝飛洛陽，五馬渡江徼。何意上東門，胡雛更長嘯。中原走豺虎，烈火焚宗廟。太白晝經天，頽陽掩虛照。王城皆蕩覆，世路成奔峭。四海望長安，頰眉寡西笑。蒼生疑落葉，白骨空相弔。連兵

似雪山破敵誰能料我垂北溟翼且學南山豹
崔子賢主人歡娛每相召胡牀紫玉笛却坐青
雲叫楊花滿州城置酒同臨眺忽思剡溪去水
石遠清妙雪盡天地明風開湖山貌悶爲洛生
詠醉發吳越調赤霞動金光日足森海嶠獨散
萬古意閑垂一溪釣猿近天上啼人移月邊棹
無以墨綬苦來求丹砂要華髮長折腰將貽陶
公誚

送韓準裴政孔巢父還山

獵客張兔豕不能掛龍虎所以青雲人高歌在
巖戶韓生信英彥裴子含清真孔侯復秀出俱
與雲霞親峻節凌遠松同衾卧磐石斧冰漱寒
泉三子同二屐時時或乘輿往往雲無心出山
揖侯伯長嘯輕衣簪昨宵夢裏還云弄竹溪月
今晨魯東門悵飲與君別雪崖滑去馬蘿逕迷
歸人相思各烟草歷亂無冬春

送趙判官赴黔府中丞叔幕

廓落青雲心結交黃金盡富貴翻相忘令人忽

晒踏蹬髮毛斑盛時難再還巨源咄石生何
馬蹄閒綠蘿長不厭却欲還東山君為魯曾
子拜揖高堂裏叔繼趙平原偏承聖主恩風霜
摧獨坐旌節鎮雄藩虎士秉金鉞蛾眉開玉尊
才高幕下客義重林中言水宿五溪月霜啼三
峽猿東風春草綠江上候歸軒

贈李十二

崔宗之

涼風八九月白露空團亭耿耿意不暢稍稍風
葉聲思見雄俊士共談今古情李侯忽來儀把

袂苦不早清論即抵掌玄談又絕倒分明楚漢
事歷歷為我原本道擔囊無俗物訪古千里餘
袖有七首劍懷中茂陵書雙眸炯原本照人詞
賦凌子虛酌酒弦素琴霜氣正凝潔平生心中
事今日為君說我家有別業寄在嵩之陽明月
吐高岑清溪澗原本素光雲散窓戶靜風吹松
桂香子若同斯遊千載無相忘

遊龍門奉先寺

杜甫

已從招提遊更宿招提境陰壑生靈籟月林散

清影天闕象緯逼雲卧衣裳冷欲覺聞晨鐘令人發深省

夢李白

死別已吞聲生別常惻惻南中原本江南瘴癘地逐客無消息故人入我夢明我長相憶恐非平生魂路遠不可測魂來楓林青魂返關塞黑君今在羅網何以有羽翼落月滿屋梁猶疑照顏色水深波浪濶無使蛟龍得

玉華宮

溪回松風長蒼鼠窺古瓦不知何王殿遺構絕壁下陰房鬼火青壞道哀湍瀉萬籟真筌竿秋色正瀟灑美人為黃土况乃矜儻假當時侍金輿故物獨石馬憂來藉草坐浩歌淚盈把冉冉征塗間誰是長年者

渭川田家

王維

斜光照墟落窮巷牛羊歸野老念僮僕倚杖候荆扉雉雉麥苗秀蠶眠桑葉稀田夫荷鋤立相見語依依即此羨閒逸悵然歌式微

崔漢陽兄季重前山興

秋色有佳興况君池上閑悠々西林下自識門
前山千里橫黛色數峯出雲間嵯峨對秦國合
沓藏荆闕殘雨斜日照夕嵐飛鳥還故人今尚
爾嘆息此顏顏

送魏郡李太守赴任

與君伯氏別又欲與君離君行無幾日當復
出被蒼茫秦川盡日落桃林塞獨樹臨關門黃
河向天外前經洛陽陌宛踞故人孫故人離別

盡淇上轉駟駢企余悲送遠惆悵睢陽路古木
官渡平秋城鄴宮故想君行縣日其出從如雲
遙思魏公子復憶李將軍

贈祖三詠

蠨蛸挂虛牖蟋蟀鳴前除歲晏涼風至君子復
何如高館聞無人離居不可道閑門寂已閑落
日照秋草雖有近音信千里阻河關中復客汝
穎去年歸舊山結交二十載不得一日展貧病
子旣深契濶余不淺仲秋雖未歸莫秋以爲期

良會詎幾日終自長相思

宿業師山房待丁公不至

孟浩然

夕陽度西嶺群壑倏已暝松月生夜涼風泉滿
清聽樵人歸欲盡烟鳥棲初定之子期宿來孤
琴候蘿逕

齋心

王昌齡

女蘿覆石壁溪水幽朦朧紫葛蔓黃花娟娟寒
露中朝飲花上露夜卧松下風雲英化為水光
彩與我同日月蕩精魄寥寥天府空

獨遊

林卧情每閑獨遊景常晏時從灞陵下隨釣生
南澗手攜雙鯉魚目送千里鴈悟彼飛有適知
此懼憂患放之清泠泉因得省踈慢永懷青岑
客回首白雲間超然物無違豈繫名與宦

東京府縣諸公與綦毋潛李頎相送至白
馬寺宿

鞍馬上東門徘徊入孤舟賢豪相追送卸棹千
里流赤岍落日在空波微烟收宦薄忘襪括醉

來却淹留月明見古寺林下登高樓南風開長
廊夏夜如涼秋江月照吳縣西歸夢中遊

放歌行

南渡洛陽津西望十二樓明堂坐天子月朔朝
諸侯清樂動千門皇風被九州慶雲從東來決
滌抱日流昇平貴論道文墨將何求有詔徵草
澤微誠將獻謀冠冕如星羅拜揖曹與周望塵
非吾事入賦且遲留幸蒙國士識因脫負薪裘
今者放歌行以慰梁甫愁但營數斗祿奉養每

豐羞願得金膏遂飛雲亦可儔

鄭縣宿陶大公館贈馮六元二

儒有輕王侯脫略當世務本家藍田中非爲漁
弋故無何困躬耕且欲馳永路幽居與君近出
谷同所務昨日辭石門五年變秋露雲龍未相
感干謁亦已屢子爲黃綬羈余忝蓬山顧京門
望西嶽百里見郊樹飛雨祠上來靄然關中暮
馳車鄭城宿秉燭論往素山月出華陰開此河
洲霧清光比故人豁達展心悟馮公尚戢翼元

子仍跼步拂衣易爲高論跡難有趣張范善始
終吾等豈不慕罷酒當涼風屈伸備冥數

過華陰

雲起太華山雲山互明滅東峰始含景了了見
松雪羈人感幽棲窅映轉奇絕欣然忘所疲永
望吟不輟信宿百餘里出關玩新月何意昨冥
冥遇物遂遷別人生屢如此何以肆愉悅

塞下曲

李頎

黃雲鴈門郡日莫風沙裏千騎黑貂裘皆稱羽

林子金笳吹朔雪鐵馬嘶寒水帳下飲蒲萄平
生寸心是

送暨道士還玉清觀

僊官有名籍度世吳江濱大道本無我青春長
與君中州俄已到至理得而聞明主降黃屋時
人看白雲空山何窈窕三秀日氛氲遂此留書
客超遙烟駕分

題綦毋校書田居

常稱掛冠吏昨日歸滄洲行客莫帆遠主人庭

樹秋豈伊問天命但欲爲山遊萬物我何有白
雲空自幽蕭條江海上日夕見丹丘生事本漁
釣賞心隨去留惜哉曠微月欲濟無輕舟倏忽
令人老相思河水流

登首陽山謁夷齊廟

古人已不見喬木竟誰過寂寞首陽山白雲空
復多蒼苔歸地骨皓首采薇歌畢命無怨色成
仁其若何我來入遺廟時候微清和落日弔山
鬼回風吹女蘿石門正西豁引領望黃河千里

一飛鳥孤光東逝波驅車層城路惆悵此岩阿

東京寄萬楚

濩落久無用隱身甘采薇仍聞薄宦者還事田
家衣賴水日夜流故人相見稀春山不可望黃
鳥東西飛濯足豈長往一尊聊可依了然潭上
月適我曾中機在昔同門友如今出處非優游
白虎殿偃息青瑣闈且有薦君表當看攜手歸
寄書不待面蘭芷空芳菲

弔王將軍墓

常建

嫖姚北伐時深入強千里戰餘落日黃軍敗鼓
聲死嘗聞漢飛將可奪單于壘今與山鬼隣殘
兵哭遼水

江上琴興

江上調玉琴一絃清一心泠泠七絃遍萬木澗
幽陰能使江月白又令江水深始知梧桐枝可
以徽黃金

送陸擢

聖代多才俊陸生何考槃南山高松樹不合空

摧殘九月湖上別北風秋雨寒殷勤嘆孤鳳
食金琅玕

張山人彈琴

君去芳草綠西峰彈玉琴豈唯丘中賞兼得清
煩襟朝從山口還出嶺聞清音了然雲霞氣照
見天地心玄鶴下澗空翩翩舞松林改絃扣商
琴又聽飛龍吟稍覺此身幻漸知仙事深其將
錄金鼎永矣投吾簪

夢太白峰

夢寐昇九厓杳靄逢元君遺我太白岑寥寥辭
垢氛結宇在星漢宴林閉氤氳簷楹覆餘翠巾
烏生片雲時往清溪間孤亭晝仍曛松峰引天
影石瀨清霞文恬目緩舟趣霽心投鳥群春風
又搖棹潭島花紛紛

酬司空叅

高適

飄飄未得意感激與誰論昨日遇夫子乃知吾
道存江山滿詞賦札翰起涼溫吾見風雅作人
推德業尊驚颶蕩萬木秋氣屯高原燕趙何蒼

茫鴻鴈來翩翩此時與君別握手嘿無言

同諸公登慈恩寺塔

香界泯群有浮圖豈諸相登臨駭孤高披拂忻
大壯言是羽翼生迥出虛空上頓疑身世別乃
覺形神王宮闕皆戶前山河盡簷向秋風昨夜
來秦塞多清曠千里何蒼蒼五陵鬱鬱相望盛時
慚阮步末路知周防輸効獨無因斯焉可遊放

同薛司直秋霽曲江俯見南山作

南山鬱初霽曲江湛不流若臨瑤池間想望崑

崙丘迴首見黛色眇然波上秋深沉俯崢嶸清
淺延阻修連潭萬木靜挿岼千巖幽杳靄信難
測淵淪無暗投片雲對漁父獨鳥隨虛舟我心
寄青霞世事慙白鷗得意在乘興忘懷非外求
良辰自多暇忻與數子遊

暮秋山行

岑參

疲馬下長坂夕陽下通津山風吹空林颼颼如
有人蒼昊霽涼雨石路無飛塵千念集暮節萬
籟悲蕭晨鷓鴣昨夜鳴蕙草色已陳况在遠客

行自然多苦辛

宿華陰東郭客舍憶閻防

次舍山郭近解鞍鳴鐘時主人炊新粒行子充
夜飢關月生首陽照見華陰祠蒼茫秋山晦蕭
琴寒松悲久從園廬別遂與朋知辭舊壑蘭杜
晚歸軒今已遲

終南雲際精舍尋法澄上人
不遇東潭石
淙望秦嶺微雨作貽友人

昨夜雲際宿旦從西峰回不見林中僧微雨潭

上來諸峰皆晴翠秦嶺獨不開石鼓有時鳴秦
王安在哉東南雲開處突兀獼猴臺崖口懸瀑
流半空白皚皚噴壁四時雨傍村終日雷北瞻
長安道日夕多塵埃若訪張仲蔚衡門滿蒿萊

與高適薛據同登慈恩寺浮圖

塔勢如湧出孤高聳天宮登臨出世界磴道盤
虛空突兀壓神州崢嶸如鬼工四角礙白日下
七層摩蒼穹
窺指高鳥俯聽聞驚風連山若波濤奔奏似朝
東青槐夾馳道宮館何玲瓏秋色從西來蒼然

滿關中五陵北原上萬古青濛濛淨理了可悟
勝因夙所宗誓將挂冠去覺道資無窮

杼山禪居寄東溪吳處士

僧皎然

青雲何潤澤下有賢人隱路入菱湖深跡與黃
鶴近野風吹白芷山月搖青軫詩祖吳叔庠到
君才不盡身當青山秀文體多郢聲激徹湘水
碧沈寥楚天清時人格不同至今罕知名昔賢
敦師友此道獨君行既得廬霍趣乃高雷遠情
別時春風多掃盡雪山雪為君中夜起孤坐石

上月悠然遺塵想邈矣達性說故人不在茲幽
桂惜未結

正變三

暮相思

韋應物

朝出自不還暮歸花盡發豈無終日會惜此花
間月空館忽相思微鐘坐來歇

初發楊子寄元大校書

悽悽去親愛泛泛入烟霧歸棹洛陽人殘鐘廣
陵樹今朝此為別何處還相遇世事波上舟公

洄安得住

夕次盱眙縣

落帆逗淮鎮停舫臨孤驛浩浩風起波冥冥日
沉夕人歸山郭暗鴈下蘆洲白獨夜憶秦關聽
鐘未眠客

淮上即事寄廣陵親故

前舟已渺渺欲度誰相待秋山起暮鐘楚雨連
滄海風波離思滿宿昔容髮改獨鳥下東南廣
陵何處在

同德寺雨後寄元侍御李博士

川上風雨來須臾滿城闕
巖崑青蓮界蕭條孤興發
前山遽已淨陰靄夜來歇
喬木生夏涼流雲吐華月
巖城自有限一水非難越
相望曙河遠高齋坐超忽

藍嶺精舍

石壁精舍高排雲聊直上
佳遊愜始願忘險得前賞
崖傾景方晦谷轉川如掌
綠林含蕭條飛閣起弘敞
道人上方至深夜還獨往
日落群山

陰天秋百泉響所嗟累已成
安得長偃仰

留別洛京親友

握手出都門駕言適京師
豈不懷舊廬惆悵與子辭
麗日坐高閣清觴宴華池
昨遊倏已過後遇良未知
念結路方永歲陰野無暉
單車我當前暮雪子獨歸
臨流一相望零淚忽沾衣

送鄭長源

少年一相見飛轡河洛間
歡遊不知罷中路忽言還
泠泠鷗絃哀悄悄冬夜闌
丈夫雖耿介遠

別多苦顏君行拜高堂速駕難久攀鷄鳴儔侶
發朔雪滿河關須臾在今夕尊酌且循環

龍門遊眺

鑿山導伊流中斷若天闕都門遙相望佳氣生
朝夕素懷出塵意適有携手客精舍繞層阿千
龕隣絕壁綠雲路猶緬憇澗鐘已寂花樹發烟
華淙流散石脉長嘯招遠風臨潭漱金碧日落
望都城人間何役役

送李十四山東遊

聖朝有遺逸披膽謁至尊豈是質榮寵誓將救
元元權豪非所便書奏寢禁門高歌長安酒忠
憤不可吞歎來客河洛日與靜者論濟世翻小
事丹砂駐精魂東遊無復繫梁楚多大藩高論
動侯伯踈懷脫塵喧送君都門野飲我林中尊
立馬望東道白雲滿梁園踟躕欲何贈空是平
生言

雨後曉行獨至愚溪北池

柳宗元

宿雲散洲渚曉日明村塢高樹臨清池風驚夜

來雨予心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠踈
竹根石泉遠逾響山鳥時一喧倚楹遂至旦寐
寔將何言

贈江華長老

老僧道機熟默語心皆寂去歲別春陵泐流此
投跡室空無侍者巾屨唯挂壁一飯不願餘跣
跌便終夕風窓踈竹響露井寒松滴偶地即安

居滿庭芳草積

晨詣超師院讀禪經

汲井漱寒齒清心拂塵服閑持貝葉書步出東
齋讀真源了無取妄迹世所逐遺言冀可冥繕
性何由熟道人庭宇靜苔色連深竹日出霧露
餘青松如膏沐澹然離言說悟悅心自足

覺衰

久知老會至不謂便見侵今年宜未衰稍已來
相尋齒踈髮就種奔走力不任咄此可奈何未

必傷我心彭聃安在哉周孔亦已沉古稱壽聖
人曾不留至今但願得美酒朋友常共斟是時
春向暮桃李生繁陰日照天正綠杳杳歸鴻吟
出門呼所親扶杖登西林高歌足自快商頌有
遺音

與崔策登西山

鶴鳴楚山靜露白秋江曉連袂度危橋縈迴出
林杪西岑極遠目毫末皆可了重疊九疑高微
茫洞庭小迥窮兩儀際高出萬象表馳景汎頽

波遙風迥寒篠謫居安所習稍厭從紛擾生同
胥靡遺壽等彭鏗天蹇連困顛踣愚蒙怯幽渺
非令親愛踈誰使心神悄偶茲遁山水得以觀
魚鳥吾子幸淹留繞我愁腸繞

附錄 長句三篇

送王屋山人魏萬

李白

仙人東方生浩蕩弄雲海沛然乘天遊獨徃失
所在魏侯繼大名本家聊攝城卷舒入元化跡
與古賢并十三弄文史揮筆如振綺辯折田巴

生心齊魯連子西涉清洛源頗驚人世喧采秀
卧王屋因窺洞天門却來遊嵩丘羽客何雙雙
朝携月光子暮宿玉女牕鬼谷上窈窕龍潭下
奔淙東浮汴河水訪我三千里逸興滿吳雲飄
颻浙江汎揮手杭越間章亭望潮還濤卷海門
石雲橫天際山白雪走素車雷奔駭心顏遙聞
會稽美且度耶溪水萬壑與千巖崢嶸鏡湖裏
秀色不可名清暉滿江城人遊月邊去舟在空
中行此中久延佇入剡尋王許笑讀曹娥碑沉

吟黃綃語天台連四明日入向國清五峰轉月
色百里行松聲靈溪咨沿越華頂殊超忽石梁
橫青天側足履半月眷然思永嘉不憚海路賒
挂席歷海嶠迴瞻赤城霞赤城漸微沒孤嶼前
突兀水合百川原本續萬古流亭空千古月縉雲川
谷難石門最可觀瀑布挂北斗莫窮此水端噴
壁灑蒼雪空濛生晝寒却思惡溪去寧懼惡溪
惡咆哮七十灘水石相噴薄路逢李北海巖開
謝康樂松風和猿聲搜索連洞壑徑出梅花橋

雙溪初雪湖落帆金華岬赤松若可招沈約八
詠樓或言或言美豈荒外曠望群川會雲
意天也開流連浙西大亂流新安口北指嚴光
頭對臺碧雲中迤邐蒼嶺對稍稍來吳都徘徊
上在蘇連錦橫九疑深滄見五湖目極心更遠
悲歌佳長吁迴橈楚江濱揮策揚子津身著日
本來昂藏出風塵五月造我語知非俗儂人相
逢樂無限水石日在眼徒干五諸侯不致百金
產吾友揚子雲絃歌播清芬雖為江寧宰好與

山公群乘興但一行且知我愛君君來幾何時
仙臺應有期東牕綠玉樹定長三五枝至今天
壇人常笑爾歸遲我為惜遠別茫然使心悲黃
河若不斷白首長相思

經亂離後天恩流夜郎憶舊遊書懷贈江
夏韋太守良宰

天上白玉京十二樓五城仙人撫我頂結髮受
長生誤逐世間樂頗窮理亂情九十六聖君浮
雲挂空名天地賭一擲未能忘戰爭試涉霸王

略將期軒冕榮時命乃大謬棄之海上行學劍
翻自哂爲文竟何成劍非萬人敵文竊四海聲
兒戲不足道五噫出四京臨當欲去時慷慨淚
沾纓嘆君侷僮才標舉冠群英開筵引祖帳慰
此遠徂征鞍馬若浮雲送余驃騎亭歌鍾不盡
意白日落昆明十月到幽州戈鋌若羅星君王
棄北海埽地借長鯨呼吸走百川燕然可摧傾
心知不得語却欲棲蓬瀛彎弧射天狼挾矢不
敢張攬涕黃金臺呼天哭昭王無人貴駿骨綠

耳空騰驤樂毅倘再生于今亦奔亡嗟
意驅馬還故鄉逢君聽絃歌肅穆坐華
獨太古陶然卧羲皇徵樂昌樂館開筵列壺觴
賢豪間青娥對燭儼成行醉舞紛綺席清歌繞
飛梁歡娛未終朝秩滿歸咸陽祖道擁萬人供
帳遙相望一別隔千里榮枯異炎涼涼幾遷
改九土中橫潰漢甲連胡兵沙塵暗海草木
搖殺氣星辰無光彩白骨成丘山蒼生竟何罪
函關壯帝居國命懸哥舒長戰三十萬開門納

兕渠公卿如犬羊忠讜醢與菹二聖出遊豫兩
京遂丘墟帝子許專征秉旄控強楚節制非桓
文軍師擁羆虎人心失去就賊勢騰風雨惟君
固房陵誠節冠終古僕卧香爐頂飡霞漱瑤泉
門前九江轉枕下五湖連半夜水軍來潯陽滿
旌旃空名適自誤迫脅上樓船徒賜五百金棄
之若浮烟辭官不受賞翻謫夜郎天夜郎萬里
道西上令人老婦蕩六合清仍爲負霜草日月
無偏照何由訴蒼昊良牧稱神明深仁恤交道

一忝青雲客三登黃鶴樓顧慙彌處士虛對鸚
鵡洲樊山霸氣盡寥落天地秋江帶蛾眉雪川
橫三峽流萬舸此中來連帆過揚州送此萬里
目曠然散我愁紗牕倚天開水樹綠如髮窺日
畏街山促酒嘉得月吳娃與越艷窈窕誇鈿紅
呼來上雲梯含笑出簾櫳對客小垂手羅衣舞
春風賓跪請休息主人情未極覽君荆山作江
鮑堪動色清水出芙蓉天然去雕飾逸興橫素
襟無時不招尋朱門擁虎士列戟何森森剪鑿

竹石開縈流漲清深登樓坐水閣吐論多英音
片辭貴白璧一諾輕黃金謂我不愧君青鳥問
丹心五色雲間鵲飛鳴天上來傳聞赦書至却
放夜郎回暖氣變寒谷炎煙生死灰君登鳳池
去忽棄賈生才桀犬尚吠堯匈奴笑千秋中夜
起三原本四五四五嘆常爲大國憂旌旆夾兩山黃河當
中流連鷄不得進飲馬空夷猶安得羿善射一
箭落旄頭

北征

甫

皇帝二載秋閏八月初吉杜子將北征蒼茫問
家室維時遭艱虞朝野少暇日顧慙恩私被詔
許歸蓬華拜辭詣闕下怵惕久未出雖乏諫諍
姿恐君有遺失君誠中興主經緯固密勿東胡
反未已臣甫憤所切揮涕戀行在道途猶恍惚
乾坤含瘡痍憂虞何時畢靡靡踰阡陌人烟眇
蕭瑟所遇多被傷呻吟更流血回首鳳翔縣旌
旗晚明滅前登寒山重屢得飲馬窟邠郊入地
底涇水中蕩瀟猛虎立我前蒼厓吼時裂菊垂

今秋花石載古車轍青雲動高興幽事亦可悅
山果多瑣細羅生雜橡栗或紅如丹砂或黑如
點漆雨露之所濡甘苦齊結實緬思桃源內益
歎身世拙陂陀望鄜時谷巖互出沒我行已水
濱我僕猶木末鴟鳥鳴黃桑野鼠拱亂穴夜深
經戰場寒月照白骨潼關百萬師往者散何卒
遂令半秦民殘害爲異物况我隨胡塵及歸盡
華髮經年至茅屋妻子衣百結慟哭松聲迴悲
泉共幽咽平生所嬌兒顏色白勝雪見爺背面

啼垢膩脚不韞牀前兩小女補綻纔過膝海圖
坼波濤舊繡移曲折天吳及紫鳳顛倒在短褐
老夫情懷惡嘔泄卧數日那有囊中帛救汝寒
凜慄粉黛亦解苞衾裯稍羅列瘦妻面復光癡
女頭自櫛學毋無不爲曉粧隨手抹移時施朱
鉛狼籍畫眉闊生還對童稚似欲忘饑渴問事
競挽鬢誰能即嗔噉翻思在賊愁甘受雜亂聒
新歸且慰意生理焉得說至尊尙蒙塵幾日休
練卒仰看天色改旁覺妖氣豁陰風西北來慘

澹隨回鶻其王願助順其俗喜馳突送兵五千人
驅馬一萬匹此輩少爲貴四方服勇決所用
皆鷹騰破敵過箭疾聖心頗虛佇時議氣欲奪
伊洛指掌收西京不足拔官軍請深入蓄銳伺
俱發此舉開青徐旋瞻略恒碣昊天積霜露正
氣有肅殺禍轉亡胡歲勢成擒胡月胡命其能
久皇綱未宜絕憶昨狼狽初事與古先別姦臣
競殖醢同惡隨蕩析不聞夏殷衰中自誅褒妲
周漢獲再興宣光果明哲桓桓陳將軍仗鉞奮

忠烈微爾人盡非于今國猶活淒涼大同殿寂
寞白獸闈都人望翠華佳氣向金闕園陵固有
神埽灑數不缺煌煌大宗業樹立甚宏達

詩學正宗卷第七

終

詩學正宗卷第八目錄

七言歌行

皇明國子監助教東海浦南金纂輯

論曰徐氏禎卿曰七言古體南山擅其奇栢梁
弘其質四愁墜其雋燕歌開其靡何氏景明曰
唐初四子雖工富麗去古爲遠至其音節往往
可歌迺知開元諸家詞固雄贍而調失流轉雖
成一家言實則詩歌之變體也嗚呼使二子而
庸人也則可使二子而果詩人也則是豈不可

以爲訓哉

又曰太白七言幾於入神如遠別離蜀道難等篇所謂從心所欲不踰矩者也其次則崔顥又曰感慨悲壯惟高岑李頎得之

正始上

南風歌

虞舜

滄浪歌

孺子

南山歌

甯戚

易水歌

荆軻

大風歌

漢高帝

秋風詞

漢武帝

栢梁詩

漢武帝

武溪深行

馬援

四愁詩

四首

張衡

燕歌行

魏文帝

正始下

燕歌行

庾信

從軍行

盧思道

滕王閣

王勃

秋夜長

採蓮曲

臨高臺

長安古意

盧照隣

行路難

駱賓王

帝京篇

代悲白頭翁

劉庭芝

汾陰行

李嶠

古劍篇

郭振

龍門應制

宋之問

燕歌行

屈同仙

正音上

烏夜啼

李白

烏棲曲

北風行

侍從宜春苑賦得龍池柳色初青聽新鶯

百轉歌

遠別離

蜀道難

廬山謠

梁園吟

扶風豪士歌

夢遊天姥吟

代閨人荅輕薄少年

崔顥

行路難

渭城少年行

正音中

送郝判官

李頎

送劉十

送陳章甫

放歌行

聽董大彈胡笳兼語弄寄房給事

高適

邯鄲少年行

還山吟

燕歌行

大梁行

胡笳歌

岑參

函谷關歌

白雪歌

青門歌

送魏升卿擢第歸東都

與獨孤漸道別長句

補遺 當在燕歌行之後

鷄鳴歌

古辭

晉白紵舞歌 四首

東飛伯勞歌

詩學正宗卷第八
七言古詩

正始

南風歌

虞舜

南風之薰兮可以解吾民之愠兮南風之時兮
可以阜吾民之財兮

滄浪歌

孺子

滄浪之水清兮可以濯我纓滄浪之水濁兮可
以濯我足

南山歌

甯戚

南山矸白石爛生不遭堯與舜禪短布單衣適
至鼯從昏飯牛薄夜半長夜漫漫何時旦

易水歌

荆軻

風蕭蕭兮易水寒壯士一去兮不復還

大風歌

漢高帝

大風起兮雲飛揚威加海內兮歸故鄉安得猛
士兮守四方

秋風詞

漢武帝

秋風起兮白雲飛草木黃落兮鴈南歸蘭有秀
兮菊有芳懷佳人兮不能忘汎樓船兮濟汾河
橫中流兮揚素波簫鼓鳴兮發擢歌歡樂極兮
哀情多少壯幾時兮柰老何

栢梁詩

日月星辰和四時漢武帝驂駕駟馬從梁來梁王郡
國士馬羽林材大司馬總領天下誠難治丞相
和撫四夷不易哉大將軍刀筆之吏臣執之御史
大撞鍾伐鼓聲中詩太常周宗室廣大日益史

茲宗正劉安國周衛交戟禁不時衛尉路博德總領從官

栢梁臺光祿勳余自為平理請讞決嫌疑建尉杜周脩飾車

馬待駕來太僕公孫賀郡國吏功差次之太鴻臚壺充國乘

輿御物主治之少府王溫舒陳粟萬石揚筥箕農大司農張

成徽道宮下隨討治執金吾中尉豹三輔盜賊天下先

左馮翊威宣盜阻南山為民災右扶風李成信外家公主不

可治京兆尹椒房率領更其材詹事陳掌蠻夷朝賀常

舍其典屬國柱枅樞樞相支持大匠枇杷橘栗桃李

梅大官走狗走兔張興愚上林令齧妃女唇甘如

館郡舍人迫窘詰屈幾窮哉東方朔

武溪深行 馬援

滔滔武溪一何深鳥飛不度獸不敢臨嗟哉武溪多毒淫

四愁詩

我所思兮在太山欲往從之梁父艱側身東望涕沾翰美人贈我金錯刀以報之英瓊瑤路遠莫致倚逍遙何為懷憂心煩勞

我所思兮在桂林欲往從之湘水深側身南望

涕沾襟美人贈我金琅玕何以報之雙玉盤路
遠莫致倚惆悵何爲懷憂心煩傷
我所思兮在漢陽欲往從之隴阪長側身西望
涕沾裳美人贈我貂襜褕何以報之明月珠路
遠莫致倚踟躕何爲懷憂心煩紆
我所思兮在鴈門欲往從之雪雰雰側身北望
涕沾巾美人贈我錦繡段何以報之青玉案路
遠莫致倚增歎何爲懷憂心煩惋

燕歌行

魏文帝

秋風蕭瑟天氣涼草木搖落露爲霜群燕辭歸
鴈南翔念君客遊多思腸慊慊思歸戀故鄉君
何淹留寄他方賤妾竢竢守空房憂來思君不
敢忘不覺淚下沾衣裳援琴鳴絃發清商短歌
微吟不能長明月皎皎照我牀星漢西流夜未
央牽牛織女遙相望爾獨何辜限河梁

正始下

燕歌行

見玉臺新詠

庾信

代北雲氣晝夜昏千里飛蓬無復根寒鴈嗷嗷

原本嚶嚶渡遼水桑葉紛紛落薊門晉陽山頭無箭
竹疎勒城中乏水源屬國征戍久離居陽關音
信舊來疎願得魯連飛一箭持寄思歸燕將書
渡遼本自有將軍寒風蕭蕭生水文妾驚甘泉
足烽火君訝漁陽少陣雲自從將軍出細柳蕩
子空牀難獨守盤龍明鏡餉秦嘉辟惡生香寄
韓壽春分燕來能幾日二月蠶眠不復食洛陽
游絲百尺連黃河春冰千片窠桃花顏色好如
馬榆莢輕盈原本新開巧似錢蒲桃一杯千日醉無

事龍虎一本九轉學神仙定取金丹作幾服能令華
表得長年

從軍行 見玉臺新詠 盧思道

朔方烽火照甘泉長安飛將出祁連犀渠玉劍
良家子白馬金羈俠少年谷中石虎經嘶箭山
上金人曾祭天平明鷹行原本掩月屯右地薄暮魚
麗逐左賢天涯一去無窮已薊門迢遞三千里
朝看馬嶺黃沙合夕見龍庭黑雲起庭中奇樹
已堪攀塞外征人殊未還雪花初落天山外煙

塵直向五原間關山萬里不可越誰能坐對芳
菲月流水本自斷人腸堅冰舊來傷馬骨邊庭
節物與華異冬霰秋霜春不歇長風蕭蕭渡水
來歸鴈翩翩映天沒從軍行軍行萬里出龍庭
單于渭橋今已拜將軍何處覓功名

秋夜長

王勃

秋夜長殊未央月明白露澄清光層城綺閣遙
相望川無梁北風受節南鴈翔崇蘭委質時菊
芳鳴環曳履出長廊為君秋夜擣衣裳織羅對

鳳凰文綺雙鴛鴦調砧亂杵思悲傷征夫萬里
戍他鄉鶴關音信斷龍門道路長君在天一方
寒衣徒自香

滕王閣

滕王高閣臨江渚珮玉鳴鑾罷歌舞畫棟朝飛
南浦雲朱簾暮捲西山雨閑雲潭影日悠悠物
換星移度幾秋閣中帝子今何在檻外長江空
自流

採蓮曲

採蓮歸綠水芙蓉衣秋風起浪鳧飛桂棹蘭
橈下長浦羅裙玉腕輕搖櫓葉嶼花潭極望平
江謳越吹相思苦相思苦佳期不可駐塞外征
夫猶未還江南採蓮今已暮今已暮採蓮花渠
今那必盡娼家官道城南把桑葉何如江上採
蓮花蓮花復蓮花花葉何稠疊葉翠本羞眉花
紅強似頰佳人不在茲悵望別離時牽花憐共
蒂拆藕愛連絲故情無處所新葉徒華滋不惜
西津蛟珮解還嗟北海鴈書遲採蓮歌有節採
蓮夜未歇正逢浩蕩江上風又值徘徊江上月
徘徊蓮浦夜却逢吳姬越女何丰茸試問寒江
千里外征客關山路幾重

臨高臺

臨高臺臨高臺遙遙絕浮埃瑤軒綺構何崔嵬
鸞歌鳳吹清且哀俯瞰長安道萋萋御溝草斜
對甘泉路蒼蒼茂陵樹高臺四望同佳氣鬱葱
葱紫閣丹樓紛照耀璧房錦殿相玲瓏東迷長
樂觀西指未央宮赤城映朝日綠樹搖春風旗

亭百隊開新市甲第千甍分戚里朱輪翠蓋不
勝春疊榭層楹相對起復有青樓大道中繡戶
文牕雕綺櫳錦衣夜原本不不襲羅帷畫原本未
空歌屏朝揜翠粧鏡晚窺紅為君安寶髻蛾眉
簇原本花蓼狹路紅塵黯將暮雲間月色明如
素鴛鴦池上兩兩飛鳳凰樓上雙雙度物色正
如此佳期那不顧銀鞍繡轂盛繁華可憐今夜
宿娼家娼家少婦不須盪東園桃李片時春君
看舊日高臺處相采銅雀生黃塵

長安古意

盧照隣

長安大道連狹斜青牛白馬七香車玉輦縱橫
過主第金鞍絡繹伺侍不龍銜寶蓋承朝日鳳
吐流蘇帶晚雲百丈游絲爭繞樹一群嬌鳥共
啼花啼花戲蝶千頭側碧樹銀臺萬種色複道
交馳作歡雙調連費垂鳳翼梁家畫閣天中
起漢帝之臺雲外直樓前相望不相知陌上相
逢正相識借問吹簫向此有卿曾經學舞度芳年
得成比目何辭死願作鴛鴦不羨仙比目鴛鴦

眞可羨雙去雙來君不見生憎張額繡孤鸞好
一河廉帖雙燕雙燕雙飛繞畫梁羅幃翠被鬱
金香片片行雲着蟬髮纖纖初月上鴉黃鴉黃
粉白車中出含嬌含態情非一妖童寶馬鐵連
錢娼婦盤龍金屈膝御史府中烏夜啼廷尉門
前雀欲棲隱隱朱城臨王道遙遙翠幃沒金堤
挾彈飛鷹杜陵北探丸借客渭橋西俱邀俠客
芙蓉劍共宿娼家桃李蹊娼家日暮紫羅裙清
轉口氤氳北堂夜夜人如月南陌朝朝騎

似雲南陌北堂連北里五劇三條控三市弱柳
青槐拂地垂佳氣紅塵暗天起漢代金吾千騎
來翡翠屠蘇鸚鵡杯羅襦寶帶爲君解燕歌趙
舞爲君開別有豪華稱將相轉日回天不相讓
意氣由來排灌夫專權判不容蕭相專權意氣
本豪雄青虬紫燕坐生風自言歌舞長千載自
謂驕奢凌五公節物風光不相待桑田碧海須
臾改昔時金階白玉堂即今惟見青松在寂寂
寥寥楊子居年年歲歲一床書獨有南山桂花

發飛來飛去襲人裾

行路難

駱賓王

君不見玉關塵色暗邊庭
銅鞮雜虜寇長城
天子按劍徵餘勇
將軍受脰事橫行
七德龍韜開玉帳
千里鼉鼓疊金鉦
陰山苦霧埋高壘
交河孤月照連營
連營去去無窮極
擁旆鳴騶過絕國
陣雲朝結晦天山
寒沙夕漲迷疎勒
龍鱗水上開魚貫
馬首山前振鷗翼
長驅萬里警祁連
分麾三命武功宣
百發烏號遙碎柳
七尺龍文

迥照蓮春來秋去移灰
瑄蘭閨柳市芳塵斷
鴈門迢遞尺書稀
鴛被相思雙帶緩
行路難
誓令氛祲靜
臯蘭但使封侯龍
頌貴詎隨中婦鳳樓寒

帝京篇

山河千里國城闕九重門
不覩皇居壯安知天子
尊皇居帝里峻函谷鶉野
龍山侯甸服五緯連影集
星躔八水分流橫地軸
秦塞重關一百二漢家離宮
三十六桂殿陰岑對玉樓
琳房窈

窈連金屋三條九陌麗城隈萬戶千門平旦開
複道斜通鳩鵲觀交衢直指鳳凰臺劍履南宮
入簪纓北闕來聲名冠寰宇文物象昭回鈞陳
肅蘭彫璧沼浮槐市銅羽應風迴金莖承露起
校文天祿閣習戰昆明水朱邱抗平臺黃扉通
戚里平臺七里帶崇墉炊金饌玉待鳴鐘小堂
綺帳三千戶大道青樓十二重寶蓋雕鞍金絡
馬蘭牕繡柱玉盤龍繡柱璇題粉壁映鐔金鳴
玉王侯盛王侯貴人多近臣朝遊北里暮南隣

陸賈分金將燕客陳遵投轄正留賓趙李經過
密蕭朱交結親丹鳳朱城白日暮青牛紺幘紅
塵度俠客朱彈垂楊道娼婦銀鈎采桑路娼家
桃李自芳菲京華遊俠事輕肥延年女弟雙鳳
入羅敷使君千騎歸同心結縷帶連理織成衣
春朝桂尊尊百味秋夜蘭燈燈九微翠幌珠簾
不獨映清歌寶瑟自相依且論三萬六千是寧
知四十九年非古來名利若浮雲人生倚伏信
難分始見田竇相移奪俄聞衛霍有功勳未厭

金陵氣先開石柳文朱門無復張公子灞亭誰
畏李將軍相顧百齡皆有待居然萬化咸應改
桂枝芳氣已銷亡栢梁高宴今何在春去春來
若自馳爭名爭利徒爾爲久留郎署終難遇空
鎖相門誰見知當時一旦擅豪華自言千載長
驕奢倏忽搏風生羽翼須臾失浪委泥沙黃雀
徒巢桂青門遂種瓜黃金銷鑠素絲變一貴一
賤交情見紅顏宿昔白頭新脫粟布衣輕故人
故人有湮淪新知無意氣灰死韓安國羅傷翟

廷尉已矣哉歸去來馬卿辭蜀多文藻楊雄仕
漢乏良媒三冬自矜誠足用十年不調幾遭廻
汲黯薪逾積孫弘閣未開誰惜長沙傳獨負洛
陽才

代悲白頭翁

劉廷芝

洛陽城東桃李花飛來飛去落誰家洛陽女兒
惜顏色行逢落花長嘆息今年花落顏色改明
年花開復誰在已見松栢摧爲薪更聞桑田變
成海古人無復洛城東今人還對落花風年年

歲歲花相似歲歲年年人不同寄言全盛紅顏
子應憐半死白頭翁此翁白頭真可憐伊昔紅
顏美少年公子王孫芳樹下清歌妙舞落花前
光祿池臺開錦繡將軍樓閣畫神仙一朝臥病
無相識三春行樂在誰邊宛轉蛾眉能幾時須
臾鶴髮亂如絲但看古來歌舞地惟有黃昏鳥
雀悲

汾陰行

李嶠

君不見昔日西京全盛時汾陰后土親祭祠齋

宮宿寢設厨供撞鍾鳴鼓樹羽旂漢家四葉才
且雄賓筵萬靈服九戎柏梁賦詩高宴罷詔書
法駕幸河東河東太守親埽除奉迎至尊導鑾
輿五營將校列容衛三河縱觀空里閭回旌駐
蹕降靈場焚香奠醑邀百祥金鼎發食正焜煌
靈祇煒燁攄景光埋玉陳牲禮神畢舉麾上馬
乘輿出彼汾之曲嘉可遊木蘭為楫桂為舟棹
歌微吟綵鷁浮簫鼓哀鳴白雲秋歡娛宴洽賜
群后家家復除戶牛酒聲名動天樂無有千秋

萬歲南山壽自從天子向秦關玉輦金輿不復
還珠簾羽帳長寂寞鼎湖龍髯安可攀千齡人
事一朝空四海為家此路窮雄豪意氣今何在
壇場宮館盡蒿蓬路逢故老長嘆息世事回還
不可測昔時青樓對歌舞今日黃埃聚荆棘山
川滿目淚沾衣富貴榮華能幾時不見只今汾
水上唯有年年秋鷹飛

古劍篇

郭振

君不見昆吾鐵冶飛炎烟紅光紫氣俱赫然良

工鍛鍊凡幾年鑄得寶劍名龍泉龍泉顏色如
霜雪見者咨嗟嘆奇絕琉璃玉匣吐蓮花錯鏤
金環暈明月正逢天下無風塵幸得周防君子
身精光黯黯青蛇色文章片片綠龜鱗非直結
交遊俠子亦曾親近英雄人何言中路遭棄捐
零落飄淪古獄邊雖復沉埋無所用猶能夜夜
氣衝天

龍門應制

宋之問

宿雨霽氛埃流雲度城闕河堤柳新翠苑樹花

先發洛陽花柳此時濃山水樓臺映幾重群公
拂霧朝翔鳳天子乘春幸鑿龍鑿龍近出王城
外羽從淋漓擁軒蓋仙蹕纔臨御水橋天衣已
入香山會山壁嶄巖斷復連清流澄澈俯伊川
塔影遙遙綠波上星龕奕奕翠微邊層巒舊長
千尋木遠壑初飛萬丈泉綵仗紅旌遶香閣下
輦登高望河洛東城宮闕擬昭回南陌溝塍殊
綺錯林下天香七寶臺山中御酒萬年杯微風
一起祥花落仙樂初鳴瑞鳥來鳥來花落紛無

已稱觴獻壽香霞裏歌舞淹留景欲斜石間猶
駐五雲車鳥旗翼翼留芳草龍騎駸駸映落花
千乘萬騎鑾輿出水靜山空巖警蹕郊外喧喧
引看人傾都南望屬車塵囂聲引颺聞黃道王
氣周回入紫宸先王定鼎山河固寶命乘周萬
物新吾君不事瑤池樂時雨來觀農扈春

燕歌行

見國秀集

屈同仙

君不見漁陽八月塞草腓征人相對併思歸雲
和朔氣連天黑蓬雜驚沙散野飛是時天地陰

三言學正
五樂堂
靄遍瀚海龍城皆血戰兩軍鼓角暗相聞四面
旌旗看不見昭君遠嫁已年多戎狄無厭尚不
和漢兵候月秋防塞胡騎乘冰夜渡河河塞東
西萬餘里地與京華不相似燕支山下少春輝
黃沙磧裏無流水金戈玉劍十年征紅粉青樓
多怨情厭得殊鄉久離別秋來但聽擣衣聲

正音上

烏夜啼

李白

黃雲城邊烏夜啼歸飛啞啞枝上棲機中織錦

秦川女碧紗如烟隔牕語停梭悵然憶遠人獨
宿孤房淚如雨

烏棲曲

姑蘇臺上烏棲時吳王宮裏醉西施吳歌楚舞
歡未畢青山猶銜半邊日銀箭金壺漏水多起
看秋月墜江波東方漸高柰樂何

北風行

燭龍棲寒門光耀平旦開日月照之何不及此
唯有北風怒號天上來燕山雪花大如掌片片

吹落軒轅臺幽州思婦十二月停歌罷笑雙蛾
摧倚門望行人念君長城苦寒良可哀別時提
劍救邊去遺此虎紋金鞞鞍中有一雙白羽箭
蜘蛛結網生塵埃箭空在人今戰死不復迴不
忍見此物焚之已成灰黃河捧土尚可塞北風
吹雪恨難裁

侍從宜春苑奉詔賦龍池柳色初青聽新
鶯百轉歌

東風已綠瀛洲草紫殿紅樓覺春好池南柳色

半青青縈煙裊娜拂綺城垂絲百尺挂雕楹上
有好鳥相和鳴間關早得春風情春風卷入碧
雲去千門萬戶皆春聲是時君王在鎬京五雲
乘輝耀紫清仗出金宮隨日轉天回王輦繞花
行始向蓬萊看舞鶴還過蒞石聽新鶯新鶯飛
繞上林苑願入簫韶雜鳳笙

遠別離

遠別離古有皇英之二女乃在洞庭之南瀟湘
之浦海水直下萬里深誰人不言此離苦日慘

慘兮雲冥冥猩猩啼煙兮鬼嘯雨我縱言之將
何補皇穹竊恐不照余之忠誠雲憑憑兮欲吼
怒堯舜當之亦禪禹君失臣兮龍爲魚權歸臣兮鼠變
虎或言堯幽囚舜野死九疑聯綿皆相似重腫
孤墳竟何是帝子泣兮綠雲間隨風波兮去無
還慟哭兮遠望見蒼梧之深山蒼梧山崩湘水
絕竹上之淚乃可滅

蜀道難

噫吁噓危乎高哉蜀道之難難於上青天蠶叢

及魚鳧開國何茫然爾來四萬八千歲不與秦
塞通人煙西當太白有鳥道可以橫截峩眉顛
地崩山摧壯士死然後天梯石棧相勾連上有
六龍回日之高標下有衝波逆折之回川黃鶴
之飛尚不能過猿猱欲度愁攀援青泥何盤盤
十步九折營巖巒捫參歷井仰脅息以手撫膺
坐長嘆問君西遊何時還畏途巉巖不可攀但
見悲鳥號古木雄飛呼雌繞林間又聞子規啼
夜月愁空山蜀道之難難於上青天使人聽此

洞朱顏連峰去天不盈尺枯松倒挂倚絕壁飛
湍瀑流爭喧豗砢崖轉石萬壑雷其險也如此
嗟爾遠道之人胡爲乎來哉劒閣崢嶸而崔嵬
一夫當關萬夫萬開所守或匪親化爲狼與豺
朝避猛虎夕避長蛇磨牙吮血殺人如麻錦城
雖云樂不如早還家蜀道之難難於上青天側
身西望長咨嗟

廬山謠

我本楚狂人鳳歌笑孔丘手持綠玉杖朝別黃
鶴樓五嶽尋仙不辭遠一生好入名山遊

廬山秀出南斗傍屏風九疊雲錦張影落明湖
青黛光金闕前開二峰長銀河倒挂三石梁香
爐瀑布遙相望迴崖疊嶂凌蒼蒼翠影紅霞映
朝日鳥飛不到吳天長登高壯觀天地間大江
茫茫去不還黃雲萬里動風色白波九道流雪
山好爲廬山謠興因廬山發閑窺石鏡清我心
謝公行處蒼苔沒早服還丹無世情琴心三疊
道初成遙見仙人彩雲裏手把芙蓉朝玉京先
期汗漫九垓上願接盧敖遊太清

梁園吟

我浮黃雲去京闕挂席欲進波連山天長水濶
厭遠涉訪古始及平臺間平臺為客憂思多對
酒遂作梁園歌却憶蓬池阮公詠因吟綠水揚
洪波洪波浩蕩迷舊國路遠西歸安可得人生
達命豈暇愁且飲美酒登高樓平頭奴子搖大
扇五月不熱疑清秋玉盤楊梅為君設吳鹽如
花皎白雪持鹽把酒但飲之莫學夷齊事高潔
昔人豪貴信陵君今人耕種信陵墳荒城虛照

碧山月古木盡入蒼梧雲梁王宮闕今安在枚
馬先歸不相待舞影歌聲散綠池空餘汴水流
東海沉吟此事淚滿衣黃金買醉未能歸連呼
五白行六博分曹賭酒酣馳暉歌且謔意方遠
東山高卧肯起來欲濟蒼生未應晚

扶風豪士歌

洛陽三月飛胡沙洛陽城中人怨嗟天津流水
波赤血白骨相撐如亂麻我亦東奔向吳國浮
雲四塞道路賒東方日出啼早鴉城門大開掃

落花梧桐楊柳拂金井來醉扶風豪士家扶風
豪士天下奇意氣相傾山可移作人不倚將軍
勢飲酒豈顧尚書期雕盤綺食會衆客吳歌趙
舞香風吹原嘗春陵六國時開心寫意君所知
堂中各有三千士明日報恩知是誰撫長劔一
揚眉清水白石何離離脫吾帽向君笑飲君酒
爲君吟張良未逐赤松去橋邊黃石知我心

夢遊天姥吟留別

海客談瀛洲烟濤微茫信難求越人語天姥雲

霓明滅或可覩天姥連天向天橫勢拔五嶽掄
赤城天台四萬八千丈對此欲倒東西傾我欲
因之夢吳越一夜飛度鏡湖月湖月照我影送
我至剡溪謝公宿處今尚在綠水蕩漾清猿啼
脚着謝公屐身登青雲梯半壁見海日空中聞
天雞千巖萬轉路不定迷花倚石忽已暝熊咆
龍吟殷巖泉慄深林兮驚層巔雲青青兮欲雨
水澹澹兮生烟列缺霹靂丘巒崩摧洞天石扇
訇然中開青冥浩蕩不見底日月照曜金銀臺

霓爲衣兮風爲馬雲之君兮紛紛而來下虎鼓
瑟兮鸞回車仙之人兮列如麻忽魂悸以魄動
恍驚起而長嗟惟覺時之枕席失向來之烟霞
世間行樂亦如此古來萬事東流水別君去兮
何時還且放白鹿青崖間須行即騎訪名山安
能摧眉折腰事權貴使我不得開心顏

代閨人荅輕薄少年

崔顥

妾家近隔鳳凰池粉壁紗牕楊柳垂本期漢代
金吾壻誤嫁長安游俠兒兒家夫壻多輕薄借

客探九重然諾平明挾彈入新豐日晚揮鞭出
長樂青絲白馬冶遊園能使行人駐馬看自矜
陌上繁華盛不念閨中花鳥闌花間陌上春將
晚走馬鬪雞猶未返三時出望無消息一去那
知行近遠桃李花開覆井欄朱樓落日捲簾看
愁來欲奏相思曲抱得秦箏不忍彈

行路難

君不見建章宮裏金明枝萬萬長條拂地垂二
月三月花如霰九重深幽君不見艷彩朝含四

寶宮香風吹入朝雲殿漢家宮女春未闌愛此
芳菲朝暮看來看去看心不忘攀折將安鏡臺
上雙雙素手剪不成兩兩紅粧笑相向建章昨
夜起春風一花飛入長信宮長信麗人見花泣
憶此珍樹何嗟及我昔初在昭陽時朝攀暮折
登玉墀只言歲歲長相對不悟今朝遙相思

渭城少年行

洛陽二月梨花飛秦地行人初憶歸揚鞭走馬
城南陌朝逢驛使秦川客驛使前日發章臺傳

道長安春早來棠梨宮中燕初至蒲萄館裏花
正開念此使人歸更早三月便達長安道長安
道上春可憐搖風蕩日曲江邊萬戶樓臺臨渭
水五陵花柳滿秦川秦川寒食盛繁華遊客春
來不到家鬪雞下社塵初合走馬章臺日未斜
章臺帝城稱貴里青樓日晚歌鍾起貴里豪家
白馬驕五陵年少不相饒雙雙挾彈來金市兩
兩鳴鞭上渭橋渭城壚頭酒初熟金鞍白馬誰
家宿可憐錦瑟爭琵琶玉壺清酒就君家小婦

春來不解羞嬌歌一曲楊柳花

正音中

送郝判官

見唐音

李頎

楚城木葉落夏口青山轉鴻鴈向南時君乘使
者傳楓林帶水驛夜火明山縣千里送行人蔡
州如眼見江連清漢東逶迤遙望荆雲相蔽虧
若問襄陽舊風俗為余騎馬習家池

送劉十

三十不官亦不娶時人焉識道高下房中惟有

老氏經櫪上空餘少游馬往來嵩華與函秦放
歌一曲前山春西林獨鶴引閑步南澗飛泉清
角巾前年上書不得意歸臥東山兀然醉諸兄
相繼掌青史第五之名齊驃騎烹葵摘果告我
行落日夏雲縱復橫聞道謝安掩口笑知君不
免為蒼生

送陳章甫

四月南風大麥黃棗花未落桐葉長青山朝別
暮還見嘶馬出門思舊鄉陳侯立身何坦蕩虬

鬚虎眉仍大，穎腹中貯書一萬卷，不肯低頭在
草莽。東門酤酒飲我曹，心輕萬事如鴻毛。醉臥
不知白日暮，有時空望孤雲高。長河浪頭連天
黑，津吏停舟渡不得。鄭國遊人未及家，洛陽行
子空嘆息。聞道故林相識多，罷官昨日今如何。
放歌行荅從弟異卿

小來好文耻學武，世上功名不解取。雖沾寸祿
已後時，徒欲出身事明主。栢梁賦詩不及宴，長
楸走馬誰相數。斂迹俛首心自甘，高歌擊節聲

半苦。由是蹉跎一老夫，養雞牧豕東城隅。空歌
漢代蕭相國，肯事霍家馮。子都徒爾當年聲，籍
籍濫作詞林兩京客。故人斗酒安陵橋，黃鳥春
風洛陽陌。吾家令弟才不羈，五言破的人共推。
興來逸氣如濤湧，千里長江歸海時。別離短景
何蕭索，佳句相思能間作。舉頭遙望魯陽山，木
葉紛紛向人落。

聽董大彈胡笳兼語弄寄房給事

蔡女昔造胡笳聲，一彈一十有八拍。胡人落淚

沾邊草漢使斷腸對歸客古戍蒼茫烽火寒大
荒陰沉飛雪白先拂商絃後角羽四郊秋葉驚
撼撼董夫子通神明深松竊聽來妖精言遲更
速皆應手將往復旋如有情空山百鳥散還合
萬里浮雲陰且晴嘶酸雛鷹失群夜斷絕胡兒
戀母聲川爲淨其波鳥亦罷其鳴烏珠部落家
鄉遠邏娑沙塵哀怨生幽音變調忽飄灑長風
吹林雨墮瓦迸泉颯颯飛木末野鹿呦呦走堂
下長安城連東掖垣鳳凰池對青瑣門高才脫

略名與利日夕望君抱琴至

邯鄲少年行

高適

邯鄲城頭游俠子自矜生長邯鄲裏千場縱博
家仍富幾處報讐身不死宅中歌笑日紛紛門
外車馬屯如雲未知肝膽向誰是令人却憶平
原君君不見今人交態薄黃金用盡還疎索以
茲感嘆辭舊游更於時事無所求且與少年飲
美酒往來射獵西山頭

賦得還山吟送沈四山人

還山吟天高日暮寒山深送君還山識君心人
生老大須任意山間偃仰無不至石泉淙淙若
風雨松子桂花常滿地賣藥囊中應有錢還山
服食又長年白雲勸盡杯中物明月相隨石上
原本眠眠時憶問醒時事夢魂可以相周旋
何處

燕歌行

漢家煙塵在東北漢將辭家破殘賊男兒本自
重橫行天子非常賜顏色縱金伐鼓下榆關旌
旆逶迤碣石間校尉羽書飛瀚海單于獵火照

狼山山川蕭條極邊土胡騎憑陵雜風雨戰士
軍前半死生美人帳下猶歌舞大漠窮秋塞草
腓孤城落日鬪兵稀身當恩遇常輕敵力盡關
山未解圍鐵衣遠戍辛勤久玉筋應啼別離後
少婦城南欲斷腸征人薊北空回首邊庭飄颻
那可度絕域蒼茫無所有殺氣三時作陣雲寒
聲一夜傳刁斗相看白刃雪紛紛死節從來豈
顧勳君不見沙場征戰苦至今猶憶李將軍

古大梁行

古城莽蒼饒荆棘驅馬荒城愁殺人魏王宮觀
盡禾黍信陵賓客隨灰塵憶昨雄都舊城市軒
車照耀歌鍾起軍容帶甲三十萬國步連營五
千里全盛須臾那可論高臺曲池無復存遺墟
但見狐狸迹古地空餘草木根暮天搖落傷懷
抱撫劍悲歌對秋草俠客猶傳朱亥名行人尚
識夷門道白壁黃金萬戶侯寶刀駿馬填山丘
年代淒涼不可問往來唯見水東流

胡笳歌送顏真卿使赴河隴 岑參

君不聞胡笳聲最悲紫髯綠眼胡人吹吹之一
曲猶未了愁殺樓蘭征戍兒

涼秋八月蕭關道北風吹斷天山草崑崙山南
月欲斜胡兒向月吹胡笳胡笳怨兮將送君秦
山遙望隴山雲邊城夜夜多愁夢向月胡笳誰
喜聞

函谷關歌送劉評事使關西

君不見函谷關崩城毀壁至今在樹根草蔓遮
古道空谷千年長不改寂寞無人空舊山聖朝
無事不須關白馬公孫何處去青牛老人竟不

還蒼苔白骨空滿地月與古時長相似野花不
省見行人山鳥何曾識關吏故人方乘使者車
吾知郭丹却不如請君時憶關外客行到關西
多致書

白雪歌送武判官歸

北風卷地白草折胡天八月即飛雪忽如一夜
春風來千樹萬樹梨花開散入珠簾濕羅幕狐
裘不暖錦衾薄將軍角弓不得控都護鐵衣冷
難着瀚海闌干百丈冰愁雲慘澹萬里凝中軍

置酒飲歸客胡琴琵琶與羌笛紛紛暮雪下轅
門風掣紅旗凍不翻輪臺東門送君去去時雪
滿天山路山迴路轉不見君雪上空留馬行處
青門歌送東臺張判官

青門金鎖平旦開城頭日出使車回青門柳枝
正堪折路傍一日幾人別東出青門路不窮驛
樓官樹灞陵東花撲征衣看似繡雲隨去馬色
凝驄胡姬酒壚日未午絲繩玉缸酒如乳灞頭
落花沒馬蹄昨夜微雨花成泥黃鸝翅濕飛屣

低關東尺書醉懶題須臾望君君不見揚鞭飛
鞚疾於箭借問使乎何時來莫作東飛伯勞西
飛燕

送魏升卿擢第歸東都因懷魏校書陸渾

喬潭

井上梧桐雨滿亭卷秋風故人適戰勝匹馬歸
山東問君今年三十幾能使香名滿人耳君不
見三峰直上五千仞見君文章亦如此如君兄
弟天下稀雄詞健筆皆若飛將軍金印躡紫綬

御史鐵冠重繡衣喬生作尉別來久因君爲問
平安否魏侯校理復何如前日人來不得書陸
渾山水佳可賞蓬閣閑時日應在自料青雲未
有期誰知白髮偏能長壚頭青絲白手別時
相顧如傾搖輿舉袂忽不見千樹萬樹空蟬

與獨孤漸道別長句兼呈嚴八侍御

臺谷舍春草滿潁陽歸客腸堪斷窮荒絕漠
鳥不飛萬積千山夢猶懶憐君白面一書生讀

書千卷未成名五侯貴門脚不到數畝山田身
自畊興來浪迹無遠近及至辭家憶鄉信無事
垂鞭信馬頭西南幾欲窮天盡奉使三年獨未
歸邊頭詞客舊來稀借問君來得幾日到家不
覺換春衣高齋清晝卷羅幕紗帽接羅幃不着
中酒朝眠日色高彈棋夜半燈花落冰片高堆
金錯盤滿堂凜凜五月寒桂林蒲桃新吐蔓武
城刺蜜未可餐軍中置酒夜搥鼓錦筵紅燭月
未午花門將軍善吳歌葉河蕃王能漢語知爾

園林壓渭濱夫人堂上泣羅裙魚龍川北磐溪
雨鳥鼠山西洮水雲臺中嚴君於我厚別後新
詩滿人口自憐棄置天西頭因君為問相思否

補遺

當在燕歌行之後

鷄鳴歌

古辭

東方欲明星爛爛汝南晨鷄登壇喚曲終漏盡
嚴具陳月沒星稀天下旦千門萬戶遞魚鑰宮
中城上飛鳥鵲

晉白紵舞歌

四首

質如輕雲色如銀愛之遺誰贈佳人制以為袍
餘作巾袍以光軀巾拂塵麗服在御會嘉賓醪
醴盈樽美且醇清歌徐舞降祇神四座歡樂胡
可陳

雙袂齊舉鸞鳳翔羅裾飄飄昭儀光趨步生姿
進流芳鳴弦清歌及三陽人生世間如電過樂
時每少苦時多幸及良辰耀春華齊偈獻舞趙
女歌

羲和馳景逝不停春露未晞嚴霜零百草凋索

花落英蟋蟀吟牖寒蟬鳴百年之命忽若傾早
知迅速秉燭行東造扶桑遊紫庭西至崑崙戲
魯城

輕軀徐起何洋洋高舉兩手白鵠翔宛若龍轉
乍低昂凝停善睠容儀光如推若引留且行隨
世而變誠無方舞以盡神安可忘晉世方昌樂
未央

東飛伯勞歌

東飛伯勞西飛燕黃姑織女時相見誰家女兒



對門居開顏發艷照里閭南牕北牖桂月光羅
帷綺帳脂粉香女兒年幾十五六窈窕無雙顏
如玉三春已暮花從風空留可憐誰與同

詩學正宗卷第九目錄

皇明國子監助教東海浦南金纂輯

七言歌行

正音下

短歌行贈王司直

杜甫

哀江頭

樂遊園歌

觀公孫大娘弟子舞劍器行

漢陂行

言學正字卷九目錄
兵車行

隴頭吟

王維

夷門歌

同崔傅荅賢策

送崔五太守

夜歸鹿門歌

孟浩然

觀于舍人壁畫山水

王季友

湖上對酒作

張謂

薔薇

儲光羲

聽笛歌

劉長卿

聽鶯曲

韋應物

附錄詞固雄贍而調失流轉者五篇俾讀者
知此為變體

燕支行

老將行

同張侍御宴北樓

儲光羲

古楮行

杜甫

洗兵馬行

詩

詩學正字卷九目錄

二

正變

望夫石

王建

遠將歸

短歌行

行見月

當牕織

田家行

田家留客

北邙行

涼州詞

溫泉宮行

征婦怨

張籍

送遠曲

古釵歎

北邙行

燕客詞

白頭吟

羈旅行

詩學正宗卷第九

七言歌行

正音下

短歌行贈王郎司直

杜甫

王郎酒酣拔劍斫地歌莫哀我能拔爾抑塞磊
落之奇才豫章翻風白日動鯨魚跋浪滄溟開
且脫劍佩休徘徊西謁原本諸侯棹錦水欲向
何門跋珠履仲宣樓頭春色深青眼高歌望吾
子眼中之人吾老矣

漢陂行

岑參兄弟皆好奇攜我遠來遊漢陂天地黯慘
忽異色波濤萬頃堆琉璃琉璃汗漫汎舟入事
殊興極憂思集鼉作鯨吞不復知惡風白浪何
嗟及主人錦帆相爲開舟子喜甚無氛埃鳧鷖
散亂棹歌發絲管啁啾空翠來沉竿續蔓深莫
測菱葉荷花淨如拭宛在中流渤澥清下歸無
極終南黑半陂已南純浸山影動裊窈冲融間
船舷暝爇雲際寺水靛月出藍田關此時驪龍
亦吐珠馮夷擊鼓群龍趨湘妃漢女出歌舞金
支翠旗光有無咫尺但愁雷雨至蒼茫不曉神
靈意少壯幾時柰老何向來哀樂何其多

哀江頭

少陵野老吞聲哭春日潛行曲江曲江頭宮殿
鎖千門細柳新蒲爲誰綠憶昔霓旌下南苑苑
中萬物生顏色昭陽殿裏第一人同輦隨君侍
君側輦前才人帶弓箭白馬嚼齧黃金勒翻身
向天仰射雲一箭正墜雙飛翼明眸皓齒今何

在血污遊魂歸不得清渭東流劒閣深去住彼
此無消息人生有情淚沾臆江水江花豈終極
黃昏胡騎塵滿城欲往城南忘南一本北城

樂遊園歌

樂遊古園峯森爽烟綿碧草萋萋長公子華筵
勢最高秦川對酒平如掌長生木瓢示真率更
調鞍馬任歡賞青春波浪芙蓉園白日雷霆夾
城仗閭闔晴開映蕩蕩曲江翠幕排銀榜拂水
低垂舞袖翻綠雲清切歌聲上却憶年年人醉

時只今未醉已先悲數莖白髮那拋得百罰深
杯亦不辭聖朝亦知賤士醜一物自荷皇天慈
此身飲罷無歸處獨立蒼茫自咏詩

觀公孫大娘弟子舞劍器行

昔有佳人公孫氏一舞劍器動四方觀者如山
色沮喪天地爲之久低昂燿如羿射九日落矯
如群帝驂龍翔來如雷霆收震怒罷如江海凝
清光絳唇朱袖兩寂寞况有弟子傳芬芳臨穎
美人在白帝妙舞此曲神揚揚與余問荅既有

以感時撫事增惋傷先帝侍女八千人公孫劍
器初第一五十年間似反掌風塵瀕洞昏王室
梨園弟子散如烟女樂餘姿映寒日金粟堆南
木已拱瞿唐石城草蕭瑟玳筵急管曲復終樂
極哀來月東出老夫不知其所往足繭荒山轉
愁疾

兵車行

車鞞馬蕭蕭行人弓箭各在腰爺娘妻子走
相送塵埃不見咸陽橋牽衣頓足攔道哭哭聲

直上千雲霄道傍過者問行人行人但云點行
頻或從十五北防河便至四十西營田去時里
正與累頭歸來頭白還戍邊邊庭流血成海水
武皇開邊意未已君不見漢家山東二百州千
村萬落生荆杞縱有健婦把鋤犁禾生隴畝無
東西况復秦兵耐苦戰被驅不異犬與雞長者
雖有問役夫敢申恨且如今年冬未休關西卒
縣官急索租租稅何從出信知生男惡反是生
女好生女猶得嫁比隣生男埋沒隨百草君不

見青海頭古來白骨無人收
新鬼煩冤舊鬼哭
天陰雨濕聲啾啾

隴頭吟

王維

長城少年游俠客
夜上戍樓看太白
隴頭明月迥臨關
隴上行人夜吹笛
關西老將不勝愁
駐馬聽之雙淚流
身經大小百餘戰
麾下偏裨萬戶侯
蘇武纔爲典屬國
節旄落盡海西頭

夷門歌

七國雄雌猶未分
攻城殺將何紛紛
秦兵益圍

邯鄲急起王不救
平原君公子爲嬴停駟馬
執轡逾恭意逾下
亥爲屠肆鼓刀人
羸乃夷門抱關者
非但慷慨獻奇謀
意氣兼將身命酬
向風刎頭送公子
七十老翁何所求

同崔傅荅賢弟

洛陽才子姑蘇客
杜宛殊非故鄉陌
九江楓樹幾回青
一片揚州五湖白
揚州時有下江兵
蘭陵鎮前吹笛聲
夜火人歸富春郭
秋風鶴唳石頭城
周郎陸弟爲儔侶
對舞前溪歌白紵
曲几

書留小吏家草堂碁賭山陰墅衣冠若話外臺
臣先數夫君席上玳更聞臺閣求三語遙想風
流第一人

送崔五太守

見唐音

長安廐吏來到門朱文露網動行軒黃花縣西
九折坂玉樹宮南五丈原褒斜谷中不容臆惟
有白雲當露冕子午山裏杜鵑啼嘉陵水頭行
客飯劔門忽斷蜀川開萬井雙流滿眼來霧中
遠樹刁州出天際澄江巴字回使君年紀三十

餘少年白晢專城居欲持畫省郎官筆回與臨
邛父老書

夜歸鹿門歌

孟浩然

山寺鳴鐘晝已昏漁梁渡頭爭渡喧人隨沙岸
向江村余亦乘舟歸鹿門鹿門月照開煙樹忽
到龐公棲隱處巖扉松逕長寂寥唯有幽人自
來去

觀于舍人壁畫山水

王季友

野人宿在人家少朝見此山謂山曉半壁仍棲

嶺上雲開簾欲放湖中鳥獨坐長松是阿誰再
三招手起來遲于公大笑向余說小第丹青能
爾爲

湖上對酒作

張謂

夜坐不厭湖上月晝行不厭湖上山眼前一尊
又長滿心中萬事如等閒主人有黍萬餘石濁
醪數斗應不惜卽今相對不盡歡別後相思復
何益茱萸灣頭歸路賒願君且宿黃翁家風光
若此人不醉參差辜負東園花

薔薇

儲光羲

裊裊長數尋青青不作林一莖獨秀當庭心數
枝分作滿庭陰春日遲遲欲將半庭影離離正
堪玩枝上嬌鶯不畏人葉底飛蛾自相亂秦家
女兒愛芳菲畫眉相伴采葳蕤高處紅鬚欲就
手低邊綠刺已牽衣蒲桃架上朝光滿楊柳園
中暝鳥飛連袂踏歌從此去風吹香氣逐人歸

聽笛歌留別鄭協律

劉長卿

舊游憐我長沙謫載酒沙頭送遷客天涯望月

自沾衣江上何人復吹笛橫笛能令孤客愁綠
波淡淡如不流商聲寥亮羽聲苦江天寂歷江
楓秋靜聽關山聞一叫三湘月色悲猿嘯又吹
楊柳激繁音千里春色傷人心隨風飄向何處
落唯見曲盡平湖深明發與君離別後馬上一
聲堪白首

聽鶯曲

韋應物

東方欲曙花冥冥啼鶯相喚亦可聽乍去乍來
時近遠纔聞南陌又東城忽往上林翻下苑綿

綿蠻蠻如有情欲轉不轉意自嬌羌兒弄笛曲
未調前聲後聲不相及秦女學箏指猶澁須臾
風煖朝日曷流音變作百鳥喧誰家懶婦驚殘
夢何處愁人憶故園伯勞飛過聲局促戴勝下
時桑田綠不及流鶯日日啼花間能使萬家春
意闌有時斷續聽不了飛去花枝猶裊裊江頭
碧樹鎖千門春漏方殘一聲曉

附錄詞固雄贍而調失流轉者五篇俾讀者

知此為變體

老將行

王維

少年十五二十時步行奪取胡馬騎射殺陰山
白額虎肯數鄴下黃鬚兒一身轉戰三千里一
劍曾當百萬師漢兵奮迅如霹靂虜騎奔騰畏
疾藜衛青不敗由天幸李廣無功緣數奇自從
棄置便棄初世事蹉跎成白首昔時飛箭無全
目今日垂楊生左肘路傍時賣故侯瓜門前學
種先生柳蒼茫古木連窮巷寥落空山對虛牖
誓令踈勒出飛泉不似潁川空使酒賀蘭山下

陣如雲羽檄交馳日夕聞節使三河募年少詔
書五道出將軍試拂鐵衣如雪色聊持寶劍動
星文願得燕弓射天將耻令越甲驚吳軍莫嫌
舊日雲中守猶堪一戰樹功勳

燕支行

漢家天將才且雄來時謁帝明光宮萬乘親推
雙闕下千官出餞五陵東誓辭甲第金門裏身
作長城玉塞中衛霍纔堪一騎將朝廷不數貳
師功趙魏燕韓多勁卒關西俠少何咆嘽報讎

只是聞嘗膽飲酒何曾妨刮骨畫戟雕戈白日
寒連旗大旆黃塵沒疊鼓遙翻瀚海波鳴笳亂
動天山月麒麟錦帶佩吳鉤颯沓青驪躍紫騮
拔劍已斷天驕臂歸鞍共飲月支頭漢兵大呼
一當百虜騎相看哭且愁教戰須令赴湯火終
知上將先伐謀

同張侍御燕北樓

儲光義

今之太守古諸侯出入雙旌垂七旒朝覽干戈
時聽訟暮延賓客復登樓西山漠漠崦嵫色北

渚沉沉江漢流良宵清淨方高會繡服光輝連
皂蓋魚龍恍惚堦墀下雲霧杳冥牕戶外水靈
慷慨行泣珠游女飄颻思解珮蒼蒼低月半瑤
城落落疎星滿太清不忍開襟悲楚奏願言吹
笛退胡兵軒后青丘埋犊偷周王白羽掃攬槍
期君武節朝龍闕余亦翱翔歸玉京

古栢行

杜甫

孔明廟前有古栢柯如青銅根如石霜皮溜雨
四十圍黛色參天二千尺君臣已與時際會樹

木猶爲人愛惜雲來氣接巫峽長月出寒通雪
山白憶昨路繞錦亭東先主武侯同闕宮崔嵬
枝幹郊原古窈窕丹青戶牖空落落盤踞雖得
地冥冥孤高多烈風扶持自是神明力正直元
因造化功大厦如傾要梁棟萬牛回首丘山重
不露文章世已驚未辭剪伐誰能送苦心豈免
空螻蟻香葉終經宿鸞鳳志士幽人莫然嗟古
來材大艱爲用

洗兵馬行

中興諸將收山東捷書夜報清書同河廣傳聞
一葦過胡兒命在破竹中祗殘鄴城不日得獨
任朔方無限功京師皆騎汗血馬回紇餒肉蒲
萄宮已喜皇威清海岱常思仙仗過崆峒三年
笛裏關山月萬國兵前草木風成王功大心轉
小郭相謀深古來少司徒清鑒懸明鏡尚書氣
與秋天杳二三豪俊爲時出整頓乾坤濟時了
東走無復憶鱸魚南飛各有安巢鳥青春復隨
冠冕入紫禁正耐烟花繞鶴駕通宵鳳輦備雞

鳴問寢龍樓曉攀龍附鳳勢莫當天
下盡化爲侯王汝等豈知蒙帝力
時來不得誇身強關中旣留蕭相
國幙下復用張子房張公一生江
海客身長九尺鬚眉蒼微起適遇
風雲會扶顛始知籌策長青袍白
馬更何有後漢今周喜再昌寸地
尺天皆入貢奇祥異瑞爭來送不
知何國致白環復道諸山得銀甕
隱士休歌紫芝曲詞人解撰清河
頌田家望望惜雨乾布穀處處催
春種淇上健兒歸莫懶城南思婦
愁多夢安得

壯士挽天河淨洗甲兵長不用

正變

望夫石

王建

望夫處江悠悠化爲石不回頭山頭
日日風和雨行人歸來石應語

遠將歸

遠將歸勝未別離時在家相見熟新
歸歡不足去願車轉遲迴思馬蹄速
但願在家相對貧不願天涯金繞身

短歌行

人初生日初出上山遲下山疾百年三萬六千
朝夜裏分明強半日有歌有酒須早爲昨日健
於今日時人家見生男女好不知男女催人老
短歌行無樂聲

行見月

月初生居人見月一月行月行一年十二月強
半馬上看圓缺百年歡樂能幾何在家見少行
見多不緣衣食相驅遣此身誰願長奔波篋中

有帛倉有粟豈向天涯走碌碌家人見月望我
歸正是道上思家時

當牕織

嘆息復嘆息園中有棗行人食貧家女大富家
織翁母隔牆不得力水寒手澁絲脆斷續來續
去心腸爛草蛩促促機下啼兩日催成一匹半
輸官上頭有零落姑未得衣身不着當牕却羨
青樓娼十指不動衣盈箱

田家留客

人客少能留我屋客有新漿馬有粟遠行僮僕
應苦饑新婦厨中炊欲熟不嫌田家破門戶蠶
房新泥無風土行人但飯莫畏貧明府上來何
辛苦叮嚀回語屋中妻有客勿令兒夜啼雙井
直西有縣路我教丁男送君去

田家行

男顏欣欣女顏悅人家不怨言語別五月雖熱
麥風清簷頭索索縲車鳴野蠶作繭人不取葉
間撲撲秋蛾生麥收上場緝在軸的是輸得官
家足不望入口復上身且免向城賣黃犢田家
衣食無厚薄不見縣門身卽樂

北邙行

北邙山頭少閑土盡是洛陽人舊墓舊墓人家
歸葬多堆着黃金無買處天涯悠悠葬日促岡
坂崎嶇不停轂高張素幙繞銘旌夜唱挽歌山
下宿洛陽城北復城東魂車祖馬長相逢車轍
廣若長安路蒿草多於松柏樹山頭澗底石漸
稀盡向墳前作羊虎誰家古碑文字滅後人重

取書年月朝朝車馬送葬回還起大宅與高臺

涼州詞

涼州四邊沙浩浩漢家無人開舊道邊頭州縣
盡胡兵將軍別築防秋城萬里征人皆已沒年
年旌節發西京多來中國收婦女一半生男為
漢語蕃人舊日不耕犁相學如今種禾黍驅羊
亦着錦為衣為惜氊裘防鬪時養蠶綠繭成匹
帛那將繞帳作旌旗城頭山雞鳴角角洛陽家
家教胡樂

溫泉宮行

十月二日天子來青繩御路無塵埃宮前內裏
湯各別每箇白玉芙蓉開朝元門向山上起城
繞青山龍煖水夜開金殿看星河宮女支更月
明裏武皇得仙王母去山雞晝啼宮中樹溫泉
泱泱出宮流宮使年年脩玉樓禁兵去盡無射
獵日西麋鹿登城頭梨園弟子偷曲譜頭白人
間教歌舞

征婦怨

張籍

九月匈奴殺邊將漢軍全沒遼水上萬里無人
收白骨家家城下招魂葬婦人依倚子與夫同
居貧賤心亦舒夫死戰場子在腹妾身雖存如
晝燭

送遠曲

戲馬臺南山簇簇山邊飲酒歌別曲行人醉後
起登車席上回尊勸僮僕青天漫漫覆長路遠
遊無不安得住君到處自題名他日知君從
去

古釵嘆

古釵墮井無顏色百尺泥中今復得鳳凰宛轉
有古儀欲爲首飾不稱時女伴傳看不知主羅
袖拂拭生光輝蘭膏已盡股半折雕文刻樣無
年月雖離井底入匣中不用還與墮時同

讌客辭

上客不用顧金羈主人有酒君莫違請君看取
園中花地上漸多枝上稀山頭樹影不見石溪
水無風應更碧人人齊醉起舞時不覺翻衣與

倒幘明朝花盡人已去此地獨來空繞樹

北邙行

洛陽北門北邙道喪車鱗鱗入秋草車前齊唱
薤露歌高墳新起白峨峨朝朝暮暮人送葬洛
陽城中人更多千金立碑高百尺終作誰家柱
下石山頭松栢半無主地下白骨多於土寒食
家家送紙錢烏鳶作窠噉上樹人居朝市未解
愁請君暫向北邙遊

白頭吟

請君膝上琴彈我白頭吟憶昔君前嬌笑語兩
情宛轉如縈素宮中爲我起高樓更開花池種
芳樹春天百草秋始衰棄我不待白頭時羅襦
玉珥色未暗今朝已道不相宜揚州奇錦作明
鏡暗中持照不見影人心迴互自無常眼前好
惡那能定君恩已去若再返菖蒲花開月長滿

羈旅行

遠客出門行路難停車斂策在門端荒城無人
霜滿路野火燒橋不得度寒蟲入窟鳥歸窠僅

僕問我誰家去行尋田頭暗未息雙轂長轅礙
荆棘緣岡入澗投田家主人舂米爲夜食晨雞
喔喔茆屋傍行人起埽車上霜舊山已別行已
遠身計未成難復返長安陌上相識稀遙望天
門白日晚誰能聽我辛苦行爲向君前歌一聲

詩學正宗卷第十目錄

皇明國子監助教東海浦南金纂輯

五言排律


論曰康樂宣城世濟厥美。俳章偶句咸矣。古風
填括音節漸成律體。蓋緣情綺靡之習勝而溫
柔敦厚之意荒矣。論其體裁則景雲垂拱之先
驅。開元天寶之濫觴爾。詩之變也。固有漸哉。

正始上

登池上樓

謝靈運

此篇字以此
方不誤用



石壁精舍還湖中

登石門最高頂

田南樹園激流植援

石門新營所住四面高山迴溪茂林脩竹

游西池

謝琨

擣衣

謝惠連

鼓吹曲

謝朓

和徐都曹

遊東田

之宣城出新林浦向板橋

酬王晉安

郡內高齋閒坐荅呂法曹

晚登三山還望京邑

直中書省

觀朝雨

郡內登望

在郡臥病呈沈尚書

夜發新林至京邑贈西府僚友

詠湖中鴈

沈約

和王中丞思遠詠月

直學省愁病

休上人

江淹

正始下

長門怨

柳惲

昔昔鹽

薛道衡

出塞

虞世南

結客少年場行

述懷

魏徵

中書省寓直詠雨

楊師道

三月曲水宴

盧照隣

夜渡吳淞江懷古

宋之問

宿白鷺洲寄楊江寧

李白

月夜江行寄崔員外宗之

夕霽杜陵登樓寄韋繇

西山尋辛諤

孟浩然

送史司馬赴崔相公墓

無名氏

補遺 當在長門怨之後

寄京邑故人

孫萬壽

詩學正宗卷第十

五言排律

正始上

登池上樓

謝靈運

潛虬媚幽姿飛鴻逝

原本

遠音薄霄愧雲浮棲

川乍淵沈進德智所拙退耕力不任徇祿反窮

海臥痾對空林

衾枕昧節候褰開暫窺臨此二句依李善本節去

傾耳

聆波瀾舉目眺嶇嶸初景革緒風新陽改故陰

池塘生春草園柳變鳴禽祁祁傷函歌萋萋感

楚吟索居易永久離羣難處心持操豈獨古無
悶徵在今

石壁精舍湖中

昏旦變氣候山水含清暉清暉能娛人游子澹
忘歸出谷日尚早入舟陽已微林壑斂暝色雲
霞收夕霏芰荷迭映蔚蒲稗相因依披拂趨南
徑愉悅偃東扉慮淡物自輕意愜理無違寄言
攝生客試用此道推

登石門最高頂

晨策尋絕壁夕息在山棲疏峰抗高館對嶺臨
迴溪長林羅戶庭積石擁基階連巖覺路塞密
竹使徑迷來人忘新術去子惑故蹊活活夕流
駛噉噉夜猿啼沈冥豈別理守道自不攜心契
九秋幹目翫三春萋居常以待終處順故安排
惜無同懷客共登青雲梯

田南樹園激流植援

樵隱俱在山由來事不同不同非一事養病在
園中園中屏氛雜清曠招遠風卜室倚北阜啓

扉面南江激澗代汲井插槿當列墉群木旣羅
戶衆山亦當牕靡迤趨下田迢遍瞰高峰寡欲
不期勞卽事罕人功唯開蔣生徑永懷求羊蹤
賞心不可忘妙善冀能同

石門新營所住四面高山廻溪石瀨茂林

脩竹

躋險築幽居披雲臥石門苔滑誰能步葛弱豈
可捫嫋嫋秋風過萋萋春草繁美人遊不還佳
期何由敦芳塵凝瑤席清醕滿金尊洞庭空波

瀾桂枝徒攀翻結念屬霄漢孤景莫與諉俯濯

石下漚

一本潭

仰看條上猿早聞夕飈急晚見朝

日瞰崖傾光難留林深響易奔感徃慮有復理
來情無存庶持乘日用得以慰營魂匪爲衆人
說冀與智者論

遊西池

謝琨

悟彼蟋蟀唱信此勞者歌有來豈不疾良會常
蹉跎逍遙越城肆願言屢經過迴阡被陵闕高
臺眺飛霞惠風蕩繁囿白雲屯層阿景旻鳴禽

集水木湛清華
褰裳順蘭芷
徒倚引芳柯
美人愆歲月
遲暮獨如何
無爲牽所思
南榮戒其多

搗衣

謝惠連

衡紀無淹度
晷運倏如催
白露滋園菊
秋風落庭槐
肅肅莎雞羽
烈烈寒螿啼
夕陰結空幕
宵月皓中閨
美人戒裳服
端飾相招攜
簪玉出北房
鳴金步南階
櫺高砧響發
楹長杵聲哀
微芳起兩袖
輕汗染雙題
紈素旣已成
君子行未歸
裁用笥中刀
縫爲萬里衣
盈篋自余手
幽絨候

君開腰帶准疇昔
不知今是非

鼓吹曲

謝朓

江南佳麗地
金陵帝王州
逶迤帶淥水
迢遞起朱樓
飛甍夾馳道
垂楊蔭御溝
凝笳翼高蓋
疊鼓送華輶
獻納雲臺表
功名良可收

和徐都曹

宛洛佳遊
春色滿皇州
結軫青郊路
迴瞰蒼江流
日華川上動
風光草際浮
桃李成蹊徑
桑榆陰道周
東都已倣載
言歸望綠疇

遊東田

戚戚苦無悰攜手共行樂尋雲陟累榭隨山望
菌閣遠樹曖阡阡生煙紛漠漠魚戲新荷動鳥
散餘花落不對芳春酒還望青山郭

郡內高齋閒坐荅呂法曹

結構何迢遞曠望極高深牕中列遠岫庭際俯
喬林日出衆鳥散山暝孤猿吟已有池上酌復
此風中琴非君美無度孰爲勞寸心惠而能好
我問以瑤華音若遺金門步見就玉山岑

之宣城出新林浦向板橋

江路西南永歸流東北鶩天際識歸舟雲中辨
烟樹旅思倦搖搖孤游昔已屢旣懽懷祿情復
協滄洲趣囂塵自茲隔賞心於我遇雖無玄豹
姿終隱南山霧

在郡臥病呈沈尚書

淮陽股肱守高臥猶在茲况復南山曲何異幽
棲時連陰盛農節筆笠聚東菑高閣常晝掩荒
階少諍辭珍簟清夏室輕扇動涼颺嘉魴聊可

薦綠蟻方獨持夏李沉朱實秋藕折輕絲良辰
竟何許夙昔夢佳期坐嘯徒可積爲邦歲已基
絃歌終莫取撫机令自嗤

夜發新林至京邑贈西府僚友

大江流日夜客心悲未央徒念關山近終知返
路長秋河曙耿耿寒渚夜蒼蒼引領見京室宮
闕正相望金波麗鳩鵲玉繩低建章驅車鼎門
外思見昭丘陽馳暉不可接何況隔兩鄉風雲
有鳥路江漢限無梁常恐鷹隼擊時菊委嚴霜

寄言罽羅者寥廓已高翔

酬王晉安

稍稍枝早勁塗塗露晚晞南中榮橘柚寧知鴻
鴈飛拂露朝青閣日旰坐彫闈悵望殊原本塗
阻參差百慮依春草秋更綠公子未西歸誰能
久京洛緇塵染素衣

晚登三山還望京邑

灞涘望長安河陽視京縣白日麗飛甍參差皆
可見餘霞散成綺澄江靜如練喧鳥覆春洲雜

英滿芳甸去矣方滯淫懷哉罷歡宴佳期悵何
許淚下如流霰有情知望鄉誰能鬢不變

直中書省

紫殿肅陰陰彤庭赫弘敞風動萬年枝日華承
露掌玲瓏結綺錢深沉映朱網紅藥當階翻蒼
苔依砌上茲言翔鳳池鳴珮多清響信美非吾
室中園思偃仰朋情以鬱陶春物方駘蕩安得
凌風翰聊恣山泉賞

觀朝雨

朔風吹飛雨蕭條江上來旣灑百常觀復集九
成臺空濛如薄霧散漫似輕埃平明振衣坐重
門猶未開耳目暫無擾懷古信悠哉戢翼希驥
首乘流畏曝鰓動息無兼遂岐路多徘徊方同
戰勝者去剪北山萊

郡內登望

借問下車日匪直望舒圓寒城一以眺平楚正
蒼然山積陵陽阻溪流春穀泉威紆距遙甸巉
岵帶遠天切切陰風暮桑柘起寒烟悵望心已

極恟怳魂屢遷結髮倦爲旅平生早事邊誰規
鼎食盛寧要狐白鮮方棄汝南諾言稅遼東田
詠湖中鴈
沈約
白水滿春塘旅鴈每迴翔唼流牽弱藻斂翮帶
餘霜群浮動輕浪單汎逐孤光懸飛竟不下亂
起未成行刷羽同搖漾一舉還故鄉

和王中丞思遠詠月

月華臨靜夜夜靜滅氛埃方暉竟戶入圓影隙
中來高樓切思婦西園游上才網軒映珠綴應

門照綠苔洞房殊未曉清光信悠哉

直學省愁臥

秋風吹廣陌蕭瑟入南闈愁人掩軒臥高牕時
動扉虛館清陰滿神宇暖微微網蟲垂戶織夕
鳥傍欄飛纓珮空爲忝江海事多違山中有桂
樹歲暮可言歸

休上人

江淹

西北秋風至楚客心悠哉日暮碧雲合佳人殊
未來露彩方汎豔月華始徘徊寶書爲君掩瑤

琴詎能開相思巫山渚悵望陽雲臺膏爐絕沈
燎綺席生浮埃桂水日千里因之平生懷

正始下

長門怨

柳惲

玉漏夜悄悄應門重且深秋風動桂樹流月搖
輕陰綺簷清露滴網戶思蟲吟歎息下蘭閣含
愁奏雅琴何由鳴曉珮安得抱宵衾無復金屋
念豈照長門心

昔昔鹽

薛道衡

垂柳覆金堤薜蘿葉未齊水溢芙蓉沼花飛桃
李蹊採桑秦氏女織錦竇家妻關山別蕩子風
月守空閨恒歛千金笑長垂雙玉啼盤龍隨鏡
隱彩鳳逐帷低飛魂同夜鵲倦寢憶晨雞暗牖
懸蛛網空梁落燕泥前年過代北今歲往遼西
一去無消息那能惜馬蹄

出塞

虞世南

上將三略遠元戎九命尊緬懷古人節思酬明
主恩山西多勇氣塞北有遊魂楊桴上隴坂勒

騎下平原誓將絕沙漠悠然去玉門輕齎不違
舍驚策駑戎軒凜凜邊風急蕭蕭征馬煩雪暗
天山道冰塞交河源霧鋒黯無色霜旗凍不翻
耿介倚長劍日落風塵昏

結客少年場行

韓魏多奇節個儻遺聲利共矜然諾心各負縱
橫志結交一言重相期千里至綠沉明月弦金
絡浮雲響吹簫入吳都擊筑遊燕肆尋源博望
侯結客遠相求少年重一顧長驅背隴頭談談

霜戟動耿耿劍虹浮天山冬夏雪交河南北
雲起龍沙暗木落鴈門秋輕生徇知己非是爲
身謀

述懷

魏徵

中原還逐鹿投筆事戎軒縱橫計不就慷慨志
猶存策杖謁天子驅馬出關門請纓繫南越憑
軾下東藩鬱紆陟高岫出沒望平原古木吟寒
鳥空山啼夜猿旣傷千里目還驚九折魂豈不
憚艱險深懷國士恩季布無二諾侯嬴重一言

人生感意氣功名誰復論

中書省寓直詠雨簡楮起居上官學士

楊師道

雲暗蒼龍闕沉沉殊未開
牕臨鳳凰沼颯颯雨
聲來電影入飛閣風威凌吹臺
長簷響奔溜清
簾肅浮埃早荷葉消沒新篁枝半摧
茲晨悵多
緒懷友自難裁况復重城內日暮獨徘徊
王皆
良史筆金馬揆天才高薨通散騎復道駕蓬萊
思君贈桃李於此冀瓊瑰

三月曲水宴

盧照隣

風煙彭澤里山水仲長園
由來棄銅墨本自重
琴樽高情邈不嗣雅道今復存
有美光時彥養
德坐山樊門開芳杜逕室距桃花源
公子黃金
勒仙人紫氣軒長懷去城市高詠狎蘭蓀
連沙
飛白鷺孤嶼嘯玄猿日影巖前落雲花江上翻
興闌車馬散林塘夕鳥喧

夜渡吳淞江懷古

宋之問

宿帆震澤口曉渡淞江瀆
權發魚龍氣舟衝鴻

鴈○群○寒○潮○頓○覺○滿○暗○浦○稍○將○分○氣○赤○海○生○日○光○
清○湖○起○雲○水○鄉○盡○天○衛○嘆○息○爲○吳○君○謀○士○伏○劍○
死○至○今○悲○所○聞○

宿白鷺洲寄楊江寧

李白

朝○別○朱○雀○門○暮○棲○白○鷺○洲○波○光○搖○海○月○星○影○入○
城○樓○望○美○金○陵○宰○如○思○瓊○樹○憂○徒○令○魂○入○夢○翻○
覺○夜○成○秋○綠○水○解○人○意○爲○余○西○北○流○因○聲○玉○琴○
裏○蕩○漾○寄○君○愁○

月夜江行寄崔員外宗之

飄○飄○江○風○起○蕭○颯○海○樹○秋○登○艫○美○清○夜○掛○席○移○
輕○舟○月○隨○碧○山○動○水○合○青○天○流○杳○如○星○河○上○但○
覺○雲○林○幽○歸○路○方○浩○浩○徂○川○去○悠○悠○懷○君○不○可○
見○望○遠○增○離○憂○

夕霽杜陵登樓寄韋繇

浮○雲○滅○霽○景○萬○物○生○秋○容○登○樓○送○遠○目○伏○檻○觀○
群○峰○原○野○曠○超○緬○關○河○紛○雜○重○清○輝○映○竹○日○翠○
色○明○雲○松○蹈○海○寄○遐○想○還○山○迷○舊○蹤○徒○然○迫○晚○
暮○未○果○諧○心○胸○結○桂○空○佇○立○折○麻○恨○莫○從○思○君○

達永夜長樂聞疎鐘

西山尋辛諤

孟浩然

漾舟尋水便因訪故人居落日清川裏誰言獨
羨魚石潭窺洞徹沙岸歷紆餘竹嶼見垂鈎茅
齋聞讀書欵言忘景夕清興屬涼初回也一瓢
飲賢哉常晏如

送史司馬赴崔相公幕

無名氏

崢嶸丞相府清切鳳凰池羨爾瑤臺鶴高棲瓊
樹枝歸飛晴日好吟弄惠風吹正有乘軒樂初

自非
乃此

當學舞時珍禽在羅網微命若游絲願托周周
羽相啣漢水湄

補遺 當在長門怨之後

寄京邑故人

孫萬壽

賈誼長沙國屈平湘水濱江南瘴癘地從來多
逐臣粵余非巧宦少小拙謀身欲飛無假翼思
鳴不值晨如何載筆士翻作負戈人飄飄如木
偶棄置同芻狗失路乃西浮非狂亦東走晚歲
出函關方春度京口石城臨獸據天津望牛斗

牛斗盛妖氛，梟獍已成群。郗超初入幕，王粲始
從軍。裹糧楚山際，披甲吳江濱。吳江一浩蕩，楚
山何糾紛。驚波上濺日，喬木下臨雲。繫越恒資
辯，喻蜀幾飛文。魯連唯救患，吾彥不爭勳。羈遊
歲月久，歸思常搔首。非關不樹萱，豈為無杯酒。
數載辭鄉縣，三秋別親友。劣志後風雲，衰髮先
蒲柳。心緒亂如絲，空懷疇昔時。昔時遊帝里，弱
歲逢知己。旅食南館中，飛蓋西園裏。河間本好
書，東平唯愛士。英辯接天人，清言洞名理。鳳池

時寓直麟閣，常遊止勝地。盛賓僚麗景，同携招
舟汎昆明。水駟指謂津，橋袂除臨霸。岸俱帳出
東郊，宜城醞始熟。陽翟曲新調，繞樹烏啼夜。雒
麥雉飛朝，細塵梁下落。長袖掌中嬌，懽娛三樂
至。懷抱百憂銷，夢想猶如昨。尋思久寂寥，一朝
牽世網。萬里逐波潮，迴輪常自轉。懸旆不堪搖，
登高視衿帶。鄉關白雲外，迴首望孤城。愁人益
不平，華亭宵鶴唳。幽谷早鶯鳴，斷絕心難續。悄
恍魂屢驚，群紀通家好。鄒魯故鄉情，若值南飛

詩學正宗卷第十 目錄

皇明國子監助教東海浦南金慕軒

五言排律

正音

西使兼送孟學士南游

盧照隣

和夏日幽庄

晚泊蒲類

駱賓王

宿溫城望軍營

靈隱寺

山懷古

陳子昂

白帝懷古

和陸明府贈將軍重出塞

同韋舍人早朝

沈佺期

酬蘇貞外味玄夏晚寓直省中見贈

奉和幸三會寺應制

宋之問

奉和晦日幸昆明池應制

桂州黃潭舜祠

和姚給事寓直之作

贈蘇味道

杜審言

和蘇貞外寓直

喬知之

春日遊龍門應制

武三思

早度蒲關

玄宗皇帝

奉和幸望春宮送朔方大總管張亶

李乂

奉和聖製途經華嶽

張說

遊洞庭湖

奉和聖製餞王駿巡邊

奉和聖製早度蒲關

張九齡

奉和聖製送尚書燕國公說赴朔方軍

蒲津迎駕

席豫

奉和聖製送張說赴朔方軍

盧從願

秋日登揚州西靈塔

李白

中丞宋公以吳兵赴河南軍次潯陽脫余之囚叅謀幕府因贈之

重經昭陵

杜甫

春日直門下省早朝

王維

送李太守赴上洛

宿香山寺石樓

李頎

贈張均貞外

盧象

贈苗貞外

無名氏

奉和宣城張太守南亭秋夕懷友

錢起

奉和聖製登朝元閣

自道林寺西入石路至麓山寺過法崇師

故居

劉長卿

春日奉獻聖壽無疆詞

楊巨源

附錄長律三篇

有長至一百韻者見杜集

謁先主廟

杜甫

贈韋左相

贈哥舒開府翰

又錄仄韻長律一篇

經廬嶽廻望江州想洛陽作

劉元濟

詩學正宗卷第十

五言排律

正音

西使兼送孟學士南遊

盧照隣

地道巴陵北天山弱水東相看萬餘里共倚一
征篷零雨悲王粲清尊別孔融徘徊聞夜鶴悵
望待秋鴻骨肉胡秦外風塵關塞中唯餘劍鋒
在耿耿氣成虹

和夏日幽庄

聞有高蹤客耿介坐幽庄林壑人事少風烟鳥
路長瀑水含秋氣垂藤引夏涼苗深全覆隴荷
上半侵塘釣渚青鳧沒村田白鷺翔知君振奇
藻還嗣海隅芳

晚泊蒲類

駱賓王

二庭歸望斷萬里客心愁山路猶南屬河源自
北流晚風連朔氣新月照邊秋竈火通軍壁烽
烟上戍樓龍城但苦戰燕頷會封侯莫作蘭山
下空令漢國羞

宿溫城望軍營

北地寒膠折東城夜柝聞兵符關帝闕天策動
將軍塞靜胡笳徹沙明楚練分風旂翻翼影霜
劍轉龍文白羽搖如月青山斷若雲烟踈疑卷
幔塵滅似
銷氛投筆懷班
業臨戎想顧勳惟應雪漢耻持此報明君

靈隱寺

鷲嶺鬱岩堯龍宮鎖寂寥樓觀滄海日門對浙
江湖桂子月中落天香雲外飄捫蘿登塔遠刻
木取泉遙地煖原本
霜薄花更發霜輕葉後原本
互凋

夙齡尚遐異宴坐一本滌煩囂待入天台路看

余度石橋

峴山懷古

陳子昂

秣馬臨荒甸登高覽舊都猶悲墮淚碣尚想臥
龍圖郡邑遙分楚山川半入吳丘陵徒自出賢
聖幾凋枯野樹蒼烟斷津樓晚氣孤誰知萬里
客懷古獨踟蹰

白帝懷古

日落滄江晚停橈問土風城臨巴子國臺沒漢

王宮荒服仍周甸深山尚禹功岩懸青壁斷地
險碧流通古木生雲際歸帆出霧中川途去無
限客思坐何窮

和陸明府贈將軍重出塞

忽聞天上將關塞重橫行始返樓蘭國還向朔
方城黃金裝戰馬白羽集神兵星月開天陣山
川列地營晚風吹畫角春色耀飛旌寧知班定
遠猶是一書生

同韋舍人早朝

沈佺期

閶闔連雲起巖廊拂霧開玉珂龍影度珠履鷹
行來長樂宵鐘盡明光曉奏催一經傳舊德五
字擢英材儼若神仙去紛從霄漢回千春奉休
曆分禁喜趨陪

酬蘇貞外味玄夏晚寓直省中見贈

並命登仙閣通宵直禮闈大官供宿膳侍史護
朝衣卷幔天河入開牕月露微小池殘暑退高
樹早涼歸冠劍無時釋軒車待漏飛明朝題漢
柱三署有光輝

奉和幸三會寺應制

宋之問

六飛迴玉輦雙樹謁金仙瑞鳥呈書字神龍吐
浴泉淨心遙證果睿想獨超禪塔湧香花地山
圍日月天梵音迎漏徹空樂倚雲懸今日登仁
壽長看法鏡圓

奉和晦日幸昆明池應制

春豫靈池會滄波帳殿開舟凌石鯨度槎拂斗
牛迴節晦奠全落春遲擗暗催象溟看浴景燒
劫辨沉灰鎬飲周文樂汾歌漢武才不愁明月

盡自有夜珠來

桂州黃潭舜祠

虞后巡百越相傳葬九疑精靈遊此地祠樹日
光輝禋祭儼群望丹青圖二妃神來獸率舞仙
去鳳還飛日暝山氣落江空潭靄微帝鄉三萬
里乘彼白雲歸

和姚給事寓直之作

清論滿朝陽高才拜夕郎還從避馬路來接珥
貂行寵就黃扉日威生白簡霜栢臺遷鳥茂蘭

署得人芳禁靜鐘初徹秋清原本更疎漏更長曉河
低武庫流火度文昌寓直光輝重乘時藻翰揚
暗投空欲報下調不成章

贈蘇味道

杜審言

北地寒應苦南庭戍不歸邊聲亂羌笛朔氣捲
戎衣雨雪關山暗風霜草木稀胡兵戰欲盡漢
卒山重圍雲淨妖星落秋高塞馬肥據鞍雄劍
動揮筆羽書飛輿駕還京邑朋游滿帝畿預期
來獻凱歌舞共春暉

和蘇貞外寓直

喬知之

自昔重爲郎伊人練國章三旬登建禮五夜直
明光墨草尚書奏衣飄侍御香開軒竹氣靜拂
簾蕙風涼曉漏離闈闔鳴鐘出未央從來宿臺
上天子貴文強

春日遊龍門應制

武三思

鳳駕臨香地龍旂上翠微星宮含雨氣月殿抱
春暉碧磧長虹下雕梁早燕歸雲疑浮寶蓋石
似拂天衣露草侵塔長風花繞座飛日斜宸賞

洽清吹入重闈

早度蒲關

玄宗皇帝

鐘鼓嚴更曙山河野望通鳴鑾下蒲坂飛旆入
秦中地險關逾壯天平鎮尚雄春來津樹合月
落戍樓空馬色分朝景鷄鳴逐曉風所希常道
泰非復候繻同

奉和幸望春宮送朔方大總管張亶

李義

邊郊草具腓河塞有兵機上宰調梅寄元戎細

由義近戈甲為恩輕魚鳥行間列一本絲竹路傍散風
雲馬上生朝廷重吉甫邦國望君平

奉和聖製早度蒲關

張九齡

魏武中流處軒皇問道迴長堤春樹發高掌曙
雲開龍負王舟渡人占仙氣來河津會日月仙
仗役風雷東顧重關盡西馳萬國陪還聞股肱
郡延首咏康哉

奉和聖製送尚書燕國公說赴朔方軍

宗臣事有征廟筭在休兵天與三台座人當萬

里城朔南方偃革河內暫揚旌寵賜從仙禁光
華出漢京山川勤遠畧原隰軫皇情為奏薰琴
倡仍題珪劍名聞風六郡勇計日五戎平山甫
歸應疾留侯功復成歌鍾旋可望枕席豈難行
四牡何時入吾君聽履聲

蒲津迎駕

席豫

回鑿下蒲坂飛旆指秦京雒上黃雲送關中紫
氣迎霞朝看馬色月曉聽雞鳴遠棧原本防拒連山
險長橋壓水平省方知化洽察俗覺時清天下

長無事空餘襟帶名

奉和聖製送張說赴朔方軍 盧從願

上將發文昌中軍靜朔方占星引旌節擇日拜
壇場禮樂臨軒送威聲出塞揚安邊俟帷幄制
勝在巖廊鼓作將軍氣醪投壯士觴戒途遵六
月離贈動三光槐路清梅暑蘅臯起麥涼敷原本
時文仰雄伯耀武鎮遐方衽席知無戰兵戈示
不忘佇聞歌林杜凱入繫名王

秋日登揚州西靈塔

李白

寶塔凌蒼蒼登攀覽四荒頂高元氣合標出海
雲長萬象分空界三天接畫梁水搖金刹影日
動火珠光鳥拂瓊簾度霞連繡拱張目隨征路
斷心逐去帆揚露洗原本楸梧白霜催橘柚黃
玉毫如可見於此照迷方

中丞宋公以吳兵赴河南軍次潯陽脫余
之囚叅謀幕府因贈之

獨坐清天下專征出海隅九江皆渡虎三郡盡
還珠組練明秋浦樓船入郢都風高初選將月

滿欲平胡殺氣橫千里軍聲動九區白猿慙劍
術黃石借兵符藜藿行當採原本戎虜鯨鯢立
可誅自憐非劇孟何以佐良圖

重經昭陵

杜甫

草昧英雄起謳歌曆數歸風塵三尺劍杜稷一
戎衣翼亮貞文德丕承戢武威聖圖天廣大宗
祀日光輝寢廟盤空曲熊羆守翠微再窺松栢
路遙見五雲飛

春日直門下省早朝

王維

騎省直明光鷄鳴謁建章遙聞侍中珮暗識令
公香玉漏隨銅史天書拜夕郎旌旗映闔闔歌
吹滿昭陽官舍梅初紫宮門柳欲黃願將遲日
意同奉原本聖恩長

送李太守赴上洛

商山包楚鄧積翠藹沉沉驛路飛泉灑關門落
照深野花開故壘行客轉原本空林板屋春多
雨山城晝欲陰丹丘通號略白羽抵荆岑若見
西山爽應知黃綺心

宿香山寺石樓

李頎

夜宿翠微半高樓聞暗泉漁舟帶遠火山磬發
孤烟衣拂雲松外門清河漢邊峰巒依枕席世
界接人天靄靄花出霧輝輝星映川東林曙鶯
滿惆悵欲言還

贈張均負外

盧象

公門世業昌才子冠裴王出自平津郎遷為吏
部郎神仙餘氣色列宿動輝光夜直南宮靜朝
趨北禁長時人窺水鏡明主賜衣裳翰苑飛鸚

鷓天池浴鳳凰永欣疇日願未記後時傷去去
圖南遠微才幸不忘

贈苗員外

見崑山顧氏
土中石刻

無名氏

朱戶敞高扉青槐礙落暉八龍承慶重雙虎候
朝歸坐竹人聲絕橫琴鳥語稀花慚潘岳貌年
稱老萊衣葉暗新櫻熟絲長粉蝶飛誰憐魯儒
賤獨與故山違

奉和宣城張太守南城秋夕懷友

錢起

池館蟪蛄聲梧桐夕露晴月臨朱戟靜河近畫
樓明捲幔浮涼入聞鐘永夜清片雲懸曙斗連
鴈過秋城羽扇揚風暇瑤琴悵別情江山飛麗
藻謝朓讓詩名

奉和聖製登朝元閣

六合紆玄覽重軒啓上清石林飛棟出霞頂太
階平拂曙鑾輿上晞陽瑞雪晴翠微回日馭丹
巘駐天行御氣升銀漢垂衣俯玉京山通青苑
直河抱紫關明感物乾文動凝神道化成周王

陟喬岳列辟讓英聲

自道林寺西入石路至麓山寺過法崇師

故居

劉長卿

山僧候谷口石路拂莓苔深入泉源去遙從樹
杪回香隨青靄散鐘出白雲來野雪空齋掩秋
風古殿開桂寒知自發松老問誰栽惆悵湘江
水何人更渡杯

春日奉獻聖壽無疆詞

楊巨源

代是文明日春當燕喜時爐烟添柳重宮漏出

花遲漢典方寬律周官正采詩碧霄傳鳳吹紅
旭在龍旂造化膺神器陽和沃聖慈無因隨百
獸率舞在彤墀

附錄

謁先主廟

杜甫

慘澹風雲會乘時各有人力侔分社稷志屈偃
經綸復漢留長策中原仗老臣雜耕心未已嘔
血事酸辛霸氣西南歇雄圖曆數屯錦江元過
楚劔閣復通秦舊俗存祠廟空山泣鬼神虛簷

送
平石石仙公人

交鳥道古木半龍鱗竹送清溪月苔移玉座春
間閭兒女換歌舞歲時新絕域歸舟遠荒城繫
馬頻如何對搖落况乃久風塵孰與關張並叨
原本臨耿鄧親應天才不小得士契無隣遲暮
堪帷幄飄零且釣緡向來憂國淚寂寞灑衣巾

上韋左相

鳳曆軒轅紀龍飛四十春八荒開壽域一氣轉
洪鈞霖雨思元佐丹青憶老臣應圖求駿馬驚
代得麒麟沙汰江河濁調和鼎鼐新韋賢初相

漢范叔已歸秦盛業今如此傳經固絕倫豫章
深出地滄海闊無津北斗司喉舌東方領縉紳
持衡留藻鑿聽履上星辰獨步才超古餘波德
照隣聰明過管輅尺牘倒陳遵豈是池中物由
來席上珍廟堂知至理風俗盡還淳才傑俱登
用愚蒙但隱淪長卿多病父子夏索居貧回首
驅流俗生涯似衆人巫咸不可問鄒魯莫容身
感激知將晚蒼茫興有神爲君歌此曲涕淚在
衣巾

贈哥舒開府翰

今代麒麟閣何人第一功君王自神武駕馭必
英雄開府當朝傑論兵邁古風先鋒百勝在畧
地兩隅空青海無傳箭天山早掛弓廉頗仍走
敵魏絳已和戎每惜河湟棄新兼節制通智謀
垂睿想出入冠諸公日月低秦樹乾坤繞漢宮
胡人愁逐北宛馬又從東受命邊沙遠歸來御
席同軒車原本曾寵鶴畋儼舊非熊茅土加名
數山河誓始終策行遺戰伐契合動昭融勳業

青冥上交親氣槩中未為珠履客已見白頭翁
壯節初題柱生涯獨轉蓬幾年春草歇今日暮
途窮軍事留孫楚行間識防身一長劍將
欲倚崆峒

經廬嶽迴望江州想洛陽作

見升菴詩話廬山古石刻

劉元濟

龜山帝始營龍門禹初鑿出入經變化俯仰馮
寥廓未若茲山功連延並巫霍東北流良象西
南距坤絡宏阜自鬱盤高堙復迴薄勢入柴桑

廬陰開彭蠡壑九江杳無際七澤紛相錯雲霞
散吳會風波騰鄒郛跡隨造化久利與乾坤博
彤蠻積氣通紛綸潛恠作石渠忽見踐金房安
可托地入天子都巘有仙人藥二門幾迢逾三
宮何儵爚咫尺窮杳冥跬步皆恬漠才驚羽翰
幽居靜龍蛇雙明牧振雄詞棣華殊灼爍盛業
匡西夏深謀贊禹亳黃雲覆鵠飛絳氣橫川躍
佐曆符賢運人期夢天爵禮樂富垂髻詩書成
舞勺清輝靖巖電利器騰霜鏑遊聖挹衛樽隣

畿供木鐸牆仞包武侯波瀾控文若旋聞刈翹
薪遽覩折葵藿稷尚序揆圖良平公輔略重臣
資出守英藩諒求瘼豫章觀偉材江州訪靈嶠
陽岫曉氛氲陰崕暮蕭索雌伏屢鯨奔雄飛更
鷲搏驚壘透烟霞騰猿亂枝格故園有歸夢他
山非行樂他鄉徒可遊湟澗終旋泊景物觀淮
海雲霄望河洛城闕紫微星圖書玄扈閣神功
多粉繪元氣由斟酌丞相下南宮將軍趨北貉
橫簪並附蟬別鼎俱調鶴四野時迷路五月先
投龠池榭宣瓊管風花亂珠箔舊遊勞寤寐新
知無悅樂天寒欲贈言歲暮期交約夜琴清玉
柱秋灰變緹幙風雲動翰林宮徵調文籥言泉
激為浪思緒飛成繳千里揮珠璣五采含丹艧
鐘鼓旋驚鷄瑾瑜俄抵鵲竊價慙庸怠叨聲逾
寂寞長望恨南溟居然翳東郭

詩學正宗卷第十二目錄

皇明國子監助教東海浦南金纂輯

五言絕句

論曰出塞留田從來既久前溪子夜格律漸成
伊州之歌綽有古意彼哉近體殊不足觀

正始

出塞

上留田

枯魚過河泣

猛虎行

黃爵謚

採葵

步出

灑潁歌

藁砧

四時詞

桃葉歌

寄贈

詩學正卷三目錄

顧愷之

王獻之

陶弘景

陵峰採藥

丁督護歌

前溪歌

莫愁

襄陽樂

長干曲

擬古

楊叛兒

玉階怨

釋帛道猷

宋武帝

何遜

謝朓

長安九日

江總

人日思歸

薛道衡

正音上

伊州歌

蓋嘉運

詠烏

李義府

夜送趙縱

楊炯

別杜審言

宋之問

詠梅

王適

臨川送別

盧僎

自君之出矣

張九齡

玉階怨

李白

獨坐

自遣

別東林寺僧

青溪半夜聞笛

送別

王維

鳥鳴磻

孟城坳

華子岡

鹿柴

竹里館

辛夷塢

漆園

別輞川別業

孟城坳

木蘭柴

白石灘

卷之三

王縉

裴迪

登鸛雀樓

長干行

江南曲

怨辭

古意

魏宮詞

長信草

少年行

湖南曲

朱佐日

崔顥

崔國輔

國家圖書館 NATIONAL CENTRAL LIBRARY, TAIWAN, R.O.C.

流水曲

送胡大

宿建德江

見渭水思秦川

武侯廟

八陣圖

題慈恩塔

送人往宣城

正音下

王昌齡

孟浩然

岑參

杜甫

荆叔

潘佐

登鶴雀樓

宿潭上

長信宮

採蓮曲

青青水中蒲 三首

秋夜寄丘十二員外

閨門懷古

聞鴈

宿永陽寄璨律詩

暢當

劉方平

韓愈

韋應物

國家圖書館 NATIONAL CENTRAL LIBRARY, TAIWAN, R.O.C.

殘燈

荅韋蘇州

丘丹

逢雪宿芙蓉山

劉長卿

送張十八歸桐廬

送方外上人

送靈澈上人

山館

皇甫冉

送王司直

皇甫曾

送人之東陽

嚴維

長相思

張繼

拜新月

李端

送人下第

別盧秦卿

司空曙

金陵懷古

春江曲

張仲素

玉臺體

權德輿

寄西峯僧

張籍

岸花

新嫁娘

王建

聞邊服作

薛濤

霜月

貫休

六言絕句

正音

田園樂

五首

王維

尋張逸人山居

劉長卿

送陸澧還吳中

皇甫冉

送鄭二之茅山

小江懷靈一上人

寄皇甫補闕冉

張繼

詩學正宗卷第十二

五言絕句

正始

出塞

已下五首
並無名氏

月○弦○
候○騎○出○甘○泉○
奔○命○入○居○延○
旗○作○浮○雲○
影○陣○如○明○

上留田

可○止○
里○中○有○啼○兒○
似○類○親○父○子○
回○車○問○啼○兒○
慷○慨○不○

國家圖書館, NATIONAL CENTRAL LIBRARY, TAIWAN, R.O.C.

枯魚過河泣

枯魚過河泣何時悔復及○作書與魴鱠相教慎○
出入

猛虎行

飢不從猛虎食暮不從野雀棲野雀安無巢游
子為誰驕

黃爵謔

邪徑敗良田讒言亂善人此二句依玉臺新詠節去桂樹花不實黃爵巢
其顛昔為人所羨今為人所憐

採葵

已下二首並見選詩外編

採葵莫傷根傷根葵不生結交莫羞貧羞貧交
不成

步出

步出城東門遙望江南路前日風雪中故人從
此去

灑澗歌

灑澗大如樸瞿塘不可觸金沙浮轉多桂浦忌
經過

藁砧

藁砧今何在山上復有山何日大刀頭破鏡飛上天

四時詞

顧凱之

春水滿四澤夏雲多奇峰秋月揚明暉冬嶺秀古松

桃葉歌

王獻之

桃葉復桃葉渡江不用楫但渡無所苦我自來迎接

寄贈

陶弘景

山中何所有嶺上多白雲只可自怡悅不堪持贈君

陵峰採藥

釋帛道猷

連峰數千里脩林帶平津茆茨隱不見雞鳴知有人

丁督護歌

宋武帝

督護初征時儂亦惡聞許願作石尤風四面斷行旅

前溪歌

已下四首
並無名氏

憂思出門倚逢郎前溪度莫作流水心引新都
捨故

莫愁

莫愁在何處莫愁石城西艇子打兩槳催送莫
愁來

襄陽樂

朝發襄陽城暮至大堤宿大堤諸女兒花艷驚
郎目

長干曲

逆浪故相邀菱舟不怕搖妾家揚子住慣弄廣
陵潮

青山

何遜

家本青山下愛上青山上青山不可上一上一
惆悵

楊叛兒

暫出白門前楊柳可藏烏郎作沉水香儂作博
山爐

玉階怨

謝朓

夕殿下珠簾流螢飛復息長夜縫羅衣思君此何極

、長安九日

江總

心逐南雲去身隨北鴈來故園籬下菊今日爲誰開

、人日思歸

薛道衡

入春纔七日離家已二年人歸落鴈後思發在花前

正音上

伊州歌

蓋嘉運

打起黃鶯兒莫教枝上啼啼時驚妾夢不得到遼西

詠烏

李義府

日裏颺朝彩琴中伴夜啼上林如許多一本樹不借一枝棲

夜送趙縱

楊炯

趙氏連城壁由來天下傳送君還舊府明月滿

前川

別杜審言

宋之問

臥病人事絕嗟君萬里行
河橋不相送江樹遠含情

詠梅

王適

忽見寒梅樹開花漢水濱
不知春色早疑是弄珠人

臨川送別

盧僎

秋郊日半隱野樹烟初映
風水正蕭條那堪動

離詠

自君之出矣

張九齡

自君之出矣不復理殘機
思君如滿月夜夜減清輝

玉階怨

李白

玉階生白露夜久侵羅襪
却下水晶簾玲瓏望秋月

獨坐

衆鳥高飛盡孤雲獨去閑
相看兩不厭只有敬

亭山

自遣

對酒不覺暝落花盈我衣
醉起舞溪月鳥還人亦稀

別東林寺僧

東林送客處月出白猿啼
笑別廬山遠何煩過虎溪

青溪半夜聞笛

羌笛梅花引吳溪隴水清
寒山秋浦月腸斷玉

關情

送別

王維

山中相送罷日暮掩柴扉
春草年年綠王孫歸不歸

鳥鳴磧

人閑桂花落夜靜春山空
月出驚山鳥時鳴春澗中

孟城坳

新家孟城口古木餘衰柳
來者復爲誰空悲昔

人有

華子岡

飛鳥去不窮連天復秋色上下華子岡惆悵情何極

鹿柴

空山不見人但聞人語響返景入深林復照青苔上

竹里館

獨坐幽篁裏彈琴復長嘯深林人不知明月來

相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自闕經世務偶寄一微官婆娑數枝樹

別輞川別業

王縉

山月曉仍在林風涼不絕殷勤如有情惆悵令

人別

孟城坳

裴迪

結廬古城下時登古城上古城非疇昔今人自來往

木蘭柴

蒼蒼落日時鳥聲亂溪水綠溪路轉深幽興何時已

白石灘

跂石復臨水弄波情未極日下川上寒浮雲澹

無色

登鸛雀樓

朱佐日

白日依山盡黃河入海流欲窮千里目更上一層樓

長干行

崔顥

君家住何處妾住在橫塘停船暫借問或恐是同鄉

江南曲

下渚多風浪蓮船漸覺稀那能不相待獨自途

潮歸

怨辭

崔國輔

妾有羅衣裳秦王在時作為舞春風多秋來不堪着

古意

淨掃黃金階飛霜皎如雪下簾彈箏篴不忍見秋月

魏宮詞

朝日照紅粧擬上銅雀臺畫眉猶未了魏帝使

入催

長信草

長信宮中草年年愁處生時侵珠履迹不使玉階行

少年行

遺却珊瑚鞭白馬驕不行章臺折楊柳春日路傍情

湖南曲

湖南送君去湖北送君歸湖裏鴛鴦鳥雙雙他

自飛

流水曲

歸來日尚早更欲向芳洲渡口水流急回船不自由

送胡大

王昌齡

荆門不堪別况乃洞庭秋何處遙望君江邊明月樓

宿建德江

孟浩然

移舟泊煙渚日暮客愁新野曠天低樹江清月

近人

見渭水思秦川

岑參

渭水東流去何時到雍州憑添兩行淚寄向故園流

武侯廟

杜甫

遺廟丹青落空山草木長猶聞辭後主不復卧南陽

八陣圖

功蓋三分國名成八陣圖江流石不轉遺恨失

吞吳

題慈恩塔

荆叔

漢國山河在秦陵草樹深暮雲千里色無處不傷心

送人往宣城

潘佐

江上送行人千山生暮氛謝安團扇上為畫敬亭雲

正音下

登鶴雀樓

暢當

迥臨飛鳥上高出世塵間天勢圍平野河流入斷山

宿潭上

夜潭有仙舸與月當水中佳賓愛明月遊子驚秋風

長信宮

劉方平

夢裏君王近宮中河漢高秋風能再熱團扇不辭勞

採蓮曲

落日清江裏，荆歌艷楚腰。
採蓮從小慣，十五即乘潮。

青青水中蒲 二首

韓愈

青青水中蒲，下有一雙魚。
君今隴上去，我在與誰居。
青青水中蒲，長在水中居。
寄與浮萍草，相隨我不如。
青青水中蒲，葉短不出水。
婦人不下堂，行子在萬里。

秋夜寄丘十二員外

韋應物

懷君屬秋夜，散步詠涼天。
山空松子落，幽人應未眠。

閭門懷古

獨鳥下高樹，遙知吳苑園。
淒涼千古事，日暮倚閭門。

聞鴈

故園眇何處，歸思方悠哉。
淮南秋雨夜，高齋聞鴈來。

宿永陽寄瑛律詩

遙知郡齋夜凍雪封松竹時有山僧來懸燈獨
自宿

殘燈

獨照碧紗夕欲曉更遠思
人將遠眠無帶翻
成結

蒼苔蘇

立丹

露滴梧葉鳴秋風桂
花發中有學仙人吹簫弄
山月

逢雪宿芙蓉山

劉長卿

日暮蒼山遠天寒白屋貧柴門聞犬吠風雪夜
歸人

送張十八歸桐廬

歸人乘野艇帶月過江村正落寒潮水相隨夜
到門

送方外上人

孤雲將野鶴豈向人間住莫買沃州山時人已
知處

送靈澈上人

蒼蒼竹林寺杳杳鐘聲晚
荷笠帶斜陽青山獨歸遠

山館

皇甫冉

山館長寂寂閑雲朝夕來
空庭復何有落日照青苔

送王司直

皇甫曾

西塞雲山遠東南道路長
人心勝潮水相送過潯陽

送人之東陽

嚴維

明月雙溪水春風八詠樓
少年爲客處今日送君遊

長相思

張繼

遼陽望河縣白首無由見
海上珊瑚枝年年寄春燕

拜新月

李端

開簾見新月即便下階拜
細語人不聞北風吹裙帶

送人下第

獻策未得意馳車東出秦暮年千里客落日萬家春

別盧秦卿

司空曙

知有前期在難分此夜中無將故人酒不及石尤風

金陵懷古

輦路江楓暗宮庭野草春傷心庾開府老作北朝臣

春江曲

張仲素

搖漾越江春相將採白蘋歸時不覺夜出浦月隨人

玉臺體

權德輿

秋風一夜至吹盡後庭花莫作經時別西隣是宋家

寄西峯僧

張籍

松暗水涓涓夜涼人未眠西峯月猶在遙憶草堂前

岸花

可憐岸邊樹紅菜發青條東風吹度水衝着木
蘭橈

新嫁娘

王建

三日入厨下洗手作羹湯未諳姑食性先遣小
姑嘗

聞邊報作

薛濤

聞說邊城苦口到始知好將筵上曲唱與隴
頭兒

霜月

僧貫休

霜月夜徘徊樓中羌笛催晚風吹不盡江上落
殘梅

六言絕句

正音

田園樂

五首

王維

採菱渡頭風急策杖村西日斜杏樹壇邊漁父
桃花源裏人家

萋萋芳草春綠落落長松夏寒牛羊自歸村巷

童稚不識衣冠

山下孤烟遠村天邊獨樹高原一瓢顏回陋巷
五柳先生對門

酌酒會臨泉水抱琴好倚長松南園露葵朝折
西舍黃糧夜舂

桃紅復含宿雨柳綠更帶朝烟花落家僮自掃
鳥啼山客猶眠

尋張逸人山居

劉長卿

危石纔通鳥道空山別有人家桃源定在何處

澗水浮來落花

送陸澧還吳中

瓜步寒潮送客楊柳暮雨沾衣故山南望何處
秋草連天獨歸

送鄭二之茅山

皇甫冉

水流絕澗終日草長深山暮春犬吠鷄鳴幾處
條桑種杏何人

小山懷靈一上人

江上年年春草津頭日日人行借問山陰遠近

猶聞薄暮鐘聲

寄皇甫補調冉

京口情人別又揚州估客來
踈潮至潯陽回去
相思何處通書



詩學正宗卷第十三目錄

皇明國子監助教東海浦南金發註

五言律詩

論曰五言之變漸趨於律四傑王楊盧崔四友蘇李
卓然名家盛唐諸賢鈞稱合作詞理意興存乎
其人

正始

折楊柳

梁元帝

銅雀臺

謝朓

國家圖書館 NATIONAL CENTRAL LIBRARY, TAIWAN, R.O.C.



新亭渚別范零陵

春日

吳筠

入關

秋思

蕭愨

入若耶溪

王籍

與胡興安別

何遜

江南曲

柳惲

秋日別庾正負

徐陵

詠懷

庾信

塞上

明餘慶

山亭夜宴

王勃

詠風

關山月

盧照隣

秋露

駱賓王

正音上

從軍行

楊炯

送豐城王少府

玄上人林泉

駱賓王

晚次樂鄉縣

陳子昂

春日登九華觀

暉上人獨坐亭

春夜別友人

和陸丞相早春遊望

杜審言

登襄陽城

送崔融

銅雀臺

沈佺期

長門怨

關山月

早發平昌島

夜宿七盤嶺

九日侍宴應制

幸白鹿觀應制

樂城寺

少林寺

春日芙蓉園侍宴應制

宋之問

夏日仙萼亭應制

扈從登封途中作

九日登慈恩寺浮圖應制

奉和梁王宴龍泓應教

緱山廟

侍宴甘露殿應制

李嶠

長寧公主東庄侍宴應制

奉和登驪山高頂應制

蘇頌

嵩山蓂荷亭侍宴應制

張說

岳州燕別潭州王熊

深渡驛

奉和聖製途次陝州作

張九齡

旅宿淮陽亭口號

湖口望廬山瀑布水

奉和次瓊岳應制

韋濟

送人之軍中

賀知章

宿雲門寺閣

孫逖

尋龍湫

送李給事歸徐州覲省

送賀知章

玄宗皇帝

幸蜀西至劔閣

登少室山寺

褚朝陽

揚州送人

無名氏

送友人丹陽採訪

徐安貞

昌年宮之作

豆盧復

詩學正宗卷第十二

五言律詩

正始

折楊柳

梁元帝

巫山巫峽長垂柳復垂楊同心不同折故人懷
故鄉山似蓮花艷流如明月光寒夜猿聲徹
子淚沾裳

銅雀臺

謝朓

總帷飄井幹樽酒若平生鬱鬱西陵樹詎聞歌

吹聲芳襟染淚迹
嬋媛空復情
玉座猶寂寞
况迺妾身輕

新亭渚別范零陵

洞庭張樂地
瀟湘帝子游
雲去蒼梧野
水還江漢流
停驂我悵望
輟棹子夷猶
黃平聽方家茂
陵將元末此二
句依嚴洽
浪盡去
心事俱已矣
江上徒離憂

春日

吳筠

春從何處來
拂水復驚梅
雲障青鎖闥
風吹承露臺
美人隔千里
羅幃閉不開
無由得共語
空

對掌中

一本
相思杯

入關

羽檄起邊庭
烽火亂如螢
是時張博望
夜赴交河城
馬頭要落日
劍尾掣流星
君恩未得報
何論身命傾

秋思

蕭愨

清波收潦日
華林鳴籟初
芙蓉露下落
楊柳月中疎
燕幃相綺被
趙帶流黃絛
相思阻音息
結夢感離居

入若耶溪

王籍

餘艖何汎汎空水共悠悠陰霞生遠岫陽景逐
迴流蟬噪林逾靜鳥鳴山更幽此地動歸念長
年悲倦遊

與胡興安夜別

何遜

居人行轉軼客子暫維舟念此一筵笑分爲兩
地愁露濕寒塘草月映清淮流方抱新離恨獨
守故園秋

江南曲

柳惲

汀洲采白蘋日落江南春洞庭有歸客瀟湘逢
故人故人何不返春華復應晚不道新知樂只
言行路遠

秋日別庾正負

徐陵

征途愁轉旆連騎慘停鑣朔氣凌疎木江風送
落潮青雀離帆遠朱鷺別路遙唯有當秋月夜
夜上河橋

詠懷

庾信

蕭條亭障遠悽愴風塵多關門臨白狄城影入

黃河秋風別蘇武寒水送荆軻誰言氣蓋世晨
起帳中歌

塞上

明餘慶

三邊烽亂驚十萬且橫行風捲常山陣笳喧細
柳營劔花寒不落弓月曉還明會取河西地特
作朔方城

山亭夜宴

王勃

桂宇幽襟積山亭涼夜永森沉野逕寒肅穆岩
扉靜竹晦南河色荷翻北潭影清興殊未歸林

端照初景

詠風

肅肅涼景生加我林壑清驅烟尋磻戶卷霧出
山楹去來固無迹動息如有情日落山水靜爲
君起松聲

關山月

盧照隣

寒地通碣石虜陣抵祁連相思在萬里明月不
長懸影搖金岫北光斷玉門前寄言閨中婦愁
看鴻鴈天

秋露

駱賓王

玉關涼吹早金塘秋氣歸
泛掌光逾淨添花滴
尚微變霜凝曉液承月委
圓輝別有吳臺上應
濕楚臣衣

正音上

從軍行

楊炯

烽火照西京心中自不平
牙璋辭鳳闕鐵騎繞
龍城雪暗凋旗畫風多雜
鼓聲寧爲百夫長勝
作一書生

送灃城王少府

愁結亂如麻長天照落霞
離亭隱喬樹野水浸
平沙左尉才何屈東關望
漸賒行看轉牛斗持
此報張華

玄上人林泉

駱賓王

俗遠郊居勝原本風
塵隔春還初服遲
林疑中散地
人似上皇時芳杜湘君曲
幽蘭楚客詞
山中有
春草長此寄相思

晚次樂鄉縣

陳子昂

故鄉杳無際日暮且孤征川原迷舊國道路入
邊城野戍荒烟斷深山古木平如何此時恨噉
噉夜猿鳴

春日登九華觀

白玉仙臺古丹丘別望遙山川亂雲日樓榭入
烟霄鶴舞千年樹虹飛百尺橋還逢赤松子天
路坐相邀

暉上人獨坐亭

鐘梵經行處香牀坐入禪巖亭交雜樹石瀨瀉

鳴泉水月心方寂雲霞思獨玄寧知人代裏垂

老一本
疲病得攀緣

春夜別友人

銀燭吐青烟金樽對綺筵離堂思琴瑟別路繞
山川明月隱高樹長河沒曉天悠悠洛陽去重
會在何年

和陸丞相早春遊望

杜審言

獨有宦游人偏驚物候新雲霞出海曙梅柳度
江春泝氣催黃鳥晴光轉綠蘋忽聞歌古調歸

思欲沾巾

登襄陽城

旅客三秋至層城四望開楚山橫地出漢水接
天回冠蓋非新里章華即舊臺習池風景異歸
路滿塵埃

送崔融

君王行出將書記遠從征祖帳連河闕軍麾動
洛城旌旆朝朔氣笳吹夜邊聲坐覺烟塵埽秋
風古北平

銅雀臺

沈佺期

昔年分鼎地今日望陵臺一旦雄圖盡千秋遺
令開綺羅君不見歌舞妾重來恩共漳河水東
流無重回

長門怨

月皎風泠泠長門次掖庭玉階聞墜葉羅幌見
飛螢清露凝珠綴流塵下翠屏妾心君未察愁
歎劇繁星

關山月

漢月生遼海，臃出半暉。合昏玄菟郡，中夜白
登圍。暈落關山迥，光含霜霰微。將軍聽曉角，戰
馬欲南歸。

早發平昌島

解纜春風後，鳴榔曉漲前。陽烏出海樹，雲鴈下
江烟。積氣衝長島，浮光溢大川。不能懷魏闕，心
賞獨泠然。

夜宿七盤嶺

獨遊千里外，高臥七盤西。山月臨牕近，天河入

戶低。芳春平仲綠，清夜子規啼。浮客空留聽，裊
城聞曙鷄。

九日侍宴應制

御氣幸金方，憑高薦羽觴。魏文分菊蕊，漢武賜
萸房。去鶴留笙吹，歸鴻列舞行。臣驩重九慶，日
月奉天長。

幸白鹿觀應制

紫鳳仙人駕，原本劫斑龍太上家。天流芝蓋下山
轉，桂旗斜聖藻。垂寒露，仙杯覆落原本落霞。唯應

問王母桃作幾時花

白鶴寺

碧海開龍藏青雲起
鴈堂潮聲迎法鼓
雨氣濕天香
樹接前山暗
溪承瀑水涼
無言誦居遠
清靜禮原本空王

少林寺

長歌遊寶地徙倚對珠林
鴈塔風霜古龍池
歲月深紺園澄夕霽
碧殿下秋陰
歸路烟霞晚
山蟬處處吟

春日芙蓉園侍宴應制

宋之問

芙蓉秦地沼盧橘漢家園
谷邃深盤徑川迴曲
抱源風來花自舞
春入鳥能言
侍宴瑤池夕
歸途騎吹繁

夏日仙萼亭應制

高嶺逼星河乘輿此日過
野含時雨潤山雜夏雲多
瘴光巖穴宸襟洽
薜蘿悠然小天下
歸路滿笙歌

扈從登封途中作

帳殿鬱崔嵬仙遊實壯哉曉雲連幕捲夜火雜
星回谷暗千旗出山鳴萬乘來扈遊良可賦終
乏揆天才

九日登慈恩寺浮圖應制

鳳刹侵雲半虹旌倚日邊散花多寶塔張樂布
金田時菊芳仙醞秋蘭動睿篇香街稍欲晚清
蹕扈歸天

奉和梁王宴龍泓應教

水府淪丹壑星輶下紫微烏驚司僕馭花落侍

臣衣芳樹搖春晚晴雲繞座飛淮王正留客不
醉莫言歸

緱山廟

王子賓仙去飄飄笙鶴飛徒聞滄海變不見白
雲歸天路何其遠人間此會稀空歌日云暮霜
月漸微微

侍宴甘露殿應制

李嶠

月宇臨丹地雲煙縹碧紗御筵陳桂醕天酒酌
榴花水向浮橋直城連禁苑斜承恩恣歡賞歸

路滿烟霞

長寧公主東庄侍宴應制

別業臨青甸鳴鑾降紫霄御筵鵷鷺集仙管鳳
凰調樹接南山近烟含北渚遙侍臣咸既原本承恩
已醉戀賞未還鑣

奉和登驪山高頂應制

蘇頌

仙蹕御層芬高高積翠分岩聲中谷應天語半
空聞豐樹連黃葉函關入紫雲聖圖恢寓縣歌
賦陋橫汾

嵩山蓑荷亭侍宴應制

張說

回鑾青嶽觀帳殿紫烟峰仙路迎三鳥雲衢駐

六龍園林藏古寺

原本看古塔

壇墀識餘封緱嶺聞

笙鶴

原本山外傳蕭管

還如天上逢

岳州燕別潭州王熊

青雲通省閣溝水遽西東然諾心猶在容華歲
不同孤城臨楚塞遠樹入秦宮誰念三千里江
潭一老翁

深渡驛

旅宿青山夜荒庭白露秋洞房懸月影高枕聽
河流猿挂寒巖樹螢飛古驛樓他鄉對搖落併
覺起離憂

奉和聖製途次陝州作

張九齡

馳道當河陝陳詩問國風川原三晉別襟帶兩
京同後殿嶠函盡前旌關塞通行看洛陽陌光
景麗天中

旅宿淮陽亭口號

日暮江亭上悠悠旅思多故鄉臨桂水今夜眇

星河暗草霜華發空庭鴈影過興來誰與晤勞
者自爲歌

湖口望廬山瀑布水

萬丈紅泉落迢迢半紫氛飛流下雜樹灑落出
重雲日照虹霓似天清風雨聞靈山多秀色空
水共氤氳

奉和次瓊嶽應制

韋濟

陸海披晴雪千旗獵早陽嶽臨秦路險河繞漢
垣長行漏通鳩鵲離宮接建章都門信宿近歌

舞從周王

送人之軍中

賀知章

曾經絕脉塞復見斷腸流送子成今別令人感
昔遊隴雲晴半雨邊草夏先秋萬里長城寄無
貽漢國憂

宿雲門寺閣

孫逖

香閣東山下烟花象外幽懸燈千嶂夕卷幔五
湖秋畫壁餘鴻鴈紗牕宿斗牛更疑天路近夢
與白雲遊

尋龍湫

遠客尋真境

原本遺迹

輕舟入

原本愛

水鄉溪流一曲

盡山路九峰長漁父

原本火

歌金洞江妃舞翠房

遙憐葛公宅仙氣混

原本共

微茫

送李給事歸徐州觀省

列位登青瑣還鄉服彩衣共言晨省日便是畫
遊歸春水經梁宋晴山入海沂莫愁東路遠四
牡正駢駢

送賀知章

玄宗皇帝

遺榮初入道辭老竟抽簪豈不惜賢達其如高
尚心寰中得秘要方外散幽襟獨有青門錢群
僚悵別深

幸蜀西至劍門

劍閣盤空度

原本橫雲峻

鑾輿出狩回翠屏千仞斷

丹嶂五丁開灌木紫旗轉仙雲拂馬來乘時方
在德嗟爾勒銘才

登少室山寺

褚朝陽

飛閣青雲裏先秋獨早寒天花臨戶近月桂拂

簷香華嶽三峰小黃河一帶長空間指歸路烟
處有垂楊

揚州送人

見升菴詩話續

無名氏

桂楫木蘭舟楓江竹箭流故人從此去迷離不
勝愁落日低帆影歸風引棹謳思君折楊柳淚
盡武昌樓

送友人丹陽採訪

見國朝

徐安貞

列郡分南國皇華出聖朝為憐鄉國便不憚使
車遙問俗吳三讓觀風漢六條願言除疾苦朝

野

原本天子聽謳謠

昌年宮之作

見國秀集

豆盧復

但有離宮處君王每不居旗門芳草合輦路古

槐踈野殿藏山霽虛廊轉石渠

一本殿閣山烟滿窓疑野霽虛

豐年多望幸春色佇鑾輿

詩學正宗卷第十四目錄

皇明國子監助教東海浦南金纂輯

五言律詩

正音中

次北固山下

雜詩

贈梁州張都督

送裴都護赴西河

江南旅情

王灣

盧象

崔顥

祖詠

南山別業

陸山人樓

龍興院

望秦川

靈隱寺山頂院

宿龍興寺

若耶溪逢孔九

南州有贈二首

宿王昌齡隱居

儲光羲

李頎

綦毋潛

賈至

常建

送李十一尉臨溪

破山寺后禪院

泊舟盱眙

送張舍人之江東

登樓寄當塗趙少府炎

侍從遊宿溫泉宮作

口號贈盧徵君鴻

太原早秋

崔八丈水亭

謝公亭

三山望金陵寄殷淋

聽胡人吹笛

牛渚懷古

臨洞庭

孟浩然

與諸子登岷山

歸終南山

早寒有懷

登總持寺塔

聽鄭五惜琴

萬山潭

泊舟潯陽

舟中曉望

終南別業

王維

歸嵩山作

晚至終南山

漢江臨汎

同崔員外秋宵寓直

同岐王過楊氏別業應教

觀獵

滄水東店送唐子還嵩陽

岑參

送鄭少府赴滏陽

寄左省杜拾遺

賦得征馬嘶送劉評事充朔方判官

高適

登兗州城樓

杜甫

夜宴左氏莊

秦州雜詩

四首

春夜宿左省

晚出左掖

登岳陽樓

洞房

曉望

夜

早發湘潭寄杜員外院長

韋迢

渡楊子江

丁仙芝

岳陽晚景

張均

正音下

送從兄宰晉陵

韋應物

送汾陽王主簿

送榆次林明府

送元倉曹歸廣陵

穆陵關北逢人歸漁陽

劉長卿

經漂母墓

梅花落

劉方平

秋夜宿嚴維宅

皇甫冉

秋夜寄所知

奉賀王相公早春登徐州城

送韓司直

送李中丞歸本道

皇甫曾

送陸羽採茶

送少微師東南遊

晚至華陰

和謝舍人雪夜寓直

和萬年成少府寓直

錢起

送陸郎中

送錢起

郎士元

送楊中丞和蕃

和苗員外秋夜寓直對雨

李嘉祐

送壽州陳錄事

韓翃

題薦福寺衡陽岳師房

奉酬李舍人秋夕寓直

張南史

靜林寺

僧靈一

送李司直使吳

張衆父

送韓揆之江西

李冶

送裴侍御赴湖南

馬戴

詩學正宗卷第十四

詩學正宗卷第十四

五言律詩

正音中

次北固山下

王灣

客路青山外行舟綠水前
潮平兩岸濶風正一帆懸
海日生殘夜江春入舊年
鄉書何處達歸鴈洛陽邊

雜詩

盧象

家居五原上征戰是平生
獨負西山勇誰當塞

三頁

詩學正宗卷第十四

國家圖書館, NATIONAL CENTRAL LIBRARY, TAIWAN, R.O.C.



下名死生遼海戰雨雪薊門行諸將封侯盡論
功獨不成

贈梁州張都督

崔顥

聞君爲漢將虜騎不南侵出塞清沙漠還家拜
羽林風霜臣節苦歲月主恩深爲語西河使知
予報國心

送裴都護赴西河

征馬去翩翩城秋月正圓單于莫近塞都護欲
臨邊漢驛通烟火胡沙乏井泉功成須獻捷未

必去經年

江南旅情

祖詠

楚山不可極歸路但蕭條海色晴看雨江聲夜
聽潮劍留南斗近書寄北風遙爲報空潭橘無
媒到洛橋

南山別業

別業幽居處到來生隱心南山當戶牖豐水映
園林竹覆經冬雪庭昏未夕陰寥寥人境外閑
坐聽春禽

陸山人樓

儲光羲

暮聲雜初鴈夜色涵早秋獨見海中月照君池
上樓山雲飛棟出原本拂天漢接河流原本入
不惜朝光滿其如千里游高棟
雲流

龍興院

朝遊天苑外忽見法筵開山勢凌空出雲陰匝
地來踈鐘清月殿幽梵靜花臺日暮香林下飄
颻仙步迴

望秦川

李頎

秦川朝望迥日出正東峰遠近山河淨透迤城
闕重秋聲萬戶竹寒色五陵松客有歸歎嘆淒
其霜露濃

靈隱寺山頂院

綦毋潛

招提此山頂下界不相聞塔影挂清漢鐘聲和
白雲觀空靜室掩行道衆香焚且駐西來駕人
天日未曛

宿龍興寺

香刹夜忘歸松清古殿扉燈明方丈室珠繫比

丘衣白日傳心淨青蓮喻法微
天花落不盡處處鳥啣飛

若耶溪逢孔九

相逢此溪曲託勝在烟霞潭影竹間動峰陰簷
外斜人言上皇代犬吠武陵家借問淹留日春
風滿若耶

南州有贈二首

賈至

極浦三春草高樓萬里心楚山晴靄碧湘水暮
流深忽與朝中舊同爲澤畔吟停杯試北望不

覺

一本
還欲淚沾襟

越井人南去湘川水北流江邊數杯酒海內一
孤舟嶺嶠同仙客京華卽舊遊春心將別恨萬
里共悠悠

宿王昌齡隱居

常建

東原本
清溪深不測隱處惟孤雲松際露微月清
光猶爲君茅亭宿花影藥院滋苔文余亦謝時
去西山鸞鶴群

送李十一尉臨溪

三

詩集卷一百一

泠泠花下琴君唱，渡江吟天際。一帆影預懸，離別心以言。神仙尉因致，瑤華音回軫。拊商調越溪，澄碧林。

破山寺后禪院

清晨入古寺，初日照高林。曲徑通幽處，禪房花竹深。山光悅鳥性，潭影空人心。萬籟此俱寂，惟聞鐘磬音。

泊舟盱眙

泊舟淮水次，霜降夕流清。夜久潮侵岸，天寒月

近城平沙依，鴈宿候館聽。雞鳴鄉國雲，霄外誰堪羈旅情。

送張舍人之江東

李白

張翰江東去，正值秋風時。天清一鴈遠，海濶孤帆遲。白日行欲暮，滄波杳難期。吳洲如見月，千里幸相思。

登樓寄當塗趙少府炎

晚登高樓望，木落雙江清。寒山饒積翠，秀色連州城。目送楚雲盡，心悲胡鴈聲。相思不可見，回首

首故人情

侍從遊宿溫泉宮作

羽林十二將羅列應星文霜仗懸秋月霓旌捲
夜雲嚴更千戶肅清樂九天聞日出瞻佳氣葱
葱繞聖君

口號贈盧徵君鴻

陶令辭彭澤梁鴻入會稽我尋高士傳君與古
人齊雲卧留丹壑天書降紫泥不知楊伯起早
晚向關西

太原早秋

歲落衆芳歇時當大火流霜威出塞早雲色渡
河秋夢繞邊城月心飛故國樓思歸若汾水無
日不悠悠

崔八丈水亭

高閣橫秋氣清幽併在君簷飛宛溪水牕落敬
亭雲猿嘯風中斷漁歌月下聞閑隨白鷗去沙
上自爲群

謝公亭

謝公離別處風景每生愁客散青天月江空碧水
流池花春映日窓竹夜鳴秋今古一相接長
歌懷舊遊

三山望金陵寄殷泚

三山懷謝眺百里一本水澹望長安蕪沒河陽縣秋
江直北看盧龍霜氣肅原本冷鳩鵲夜光寒耿耿

憶瓊樹天涯寄一歡

聽胡人吹笛

胡人吹玉笛一半是秦聲十月吳山曉梅花落

敬亭愁聞出塞曲淚滿逐臣纓却望長安道空
懷戀主情

牛渚懷古

牛渚西江夜青天無片雲登舟望秋月空憶謝
將軍余亦能高詠斯人不可聞明朝挂帆去楓
葉落紛紛

臨洞庭

孟浩然

八月湖水平涵虛混太清氣蒸雲夢澤波撼岳
陽城欲濟無舟楫端居耻聖明坐觀垂釣者徒

有羨魚清

與諸子登峴山

人事有代謝往來成古今江山留勝迹我輩復
登臨水落魚梁淺天寒夢澤深羊公碑尚在讀
罷淚沾襟

歸終南山

北闕休上書南山歸敝廬不才明主棄多病故
人踈白髮催年老青陽逼歲除永懷愁不寐松
月夜牕虛

早寒有懷

木落鴈南度北風江上寒我家襄水曲遙隔楚
雲端鄉淚客中盡歸帆天際看迷津欲有問烟
海夕漫漫

登總持寺塔

半空躋寶塔晴望盡京華竹繞渭川遍山連上
苑斜四門開帝宅阡陌俯人家累劫從初地
為童憶聚沙坐
覺諸天近空香送落花

聽鄭五惜琴

阮籍推名飲清風坐竹林半酣下衫袖拂拭龍
唇琴一杯彈一曲不覺夕陽沈余意在山水間
之諧夙心

萬山潭

垂釣坐磐石水清心亦閑魚行潭樹下猿卧島
藤間游女昔解佩傳聞於此山求之不可得沿
月棹歌還

泊舟潯陽

挂席幾千里名山都未逢泊舟潯陽郭始見香

爐峰嘗讀遠公傳永懷塵外蹤東林精舍近日
暮坐聞鐘

舟中曉望

挂席東南望青山水國遙舳艫爭利涉來往任
風潮問我今何適天台訪石橋坐看霞色曉疑
是赤城標

終南別業

王維

中歲頗好道晚家南山陲興來每獨往勝事空
自知行到水窮處坐看雲起時偶然值林叟談

笑滯還期

歸嵩山作

清川帶長薄，車馬去閑閑。
流水如有意，暮禽相與還。
荒城臨古渡，落日滿秋山。
迢迢嵩高高，下歸來且閉關。

晚至終南山

太乙近天都，連山到海隅。
白雲迴望合，青靄入看無。
分野中峰變，陰晴衆壑殊。
欲投人處宿，隔水問樵夫。

漢江臨泛

楚塞三湘接，荆門九派通。
江流天地外，山色有无中。
郡邑浮前浦，波瀾動遠空。
襄陽好風日，留醉與山翁。

同崔員外秋宵寓直

建禮高秋夜，承明候曉過。
九門寒漏徹，萬井曙鐘多。
月迥藏珠斗，雲消出絳河。
獨慙衰朽質，南陌共鳴珂。

同岐王過楊氏別業應教

揚子談經處淮王載酒過興闌啼鳥緩坐久落花多
逕轉迴銀燭林開散玉珂嚴城時未啓前路擁笙歌

觀獵

風勁角弓鳴將軍獵渭城草枯鷹眼疾雪淨馬蹄輕
忽過新豐市還歸細柳營回看射鵬處千里暮雲平

澧水東店送唐子還嵩陽

岑參

野店臨官路重城壓御堤山開灞水北雨過杜

陵西歸夢秋能作鄉書醉懶題橋回忽不見征馬尚聞嘶

送鄭少府赴滄陽

子真河朔尉邑里帶清漳春草迎袍色晴花拂綬香
青山入官舍黃鳥度宮牆若到銅臺上應憐魏寢荒

寄左省杜拾遺

聯步趨丹陛分曹限紫微曉隨天仗入暮惹御香歸
白髮悲花落青雲羨鳥飛聖朝無闕事自

覺諫書稀

賦得征馬嘶送劉評事充朔方判官

高適

征馬向邊州蕭蕭嘶未休
思深應帶別聲斷為兼秋
岐路風將遠關山月共愁
贈君從此去何日大刀頭

登兗州城樓

杜甫

東郡趨庭日南樓縱目初
浮雲連海岱平野入青徐
孤嶂秦碑在荒城魯殿餘
從來多古意臨

眺獨躊躇

夜宴左氏莊

風林纖月落衣露淨琴張
暗水流花徑春星帶草堂
檢書燒燭短看劍引杯長
詩罷聞吳詠扁舟興不忘

秦州雜詩四首

滿目悲生事因人作遠遊
遲迴望隴怯浩蕩及關愁
水落魚龍夜山空鳥鼠秋
西征問烽火心折此淹留

聞道尋源使從天此路回牽牛去幾許宛馬至
今來一望幽燕隔何時郡國開東征健兒盡羌
笛暮吹哀

秦州城北寺傳是隗囂宮苔蘚山門古丹青野
殿空月明垂葉露雲逐度溪風清渭無情極愁
時獨向東

鳳林戈未息魚海路長難候火雲峯峻懸軍幟
井乾風連西極動月過北庭寒故老思飛將何
時議築壇

春夜宿左省

花隱掖垣暮秋秋棲鳥過星臨萬戶動月傍九
霄多不寢聽金鑰因風想玉珂明朝有封事數
問夜如何

晚出左掖

畫刻傳呼淺春旗簇仗齊退朝花底散歸院柳
邊迷樓雪融城濕宮雲去殿低避人焚諫草騎
馬欲雞棲

登岳陽樓

昔聞洞庭水今上岳陽樓吳楚東南圻乾坤日夜浮親朋無一字老病有孤舟戎馬關山北憑軒涕泗流

洞房

洞房環珮冷玉殿起秋風秦地應新月龍池滿舊宮繫舟今夜遠清漏徃時同萬里黃山北園陵白露中

曉望

白帝更聲盡陽臺曙色分高峰上寒日疊嶺宿

霧雲地圻江帆隱天清木葉聞荆扉對麋鹿應共爾為群

夜

絕岍風威動寒房燭影微嶺猿霜外宿江鳥夜深飛獨坐親雄劍哀歌歎短衣烟塵繞闔闔白首壯心違

早發湘潭寄杜負外院長

韋迢

北風昨夜雨江上早來涼楚岫千峰碧湘潭一葉黃故人湖外客白首尚為郎相憶無南鴈何

時有報章

渡楊子江

丁儼芝

擊楫中流望空波兩岸明林開楊子驛山出潤
州城海靜邊陰盡江寒朔吹生坐聞楓葉下淅
淅度秋聲

岳陽晚景

張均

晚景寒鷗集秋風旅鴈歸水光浮日出霞彩映
江飛洲白蘆花吐園红柿葉稀長沙卑濕地九
月未成衣

正音下

送從兄宰晉陵

韋應物

東郊春草歇千里夏雲生立馬愁將夕看山獨
送行依微吳苑樹迢遞晉陵城慰此斷行別邑
人多頌聲

送汾陽王主簿

少年初帶印汾上又經過芳草歸時徧情人故
郡多禁鐘春雨細宮樹野烟和相望東橋別微
風起夕波

送榆次林明府

無嗟千里遠亦是宰王畿策馬雨中去逢人關
外稀邑傳榆石在路遶晉山微別思方蕭索新
秋一葉飛

送元倉曹歸廣陵

官閒得去住告別戀音微舊國應無業他鄉到
是歸楚山明月滿淮甸夜鐘微何處孤舟泊遙
遙心曲違

穆陵關北逢人歸漁陽

劉長卿

逢君穆陵路匹馬向桑乾楚國蒼山古幽州白
日寒城池百戰後者舊幾家殘處處蓬蒿徧歸
人掩淚看

經漂母墓

昔賢懷一飯茲事已千秋古墓樵人識前朝楚
水流渚蘋行客薦山木杜鵑愁春草年年一本
茫茫
綠王孫舊此遊

梅花落

劉方平

新歲芳梅樹繁花四面同春風吹漸落一夜幾

枝空少婦今如此長城恨不窮莫將遼海雪來
比后庭中

秋夜宿嚴維宅

皇甫冉

昔聞玄度宅門向會稽峰君住東湖上清風繼
舊蹤秋深臨水月夜半隔山鐘世故多離別良
宵詎可逢

秋夜寄所知

寂寞坐遙夜清風何處來天高散騎省月滿建
章臺隣笛哀聲急城砧朔氣催芙蓉已委絕誰

復可為媒

奉賀王相公早春登徐州城

落日憑危堞春風似故鄉川流過楚塞山色遶
徐方僻壤依寒草旌旗動夕陽元戎賢上策南
畝起畊耒

送韓司直

遊吳還適越來往任風波復送王孫去其如芳
艸何山明殘雪在潮滿夕陽多季子留遺廟傳
舟試一過

送李中丞歸本道

皇甫曾

上將宜分閫，雙旌復出秦。
關河三晉路，賓從五原人。
孤戍雲通海，平沙雪度春。
酬恩看玉劍，何處看烟塵。

送陸羽採茶

千峯待逋客，香茗復叢生。
採摘知深處，煙霞羨獨行。
幽期山寺遠，野飯石泉清。
寂然燈夜相，思磬一聲。

送少微師東南遊

石梁人不到，獨往更迢迢。
乞食山家少，尋鐘野寺遙。
松門風自掃，瀑布雪難消。
秋夜聞清梵，餘音逐海潮。

晚至華陰

臘盡促歸心，行人及華陰。
雲霞仙掌出，松柏古祠深。
野渡冰生岸，寒川燒隔林。
溫泉看漸近，宮樹晚沉沉。

和謝舍人雪夜寓直

禁省夜沉沉，春風雪滿林。
滄洲歸客夢，青瑣近

臣心揮翰宜鳴玉，承恩在賜金。建章寒漏起，更照掖垣深。

和萬年成少府寓直

錢起

赤縣新秋夜，文人藻思催。鐘聲自仙掖，月色近霜臺。一葉蕪螢度，孤雲帶雁來。明朝紫書下，應問長卿才。

送陸郎中

畫邊仍戀主，舉酒復悲歌。粉署含香別，轅門載筆過。鶯聲出漢苑，柳色過漳河。相憶情難盡，離

居春草多

送錢起

郎士元

暮蟬不可聽，落葉豈堪聞。共是悲秋客，那知此路分。荒城背流水，遠鴈入寒雲。陶令籬邊菊，餘花可贈君。

送楊中丞和蕃

錦車登隴日，秋草正萋萋。王事原本舊好隨君長，邊聲原本新愁聽鼓鼙。河源飛鳥外，雪嶺大荒西。漢壘

今猶在，遙知路不迷。

和苗員外秋夜寓直對雨

李嘉祐

多雨南宮夜仙郎寓直時
漏長丹鳳闕秋冷白雲司
螢影侵階亂鴻聲出苑
遲蕭條人吏散小謝有新詩

送壽州陳錄事

韓翃

壽陽南渡口斂笏見諸侯
片雨楚城暮千家淮水秋
開簾對芳草送客上春洲
借問山中桂王孫幾度游

題薦福寺衡陽岳師房

春城乞食還高論此中閑
僧臘塔前樹禪心江上山
踈簾看雪卷深戶映花關
晚送門人去鐘聲杳靄間

奉酬李舍人秋夕寓直

張南史

秋日金華直仙郎

原本遙知

玉珮清天書五色詔寒

漏九重城

原本九重門更肅五色詔初成

槐落宮中影鴻高苑

外聲翻從魏闕下江海寄幽情

靜林寺

僧靈一

靜林溪路遠蕭帝有遺蹤
水擊羅浮磬山鳴于

闕鐘燈傳三世火樹老五株松無復雲霞色空
聞昔卧龍

送李司直使吳

張衆父

使君方擁傳王事遠辭家震澤逢殘雪新豐遇
落花水萍千葉散風柳萬條斜何處看離恨春
江無限沙

送韓揆之江西

李冶

相看指楊柳別恨轉依依萬里西江水孤舟何
處歸湓城潮不到夏口信應稀惟有衡陽鴈年

年來去飛

送裴侍御赴湖南

馬戴


關門鳥道中飛傳復乘驄暮雪離秦甸春雲入
楚宮平蕪天共遠積水地多空使府懸帆去能
消幾日風

詩學正宗卷第十四

吳曜寫
唐詩刻



國家圖書館, NATIONAL CENTRAL LIBRARY, TAIWAN, R.O.C.



詩學正宗卷第十五目錄

皇明國子監助教東海浦南金養泰輯

七言律詩

論曰沈宋燕許鬱然並興藻思閑詞於斯為盛
黃鶴絕唱早朝同聲大曆以還風斯下矣

正始

古意

沈佺期

興慶池侍宴應制

奉和春初幸太平公主南莊應制

奉和春初幸太平公主南莊應制

宋之問

興慶池侍宴應制

韋元旦

奉和春初幸太平公主南莊應制

李嶠

奉和春日幸望春宮應制

蘇頲

侍燕安樂公主新宅應制

奉和春初幸太平公主南莊應制

李邕

奉和春日幸望春宮應制

張說

奉和春日出苑矚目應令

賈曾

正音上

黃鶴樓

崔顥

行經華陰

登金陵鳳凰臺

李白

送賀監歸四明應制

別中都兄明府

九日登仙臺呈劉明府

崔署

望薊門

祖詠

早朝大明宮呈兩省僚友

賈至

和賈至舍人早朝大明宮之作

王維

和太常韋主簿五郎溫泉寓目

奉和聖製從蓬萊向興慶雨中春望之作

酬郭給事

積雨輞川莊作

勅借岐王九成宮避暑應制

送魏萬之京

李頎

送司勳盧員外

題濟公山池

宿瑩公禪房聞梵

送李回

送前衛縣李冢少府

高適

送李少府貶峽中王少府貶長沙

和賈至舍人早朝大明宮之作

岑參

和祠部王負外雪後早朝即事
西掖省即事

和賈至舍人早朝大明宮之作

杜甫

宣政殿退朝晚出左掖

紫宸殿退朝口號

蜀相

野老

登樓

玉臺觀

秋興 四首

閣夜

九日登高

秋風

正音中

燕李錄事

韋應物

同孟丹徒登萬歲樓

皇甫冉

送李錄事赴饒州

早朝已寄所知

皇甫曾

寄中書王舍人

秋夕寄懷契上人

和李員外扈駕幸溫泉宮

錢起

贈闕下裴舍人

和王員外晴雪早朝

夜宿靈臺寺寄郎士元

荅錢起秋夜宿靈臺寺見寄

郎士元

獻淮寧軍節度李相公

劉長卿

自夏口至鸚鵡洲望岳陽寄阮中丞

送陸澧倉曹西上

過賈誼宅

便次安陸寄友人

秋夜寄皇甫冉鄭重

劉方平

題同官李明府書舍

崔峒

正音下

同題仙遊觀

韓翃

送劉評事赴廣東使幕

送王光輔歸青州兼寄儲侍御

長安春望

盧綸

晚次鄂州

長安曉望寄程補闕

司空曙

南原望漢宮

宿淮浦憶司空文明

李端

荆門道懷古

松滋渡望峽中

劉禹錫

樂遊原春望

李頻

湘中送友人

咸陽懷古

劉滄

鄴都懷古

河中鶴雀樓

張喬

詩學正宗卷第十五
七言律詩

正始

古意

沈佺期

盧家少婦鬱金堂
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰爲含愁獨不見
空教一本明使妾月照流黃

興慶池侍宴應制

碧水澄潭映遠空紫雲香駕御微風漢家城闕
疑天上秦地山河似鏡中向浦迴舟萍已綠分
林蔽殿槿初紅古來徒奏橫汾曲今日宸遊聖
藻雄

奉和春初幸太平公主南莊應制

主家山第早春歸御輦春遊繞翠微買地鋪金
曾作埽尋河取石舊支機雲間樹色千花滿竹
裏泉聲百道飛自有神仙鳴鳳曲併將歌舞報
恩暉

奉和春初幸太平公主南莊應制

宋之問

青門路接鳳凰臺素滌宸遊龍騎來澗草自迎
香輦合巖花應對御筵開文移北斗成天象酒
近南山作壽杯此日侍臣將石去共歡明主賜
金廻

興慶池侍燕應制

韋元旦

滄池漭沆帝城邊勝似昆明鑿漢年夾岍旌旗
䟽輦道中流簫鼓振樓船雲峰四起迎宸幄水

樹千重入御筵宴樂已深魚藻咏承恩還續栢

梁篇

一本更欲
奏甘泉

奉和春初幸太平公主南莊應制

李嶠

主家山第接雲開天子春遊動地來羽騎參差
花外轉霓旌搖曳日邊迴還將石榴調琴曲更
取峰霞入酒杯鸞輅已辭烏鵲渚簫聲猶繞鳳
凰臺

奉和春日幸望春宮應制

蘇頲

東望望春春可憐更逢晴日柳含烟宮中下見
南山盡城上平臨北斗懸細草偏承迴輦處飛
花故落舞觴前宸遊對此歡無極鳥弄歌聲雜
管絃

侍燕安樂公主新宅應制

駸駸羽騎歷城池帝女樓臺向晚披露灑旌旗
雲外出風迴巖岫雨中移當軒半落天河水遶
逕全低月樹枝簫鼓宸遊陪宴日和鳴雙鳳喜
來儀

奉和春初幸太平公主南莊應制

李邕

傳聞銀漢支機石復見金輿下紫微
織女橋邊烏鵲起仙人樓上鳳凰飛
流風入座飄歌扇瀑水當階濺舞衣
今日還同犯牛斗乘槎共汎海潮歸

奉和春日幸望春宮應制

張說

別館芳菲上苑東
飛花淡蕩御筵紅
城臨渭水天河靜
闕對南山雨露通
繞殿流鶯凡幾樹
當

碛亂蝶許多叢
春園旣醉心和樂
共識皇恩造化同

奉和春日出苑矚日應令

賈曾

銅龍曉闢問安迴
寶輅春遊博望開
渭水晴光搖草樹
終南佳氣入樓臺
招賢已從商山老
托乘還徵鄴下才
臣在東周獨留滯
欣逢睿藻日邊來

正音上

黃鶴樓

崔顥

昔人已乘白雲去此地空餘黃鶴樓黃鶴一去
不復返白雲千載空悠悠晴川歷歷漢陽樹芳
草萋萋鸚鵡洲日暮鄉關何處是烟波江上使
人愁

行經華陰

岩荒太華俯咸京天外三峰削不成武帝祠前
雲欲散仙人掌上雨初晴河山北枕秦關險驛
路西連漢時平借問路傍名利客無如此處學
長生

登金陵鳳凰臺

李白

鳳凰臺上鳳凰遊鳳去臺空江自流吳宮花草
埋幽徑晉代衣冠成古丘三山半落青天外二
水中分白鷺洲總爲浮雲能蔽日長安不見使
人愁

送賀監歸四明應制

久辭榮祿遂初衣曾向長生說息機真訣自從
茅氏得恩波應阻洞庭歸瑤臺含霧星辰滿仙
嶠浮空島嶼微借問欲棲珠樹鶴何年却向帝

城飛

別中都兄明府

吾兄詩酒繼陶君試宰中都天下聞東樓喜奉
連枝會南陌愁爲落葉分城隅綠水明秋日海
上青山隔暮雲取醉不辭留夜月鷹行中斷惜
離羣

九日登仙臺呈劉明府

崔署

漢文皇帝有高臺此日登臨曙色開三晉雲山
皆北向二陵風雨自東來關門令尹誰能識河

上仙翁去不迴且欲近尋彭澤宰陶然共醉菊
花杯

望薊門

祖詠

燕臺一望客心驚笳鼓喧喧漢將營萬里寒光
生積雪三邊曙色動危旌沙場烽火侵胡月海
畔雲山擁薊城少小雖非投筆吏論功直欲請
長纓

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳

垂青瑣百轉流鶯繞建章
劍佩聲隨玉墀步衣冠
身惹御爐香共沐恩波
鳳池裏朝朝染翰侍
君王

和賈至舍人早朝大明宮之作

王維

絳幘雞人報曉籌尚衣方進翠雲裘
九天闈闔開宮殿萬國衣冠拜冕旒
日影纔臨仙掌動香烟欲傍袞龍浮
朝罷須裁五色詔珮聲歸到鳳池頭

和太常韋主簿五郎溫泉寓目

漢主離宮接露臺秦川一半夕陽開
青山盡是朱旗繞碧澗翻從玉殿來
新豐樹裏行人度小苑城邊獵騎回
聞道甘泉能獻賦懸知獨有子雲才

奉和聖製從蓬萊向興慶雨中春望之作

渭水自縈秦塞曲黃山舊遶漢宮斜
鑾輿迴出千門柳閣道迴看上苑花
雲裏帝城雙鳳闕雨中春樹萬人家
爲乘陽氣行時令不是宸遊玩

物華

酬郭給事

洞門高閣霽餘暉桃李陰陰柳絮飛
禁裏疎鐘官舍曉省中啼鳥吏人稀
晨搖玉珮趨金殿夕奉天書拜瑣闈
強欲從君無那老將因臥病解朝衣

積雨輞川作

積雨空林烟火遲蒸藜炊黍餉東菑
漠漠水田飛白鷺陰陰夏木嘒黃鸝
山中習靜觀朝槿松下

下清齋折露葵野老與人爭席罷
海鷗何事更相疑

勅借岐王九成宮避暑應制

帝子遠辭丹鳳闕天書遙借翠微宮
隔牕雲霧生衣上卷幔山泉入鏡中
林下水聲喧語笑巖前樹色隱房櫳
仙家未必能勝此何事吹簫向碧空

送魏萬之京

李頎

朝聞遊子唱離歌昨夜微霜初度河
鴻鴈不堪

言學正字卷五
愁裏聽雲山況是客中過關城曙色催寒近御苑砧聲向晚多莫是長安行樂處空令歲月易蹉跎

送司勳盧員外

流漸臘月下河陽草色新年發建章秦地立春傳太史漢宮題柱憶仙郎歸鴻欲度千門雪侍女新添五夜香早晚薦雄文似者故人今已賦長揚

題濬公山池

遠公遁跡廬山岑開山幽居祗樹林片月孤光窺色相清池白石照禪心指揮如意天花落坐臥閑房春草深此外俗塵都不染惟餘玄度得相尋

宿瑩公禪房聞梵

花宮仙梵遠微微月隱高城鐘漏稀夜動霜林驚落葉曉聞天籟發清機蕭條已入寒空靜颯杳仍隨秋雨飛始覺浮生無住着頓令心地欲歸依

送李回

知君官屬大司農，詔幸驪山職事雄。
歲發金錢供御府，晝看仙液注離宮。
千巖曙雪旌門上，十月寒花輦路中。
不覩聲明與文物，自傷留滯去關東。

送前衛縣李冢少府

高適

黃鳥翩翩楊柳垂，春風送客使人悲。
怨別自驚千里外，論交却憶十年時。
雲開汶水孤帆遠，路遶梁山匹馬遲。
此地從來可垂興，留君不住豈

淒其

送李少府貶峽中王少府貶長沙

嗟君此別意何如，駐馬銜盃問謫居。
巫峽啼猿數行淚，衡陽歸鴈幾封書。
青楓江上秋天遠，白帝城邊古木疎。
聖代只今多雨露，暫時分手莫躊躇。

和賈至舍人早朝大明宮之作

岑參

雞鳴紫陌曙光寒，鶯囀皇州春色闌。
金闕曉鐘

開萬戶玉堦仙仗擁千官花迎劔佩星初落柳
拂旌旗露未乾獨有鳳凰池上客陽春一曲和
皆難

和祠部王負外雪後早朝即事

長安雪後似春歸積素凝華連曙暉色借玉珂
迷曉騎光添銀燭晃朝衣西山落月臨天仗北
闕晴雲捧禁闈聞道仙郎歌白雪由來此曲和
人稀

西掖省即事

西掖重雲開曙暉北山踈雨點朝衣千門柳色
連青瑣三殿花香入紫微平明正笏陪鴛列薄
暮垂鞭信馬蹄官拙自悲頭盡白不如巖下偃
荆扉

和賈至舍人早朝大明宮之作

杜甫

五夜漏聲催曉箭九重春色醉仙桃旌旗日暖
龍蛇動宮殿風微燕雀高朝罷香烟攜滿袖詩
成珠玉在揮毫欲知世掌絲綸美池上于今有

鳳毛

宣政殿退朝晚出左掖

天門日射黃金榜春殿晴曛赤羽旗宮草菲菲
承委佩鑪烟細細駐遊絲雲近蓬萊常五色雪
殘鳩鵲亦多時侍臣緩步歸青瑱退食從容出
每遲

紫宸殿退朝口號

三外昭容紫袖垂
殿瞻御座引朝儀香飄合殿
春風轉花覆千官淑景移
晝漏稀聞高閣報天

顏有喜近臣知宮中每出歸東省會送夔龍集
鳳池

蜀相

丞相祠堂何處尋錦宮城外柏森森映堦碧草
自春色隔葉黃鸝空好音三顧頻繁天下計兩
朝閑濟老臣心出師未捷身先死長使英雄淚
滿襟

野老

野老籬前江岸迴柴門不正逐江開漁人網集

澄潭下賈客船隨返照來長路關心悲劍閣片
雲何意傍琴臺王師未報收東郡城闕秋生畫
角哀

登樓

花近高樓傷客心萬方多難此登臨錦江春色
來天地玉壘浮雲變古今北極朝廷終不改西
山寇盜莫相侵可憐後主還祠廟日暮聊爲梁
甫吟

玉臺觀

中天積翠玉臺遙上帝高居絳節朝遂有馮夷
來擊鼓始知羸女善吹簫江光隱見鼉鼉窟石
勢參差烏鵲橋更有紅顏生羽翰便應黃髮老
漁樵

秋興 四首

玉露凋傷楓樹林巫山巫峽氣蕭森江間波浪
兼天湧塞上風雲接地陰叢菊兩開他日淚孤
舟一繫故園心寒衣處處催刀尺白帝城高急
暮砧

夔府孤城落日斜，每依北斗望京華。
聽猿實下三聲淚，奉使虛隨八月槎。
畫省香爐遠伏枕，山樓粉堞隱悲笳。
請看石上藤蘿月，已映洲前蘆荻花。

蓬萊宮闕對南山，承露金莖霄漢間。
西望瑤池降王母，東來紫氣滿函關。
雲移雉尾開宮扇，日繞龍鱗識聖顏。
一臥滄江驚歲晚，幾回青瑣點朝班。

昆明池水漢時功，武帝旌旗在眼中。
織女機絲

虛夜月，石鯨鱗甲動秋風。
波漂菰米沉雲黑，露冷蓮房墜粉紅。
關塞極天唯鳥道，江湖滿地一漁翁。

閣夜

歲暮陰陽催短景，天涯霜雪霽寒宵。
五更畫角聲悲壯，三峽星河影動搖。
野哭千家聞戰伐，夷歌幾曲起漁樵。
臥龍躍馬終黃土，人事音書謾寂寥。

九日登高

風急天高猿嘯哀，渚清沙白鳥飛迴。
無邊落木蕭蕭下，不盡長江滾滾來。
萬里悲秋常作客，百年多病獨登臺。
艱難苦恨繁霜鬢，潦倒新停濁酒杯。

秋風

秋風淅淅吹我衣，東流之外西日微。
天清小城搗練急，石古細語行人稀。
不知明月爲誰好，早晚孤帆他夜歸。
會將白髮倚庭樹，故國池臺今是非。

正音中

燕李錄事

韋應物

與君十五侍皇闈，曉拂爐烟上赤墀。
花開漢苑經行處，雪下驪山沐浴時。
近臣零落今誰在，仙駕飄飄不可期。
此日相逢思舊日，一杯成喜又成悲。

同溫丹徒登萬歲樓

皇甫冉

高樓獨上思依依，極浦遙山合翠微。
江客不堪頻北望，塞鴻何事復南飛。
丹陽古渡寒烟積，瓜

步空洲遠樹稀聞道王師猶轉戰誰能談笑解
重圍

送李錄事赴饒州

北人南去雪紛紛鷹叫汀洲不可聞積水長天
隨遠客荒城極浦足寒雲山從建業千峰出江
至潯陽九派分借問督郵纔弱冠府中年少不
如君

早朝日寄所知

皇甫曾

長安雪後見歸鴻紫禁朝天拜舞同曙色漸分

雙闕下漏聲遙在百花中爐烟乍起開仙仗玉
珮成行引上公共荷發生同雨露不應黃葉久
從風

寄中書王舍人

腰金載筆謁承明至道安然原本得此生西掖
幾年綸綍貴東山遙夜薜蘿情風傳漏刻星河
曙月上梧桐雨露清聖主好文誰為薦閉門空
賦子虛成

秋夕寄懷契上人

已見槿花朝委露獨憐孤鶴在人群真僧出世
心無事靜夜名香手自焚牕臨絕澗聞原本流
水客至高峰埽白雲更想清晨誦經處坐原本
看松上雪紛紛獨

和李貞外扈駕幸溫泉宮

錢起

未央月曉度踈鐘鳳輦時巡出九重雪霽山門
迎瑞日雲開水殿候飛龍輕寒不入宮中樹佳
氣常浮仗外峰遙羨枚臯扈仙蹕偏承霄漢渥
恩濃

贈闕下裴舍人

二月黃鸝飛上林春城紫禁曉陰陰長樂鐘聲
花外盡龍池柳色雨中深陽和不散窮途恨霄
漢常懸捧日心獻賦十年猶未遇羞將白髮戴

一本對華簪

和王貞外雪後早朝

紫微晴雪帶恩光繞仗偏隨鴛鷺行長信月留
寧避曉宜春花滿不飛香獨看積素凝清禁已
覺輕寒讓太陽題柱盛名兼絕唱風流誰繼漢

田郎

夜宿靈臺寺寄郎士元

西日含山橫碧空東方吐月滿禪宮朝瞻雙頂
青冥上夜宿諸天色界中石潭倒映蓮花水塔
院微聞松栢風萬里故人能尚爾知君視聽我
心同

荅錢起秋夜宿靈臺寺見寄 郎士元

石林精舍虎溪東夜扣禪扉謁遠公月在上方
諸品靜心持半偈萬緣空蒼苔古道行應遍落

木寒泉聽不窮更憶雙峰最高頂此心期與故
人同

獻淮寧軍節度李相公 劉長卿

建牙吹角不聞喧三十登壇衆所尊家散萬金
酬士死身留一劔荅君恩漁陽老將多回席魯
國諸生半在門白馬翩翩春草綠一本細邵陵西
去獵平原

自夏口至鸚鵡洲望岳陽寄阮中丞

汀洲無浪復無烟楚客相思益渺然漢口夕陽

斜度烏洞庭秋水遠連天孤城背嶺寒吹角獨
戍一本臨江夜泊船賈誼上書憂漢室長沙謫
去古今憐

送陸澧倉曹西上

長安此去欲何依先達誰當薦陸機日下鳳翔
雙闕迥雪中人去二陵稀舟從故里難移棹家
在寒塘獨掩扉臨水自傷流落久贈君空有淚
沾衣

過賈誼宅

三年謫宦此棲遲萬里惟留楚客悲秋草獨尋
人去後寒林空見日斜時漢文有道恩猶薄湘
水無情弔豈知寂寂江山搖落處憐君何事到
天涯

使次安陸寄友人

新年草色遠萋萋久客將歸問路蹊暮雨不知
鄉口處春風只到穆陵西孤城盡日空花落三
戶無人但鳥啼君在江南相憶否門前五柳幾
枝低

秋夜寄皇甫冉鄭重

劉方平

洛陽清夜白雲歸，城上長河列宿稀。
秋後見飛千里鴈，月中聞搗萬家衣。
長憐西雍青門道，久別東吳黃鶴磯。
借問尺書何所寄，中心如旆原本不兩鄉違。

題同官李明府書舍

崔峒

訟堂寂寂對烟霞，五柳門前聚晚鷗。
流水聲中視公事，寒山影裏見人家。
觀風共美新為政，計日還應更觸邪。
可惜陶潛無限興，不逢籬菊正

開花

正音下

同題仙遊觀

韓翃

仙臺初見五城樓，風物淒淒宿雨收。
山色遙連秦樹晚，砧聲近報漢宮秋。
疎松影落空壇淨，細草春香小洞幽。
何用別尋方外去，人間亦自有丹丘。

送劉評事赴廣東使幕

征南官屬似君稀，才子當今劉孝威。
蠻府參軍

趨傳舍交州刺史拜行衣前臨漲海無人過却
望衡陽少鷹飛為報蒼梧雲影道明年早送客
帆歸

送王光輔歸青州兼寄儲侍御

幾回奏事建章宮聖主偏知漢將功身著紫衣
趨闕下口啣丹詔出關東蟬聲驛路秋山裏草
色河橋細雨一本中遠憶故人滄海別當年好
躍五花驄

長安春望

盧綸

東風吹雨過青山却望千門草色閑家在夢中
何日到春來江上幾人還川原繚繞浮雲外宮
闕參差落照間誰念為儒逢世難獨將衰鬢客
秦關

晚次鄂州

雲開遠見漢陽城猶是孤帆一日程估客晝眠
知浪靜舟人夜語覺潮生三湘愁鬢逢秋色萬
里歸心對月明舊業已隨征戰盡更堪江上鼓
鼙聲

長安曉望寄程補闕

司空曙

迢迢山河擁帝京，參差宮殿與雲平。
風吹曉漏經長樂，柳帶晴烟出禁城。
天淨笙歌臨路發，日高車馬隔塵行。
獨有淺才甘未達，多慚名在魯諸生。

南原望漢宮

荒原空有漢宮名，衰草茫茫雉堞平。
連馬下時秋水深，行人過盡暮烟生。
西陵歌吹何年歇，南陌空臨此日情。
故事悠悠不可問，寒

禽野水自縱橫

宿淮浦憶司空文曙

李端

愁心一倍長離憂，夜思千重戀舊遊。
秦地故人成遠夢，楚天涼雨在孤舟。
諸溪近海潮皆應，獨樹迢淮葉盡流。
別恨轉深何處寫，前程惟有一空樓。

荆門道懷古

劉禹錫

南國山川舊帝畿，宋臺梁館尚依稀。
馬嘶古道行人絕，麥秀空城野雉飛。
風吹落葉填宮井，火

入荒城化寶衣徒使詞臣庾開府咸陽終日苦
思歸

松滋渡望峽中

渡頭輕雨灑寒梅雲際溶溶雪水來夢渚草長
迷楚望夷陵土黑有秦灰巴人淚應猿聲落
客船從鳥道回十二碧峰何處所永安宮外是
荒臺

樂遊原春望

李頻

五陵佳氣晚氤氳霸業雄圖勢自分秦地山河

連紫塞漢家宮殿入青雲未央樹色春中見長
樂鐘聲月下聞無那楊花起愁思滿天飄落雪
紛紛

湘中送友人

中流欲暮見湘烟岫葦無窮接楚天去鷹遠衝
雲夢雪離人獨上洞庭船風波盡日依山轉星
漢通宵向水縣零落梅花過殘臘故園歸去又
新年

咸陽懷古

劉滄

經過此地無窮事一望淒然感廢興渭水故都
秦二世咸陽秋草漢諸陵天空絕塞聞邊鷹葉
盡孤村見夜燈風景蒼蒼多少恨寒山半出白
雲層

鄴都懷古

昔時霸業何蕭索古木唯多鳥雀聲芳草自生
宮殿處野人誰識帝王城殘春楊柳長川迥落
日蒹葭遠水平一望青山便惆悵西陵無主月
空明

河中鸛雀樓


張喬

高樓懷古動悲譎鸛雀今無野雀過樹隔五陵
秋色早水連三晉夕陽多漁人遺火成寒燒牧
笛吹風起夜波十載重來值搖落天涯歸計定
如何

詩學正宗卷第十五



國家圖書館, NATIONAL CENTRAL LIBRARY, TAIWAN, R.O.C.



詩學正宗卷第十六目錄

皇明國子監助教東海浦南金纂輯

七言絕句

論曰烏棲有曲挾瑟有歌洽至唐初定為絕句
太白少伯並稱大家時維多賢以類而附

正始

挾瑟歌

古辭

從軍行

古辭

烏棲曲

梁簡文帝

又

梁元帝

又

陳後主

又

徐陵

涼州歌

郭知運

突厥三臺

無名氏

邊詞

張敬忠

上徐中書

褚朝陽

正音上

涼州詞

王翰

又

王之奩

宴詞

雜詩

張旭

蛾眉山月歌

李白

山中問答

贈汪倫

黃鶴樓送孟浩然之廣陵

聞王昌齡左遷龍標尉遙有此寄

早發白帝城

與史郎中欽聽黃鶴樓上吹笛

上皇西巡南京歌

四首

春宮曲

王昌齡

西宮春怨

長信秋詞

西宮秋怨

青樓曲

二首

青樓怨

閨怨

出塞行

從軍行

李倉曹宅夜飲

送別魏二

重別李評事

別李浦之京

送李侍赴常州

賈至

洞庭送李十二赴零陵

西亭春望

送元二使安西

王維

寒食汜上作

塞上聽吹笛

高適

送李判官使晉絳

岑參

封大夫破播仙凱歌

四首

送人使河源

張謂

寄韓鵬

李頎

出塞行

贈花卿

杜甫

軍城早秋

嚴武

正音中

酬張繼

皇甫冉

萼嶺四望

皇甫曾

烏棲曲

劉方平

春怨

滁州西澗

韋應物

登樓寄王卿

寒食寄京師諸弟

昭陽曲

劉長卿

尋鄭山人所居

歸鴈

錢起

丹陽送韋參軍

嚴維

楓橋夜泊

張繼

題蘭若

崔峒

古意

耿漳

送麴司直

郎士元

聽隣家吹笛

寒食

韓翃

宿昭應

顧况

涼州曲

柳談

宮怨

李益

南遊感興

竇叔向

雨後欲往天目山問元駱二公溪路

僧靈一

晚秋破山寺

僧皎然

薊門懷古

馬戴

正音下

蹋歌詞

劉禹錫

柳枝詞

與歌者何戡

聽舊宮人穆氏歌

石頭城

烏衣巷

涼州詞

送鄭三

張籍

盧仝

和練秀才楊柳

楊巨源

竹枝詞

李涉

塞下曲

張仲素

秋閨思

秋夕

杜牧

泊秦淮

瑤瑟怨

溫庭筠

聽彈箏者

隴西行

陳陶

暮春澹水送別

韓琮

江上別李秀才

韋莊

金陵圖

詩學正宗卷第十六

七言絕句

正始

挾瑟歌

古辭

春風宛轉入曲房兼送
蕊百花香白馬金鞍
人不返紅粧玉筋下成

從軍行

古辭

遼東烽火照甘泉
薊北亭障接燕然
冰凍菖蒲
未生節關寒榆葉不成錢

烏棲曲

梁簡文帝

芙蓉作船絲作紵北斗橫天月將落採蓮渡頭
擬黃河郎人欲渡畏風波

又

梁元帝

沙棠作船桂為楫夜渡江南採蓮葉復值西施
新流妙共泛江干玩月華

又

陳後主

西頭新夜懸亂生葉裏啼鳥送春情長安遊俠
無數伴白馬驪河路中詩

又

徐陵

繡幙羅幃隱燈燭一夜千年歡不足唯憎無賴
汝南鷄天河未落猶爭啼

涼州歌

郭知運

朔風吹葉鷹門秋萬里烟塵昏戍樓征馬長嘶
思一本青海上胡笳夜聽隴山頭

突厥三臺

無名氏

鷹門山上鷹初飛馬邑城邊一本馬正肥日盱
山西逢驛使殷勤南北送征衣

NATIONAL CENTRAL LIBRARY, TAIWAN, R.O.C.

邊詞

張敬忠

五原春色舊來遲二月垂楊未挂絲
卽今河畔水開日正是長安花落時

上徐中書

見國秀集

褚朝陽

中禁仙池日原本越鳳凰池邊詞客紫微郎
既能作頌雄風起何不時吹蘭蕙香

正音上

涼州詞

王翰

蒲桃美酒夜光杯欲飲琵琶馬上催
醉臥沙場

君莫笑古來征戰幾人回

又

王之奐

一片孤城萬仞山黃河遠上白雲間
羌笛何須怨楊柳春光不度玉門關

宴詞

見國秀集

長堤春水綠悠悠散入漳河一道流
莫聽聲聲催去棹桃花淺處不勝舟

雜詩

近見旭墨跡有此詩遂錄之

張旭

春草青青千里餘荒城落日照離居
那知海上

三年別不寄雲間一紙書

蛾眉山月歌

李白

蛾眉山月半輪秋影入平羌
江水流夜發清溪向三峽
思君不見下渝州

山中問答

問余何意棲碧山笑而不荅心自閑
桃花流水杳然去別有天地非人間

贈汪倫

李白乘舟將欲行忽聞岸上踏歌聲
桃花潭水深千尺不及汪倫送我情

深千尺不及汪倫送我情

黃鶴樓送孟浩然之廣陵

故人西辭黃鶴樓烟花三月下揚州
孤帆遠影碧空盡唯見長江天際流

聞王昌齡左遷龍標尉遙有此寄

楊花落盡子規啼聞道龍標過五溪
我寄愁心與明月隨風直到夜郎西

早發白帝城

朝辭白帝彩雲間千里江陵一日還
兩岸猿聲

啼不住輕舟已過萬重山

與史郎中欽聽黃鶴樓上吹笛

一為遷客去長沙西望長安不見家黃鶴樓中
吹玉笛江城五月落梅花

上皇西巡南京歌

四首

誰謂君王行路難六龍西幸萬人歡地轉錦江
成渭水天迴玉壘作長安

萬國同風共一時錦江何似曲江池石鏡更名
天上月後宮親得照蛾眉

濯錦清江萬里流雲帆龍舸下揚州北地雖誇
上林苑南京還有散花樓

劔閣重關蜀北門上皇歸馬若雲屯少帝長安
開紫極雙懸日月照乾坤

春宮曲

王昌齡

昨夜風開露井桃未央前殿月輪高平陽歌舞
新承寵簾外春寒賜錦袍

西宮春怨

西宮夜靜百花香欲捲珠簾春恨長斜抱雲和

深見月朦朧樹色隱昭陽

長信秋詞

奉帚平明金殿開且將團扇暫徘徊玉顏不及
寒鴉色猶帶昭陽日影來

西宮秋怨

芙蓉不及美人粧水殿風來珠翠香却恨含情
掩秋扇空懸明月待君王

青樓曲

二首

白馬金鞍從武皇旌旗十萬宿長楊樓頭小婦

鳴箏坐遙見飛塵入建章

馳道楊花滿御溝紅粧謾縮上青樓金章紫綬
千餘騎夫壻朝回初拜侯

青樓怨

翠幃風動花入樓高調鳴箏緩夜愁腸斷關山
不解說依依殘月下簾鉤

閨怨

閨中少婦不知愁春日凝粧上翠樓忽見陌頭
楊柳色悔教夫壻覓封侯

出塞行

秦時明月漢時關萬里長征人未還但使龍城
飛將在不教胡馬度陰山

從軍行

青海一本城西百尺樓黃昏獨坐海風秋更吹
羌笛關山月無那金閨萬里愁

李倉曹宅夜飲

霜天留飲故情權銀燭金爐夜不寒欲問吳江
別來意青山明月夢中看

送別魏二

醉別江樓橘柚香江風引雨入船涼憶君遙在
湘山月愁聽清猿夢裏長

重別李評事

莫道秋江離別難舟船明日是長安吳姬緩舞
留君醉隨意青楓白露寒

別李湘之京

故園今在灊陵西江畔逢君醉不迷小第隣庄
尚漁獵一封書寄數行啼

送李侍郎赴常州

賈至

雪晴雲散北風寒，楚水吳山道路難。
今日送君須盡醉，明朝相憶路漫漫。

洞庭送李十二赴零陵

今日相逢落葉前，洞庭秋水遠連天。
共說京華舊遊處，回看北斗欲潸然。

西亭春望

日長風暖柳青青，北鴈歸飛入窅冥。
岳陽城上聞吹笛，一夜一本能使春心滿洞庭。

送元二使安西

王維

渭城朝雨裊輕塵，客舍青青柳色新。
勸君更盡一杯酒，西出陽關無故人。

寒食汜上作

廣武城邊逢暮春，汶陽歸客淚沾巾。
落花寂寂啼山鳥，楊柳青青渡水人。

塞上聽吹笛

高適

雪淨胡天牧馬還，月明羌笛戍樓間。
借問梅花何處落，風吹一夜滿關山。

送李判官使晉絳

岑參

西原驛路掛城頭，客散江亭雨未休。
君去試看汾水上，白雲猶似漢時秋。

封大夫破播仙凱歌

四首

漢將承恩西破戎，捷書先奏未央宮。
天子預開麟閣待，祗今誰數貳師功。

官軍西出過樓蘭，營幕傍臨月窟寒。
蒲海曉霜凝馬尾，葱山夜雪撲旌竿。

鳴笳擗原本鼓，擁回軍破國平蕃。
昔未聞大夫

鵲印搖邊月上，將龍旂掣海雲。

日落轅門鼓角鳴，千群面縛出蕃城。
洗兵魚海雲迎陣，秣馬龍堆月照營。

送人使河源

張謂

故人行役向邊州，匹馬今朝不暫留。
長路關山何日盡，滿堂絲竹爲君愁。

寄韓鵬

李頎

爲政心閑物自閑，朝看飛鳥暮飛還。
寄書河上神明宰，羨爾城頭姑射山。

出塞行

白花原頭望京師
黃河水流無盡時
秋天曠野行人絕
馬首東來知是誰

贈花卿

杜甫

錦城絲管日紛紛
半入江風半入雲
此曲祇應天上有人
間能得幾回聞

軍城早秋

嚴武

昨夜秋風入漢關
朔雲邊月滿西山
更催飛將追驕虜
莫遣沙場匹馬還

正音中

酬張繼

皇甫冉

望望南徐登北固
迢迢西塞隔東關
落日臨川問音信
寒潮猶帶夕陽還

萼嶺四望

皇甫曾

漢家仙仗在咸陽
渭水東流出建章
野老至今猶望幸
離宮秋樹獨蒼蒼

烏棲曲

劉方平

畫舸雙艚錦為纜
芙蓉花發蓮葉暗
門前月色

映橫塘感郎中夜渡瀟湘

春怨

朝日殘鶯伴妾啼開簾只見草萋萋庭前時有
春風入楊柳千條盡向西

滁州西澗

韋應物

獨憐幽草澗邊生行一本上有黃鸝深樹鳴春潮
帶雨晚來急野渡無人舟自橫

登樓寄王卿

踏閣攀林恨不同楚雲滄海思無窮數家砧杵

秋山下一郡荆榛寒雨中

寒食寄京師諸弟

雨中禁火空齋冷江上流鶯獨坐聽把酒看花
想諸弟杜陵寒食草青青

昭陽曲

劉長卿

昨夜承恩宿未央羅衣猶帶御爐香芙蓉帳小
雲屏暗楊柳風多水殿涼

尋鄭山人所居

寂寂孤鶯啼杏園寥寥一犬吠桃源落花芳草

無尋處萬壑千峰獨閉門

重送裴郎中貶吉州

猿啼客散暮江頭人自傷心水自流同作逐臣
君更遠青山萬里一孤舟

歸鴈

錢起

瀟湘何事等閑回水碧沙明兩岸苔二十五絃
彈夜月不勝清怨却飛來

丹陽送韋參軍

嚴維

丹陽郭裏送行舟一別心知兩地秋日晚江南

寒鴉飛盡水悠悠

楓橋夜泊

張繼

四啼霜滿天江楓一木漁火對愁眠姑蘇

山寺夜半鐘聲到客船

蘭若

崔峒

不卷老此生寒雲古木伴經行世人那得

一尋向青峰禮磬聲

士

耿湜

不方臨騎上頭居一世生離恨有餘葉下

綺牕銀燭冷含啼自草錦中書

洪心翹司直

郎士元

曙雪蒼蒼兼曙雲朔風燕鴈不堪聞貧交此別
無他贈唯有青山遠送君

聽鄰家吹笙

鳳吹聲如隔彩霞不知牆外是誰家重門深鎖
無尋處疑有碧桃千樹花

寒食

韓翃

春城無處不飛花寒食東風御柳斜日暮漢宮

傳蠟燭輕烟散入五侯家

宿昭應

顧况

武帝祈靈太乙壇新豐樹色繞千官那知今夜
長生殿獨閉空山月影寒

涼州曲

柳談

關山萬里遠征人一望關山淚滿巾青海城頭
空有日黃沙磧裏本無春

古怨

李益

露濕啼花春殿香月明歌吹在昭陽似將海水

添宮滙洞共滴長門一夜長

上汝州郡樓

黃昏鼓角似邊州三十年前上此樓今日山川
對垂涼
傷心不獨為悲秋

雨後遊感興

竇叔向

傷心欲問前朝事惟見江流去不回日暮東風
春草紅
鷓鴣飛上越王臺

雨後欲往天目山問元駱二公溪路

僧靈一

昨夜雲生天井東春山一雨幾回風林花併逐
溪流下欲上龍池通不通

晚秋破山寺

僧皎然

秋風落葉滿空山古殿殘燈石壁間昔日經行
人去盡寒雲夜夜自飛還

薊門懷古

馬戴

荆卿西去不復返易水東流無盡期落日蕭條
薊城北黃沙白草任風吹

正音下

蹋歌詞

劉禹錫

春江月出大堤平隄上女郎連袂行唱監新詞
歡不見紅霞映樹鷓鴣鳴

柳枝詞

見升菴詩話

春江一曲柳千條二十年前舊板橋記得原本曾與
美人橋上別更無消息到今朝

與歌者何戡

二十餘年別帝京重聞天樂不勝情舊人惟有
何戡在更與殷勤唱渭城

聽舊宮人穆氏唱歌

曾隨織女渡天河記得雲間第一歌休唱貞元
供奉曲當時朝士已無多

石頭城

山圍故國周遭在潮打空城寂寞回淮水東邊
舊時月夜深還過女牆來

烏衣巷

朱雀橋邊野草花烏衣巷口夕陽斜舊時王謝
堂前燕飛入尋常百姓家

涼州詞

張籍

鳳林關裏水東流白草黃榆六十秋邊將皆承
主恩澤無人解道取涼州

送鄭三

盧仝

相逢之處花茸茸峭壁攢峯千萬重他日期君
何處所寒流石上一株松

和練秀才楊柳

楊巨源

水邊楊柳綠烟絲立馬煩君折一枝惟有春風
最相惜殷勤更向手中吹

竹枝詞

李涉

十二峯頭月欲低空零灘上子規啼孤舟一夜
東歸客泣向西風憶建溪

塞下曲

張仲素

陰磧茫茫塞草腓桔槔原上暮烟飛交河北望
天連海蘇武曾將漢節歸

秋歸思

秋天一夜靜無雲斷續鴻聲到曉聞欲寄征人
問消息居延城外又移軍

秋夕

杜牧

銀燭秋光冷畫屏，輕羅小扇撲流螢。
天家夜色涼如水，臥看牽牛織女星。

泊秦淮

烟籠寒水月籠沙，夜泊秦淮近酒家。
商女不知亡國恨，隔江猶唱後庭花。

瑤瑟怨

溫庭筠

冰簟銀牀夢不成，碧天如水夜雲輕。
鴈聲遠過瀟湘去，十二樓中月自明。

贈彈箏者

天寶年中事玉皇，曾將新曲教寧王。
鈿蟬金鳳皆零落，一曲伊州淚萬行。

隴西行

陳陶

誓掃匈奴不顧身，五千貂錦喪胡塵。
可憐無定河邊骨，猶是春閨夢裏人。

暮春滄水送別

韓琮

綠樹陰陰原本綠暗紅稀出鳳城，暮雲宮闕古今情。
行人莫聽官前水，流盡年光是此聲。

江上別李秀才

韋莊

前年相送灞陵春，今日天涯各避秦。
莫向尊前惜沉醉，與君俱是異鄉人。

金陵圖

江雨霏霏江草齊，六朝如夢鳥空啼。
無情最是臺城柳，依舊煙籠十里堤。

詩學正宗卷第十六

丁巳歲仲冬朔吉
吳曜寫完章袞刻